


# *I NJILA YA U NSOLOLI*

## *GWĀBWĀNALÒLI GWA KYALA*

 Fiki, ulubunju ulununu, binangu. Ikyene kyo lubūnju ulununu, kangi akabalilo akanunu ukuya apa. Une nsangalwike ukuya mūmi ulubunju ulu, kangi ukuya apa ni kilundilo kangi. Filipo ifīndu fīngi fiyo fibagile ukuboneka nkabalilo akanini bo aka. Kangi uswe tukamanya ko kabalilo kaki aka uswe tukukōleligwāga, ukwakwāmūla, kula ku Bulongela-nongwa ubunywāmu. Kangi uswe tukulonda ukwitendekesya ku kabalilo kalikosa, ukuti uswe tubagile ukuya nu lutēngāno.

<sup>2</sup> Kangi une ngupālisya fiyo, mūmo une nāyobīle. Nalōli, une nāli apa ikilo kya pa Ndungu, kangi nāyobāga ku bāndu. . . Une nālumbilīle ikilo kya Ndungu, kangi une ngulōnda ukumpālisya Nkundwe Roberson, mwesa umwe mwesa mwākōlelaga nkati, isya kwīkyēla i Ndumi ya pa Ndungu nkilo, “Uswe tuli nafyo ifindu fyosa.” Kangi polelo une. . . Utubalilo tumo une ngalinogwine ukuti une nayaga pakuyoba, itolo ukusuluka nukukēta kwa Nkundwe Neville. Gwāke—gwāke u mmilo gulīti bo i njuki pāsi pala. Une ndinkwinogona, “Nkundwe umpelakisa, linga umwene naloliloli ikukolela pa une ikilo iki, une nguyaga pakutūla, pamo ukubomba filifyosa ifi une mbagile.” Panongwa yakuti, une mmenye iki ikyo kili, akabalilo kāko ugwe ukatele kangi gwālīle, kangi umwēne ālūmbilīle nubukafu ulubunju lula. Kangi polelo une—une ndinkuyoba ku mwene ikilo kya Ndungu. Kangi polelo uswe tuli—uswe tuli. . . Une ngupalisya ugwe, fiyo.

<sup>3</sup> Lilino silipo isyakusūma nyingi, abene bikuyoba, panongwa ya lwiputo. Kangi popāpo unko uswe itolo tukūmbukīle isyēne, ikyāk wānda, ifyākusuma fyōsa ifi. Unko uswe twinamisye imitu gyitu lilino.

<sup>4</sup> Gwītu Tāta Gwākumwanya, ukwēne kusīmbigwe ukuti uswe tukulōndigwa ukwīngila ingomano Syāko nu kupa ukupālisya pa ndūmbūla syītu, ukutēndēka isyakusūma syītu ukumanyigwa mu ngomano sya Bīkēmo. Kangi uswe tulinasyo nyīngi isya isyēne, ulubunju ulu, nyīngi fiyo, nukuti uswe tutikumanya mumo ukusikolela isyene ku bupilikisyo Bwako, loli Ugwe usimenye isyēne. Silipo nyīngi isi sikāyobelīgwepo. Ugwe umenye isyēne, syōpe. Polelo, uswe tukusuma ni ndumbula syitu syōsa, mumo uswe twābombile ikilo kya Ndungu ugu gwakindaga kuli gwa Kalumbu Shepherd, gwa Nkundwe Shepherd, mwanike. Kula akabalilo kako mu i. . . Gomokelaga,

u Mbepo Mwikemo alinkuti, “Umwene akaya nabo nabumo ubukokonyale. Umwene ikuyaga kanunu mosa.” Bo bwikutisyo buki uswe tuli nabo akabalilo kako uswe tukupilika ukufuma kwa Ugwe.

<sup>5</sup> Lilino uswe tukusuma ulubunju ulu ukuti Ugwe kupaga ubusume ubu kuli u bubine ubu, kuli akāya akafwīlwe, kuli abaganigwa bala, na syōsa isi siyobīgwe, Tāta. Uswe tukusuma ukuti Ugwe kwisakukumbukila yiliyōsa. Kangi une ngutwala ulwiputo lwangu, kangi ulwiputo lwa bandu aba, pankyeni pa Ugwe; fibūngénie palikimo, nukutuma kwa Ugwe, mu Ngamu ya Yeso Kristi. Tupilikaga uswe, Tāta, uswe tukusuma. Amenii.

<sup>6</sup> Une ngulonda ukupālisya aligwesa kangi aligwesa gwa umwe mwesa panongwa ya nyīpūto syīnu kuli une. Akabalilo kōsa une. . . Umwe mumenye une nāli na kupufuka kunini pāsi pa ku lubīngilo pāsi pala. Kangi Sētāno āgelile ukungōga une. Kangi—kangi, ena, umwēne akābagīle ukubōmba ikyēne. Huu-huu. Umma. Kyala akāmālisysye na une tāsi. Polelo umwene itolo akabagila ukubomba ikyene mpaka ikyene kimalike mosa. Akabalilo kako Kyala amālisysye, polelo une nitendekisye. Lōli une. . . Mwinangu nnuu, Nkundwe Wood, pāsi pala, ikyēne kyo itolo fisa fya Kyala, pamo umwēne āngāli itolo ukwāga ukufuma *kuno* pāsi, kangi komma ukufuma *kuno* pamwanya. Kyāli ukufwana amatāni mahano pamo ntāndātu *lula* kifuki ku kisyo kyāngu, bo *ulo*. Kikālimfulasyēmo une na panandi. Muketile? Kyalingalaswile ikisyo kyāngu pamwanya panini. Popāpo, ikyo, mulimōsa, ikyēne kyo kyōsa kikīndile lilino, itolo akatōndobya kanini kasyēle *kula*.

<sup>7</sup> Popāpo, une ngulōnda ukumpālisya Nkundwe na Kalumbu Dauch pamwanya apa. Nkundwe Brown, na bala, aba bāpilikisye ukwisila mu buyobesanie bwa telefoni ukuti abēne bābūngénie palikimo, ikibugutila kya bāndu, nukwīpūtīla une. Kangi ikyo itolo kyo kindukimo, kikubomba ikindukimo kwa ugwe. Ugwe umenye, ugwe kubīputīla abangi, na filifyosa, kangi polelo akabalilo kako ugwe kusyagania ukuti umunduyumo ikwīputila ugwe akabalilo kako ugwe kufūmbwa ikyene, ikyo kikusanusya fingi fyōsa. Kangi une mmenye mwe bingi ba umwe mukaakolelagangamo, pamo kalikosa, loli umwe itolo mwaabombile kilakila. Kangi ikyene kikusanusya ikilūndiko kyosa kwa uswe. Kangi iyo yo nongwa ukuti une. . . ikyēne kikanfulésye une. Kyala unko une njege kanunu. Kangi popāpo une ngupalisya fiyo.

<sup>8</sup> Lilino, une ndinasyo simo isyakufumusya itolo bo tukāli uswe ukusayila aba abanini abīnītu. Lilino, ikilo iki, bulipo ububombelo pa kipanga. Kangi mwesa umwe mwe mukwisa apa pa kipanga, isaga itolo ku bubombelo apa. Kangi popāpo uswe tuli. . . Une nguya pakuyoba kuli u Nkundwe Ruddell, ikilo iki, pamwanya apa pa nsebwe-unkulumba, yumo mwa bakundwe bitu abayāti. Kangi polelo, mbimbibi itolo bo

une ngugomokela, linga une ndi nakyo ikilo ikĩngi, une ngulonda ukubũka kwa Nkundwe Junie Jackson. Polelo yula u nkũndwe ku Sellersburg, uswe tukumeleligwa nu mwẽne i kilo kimo pamwanya pala, kangi popãpo uswe tukulõnda ukubuka mmwanya ukwakumbona umwẽne. Kangi u nkundwe ukukilania pa Utica, ukwisa ikilo isi bo uswe tubagile.

9 U ndungu ugu une ngusõkãpo kuli Green Bay, Wisconsin, bo umwe mumenye, ku lukomano lwa kiyabo lwa Full Gospel Business Men.

10 Pandungu ugu gukwisa, une ndi ku sukulu ya sekondale yila, yila kumwanya kula, yila une nãli kabalilo kabumalikisyo apa. Une ngwĩbwa i ngamu ya mbuyobelemo mwa sukulu ya sekondale yila. [U nkundwe ikuyoba, “Mather.”—Nsimbi] Ngimba iyẽne yo fiki? [“Mather.”] Mather. Stephen Mather. Ena. Umma ndaga. Mbuyobelamo mwa sukulu ya sekondale.

11 Kangi polelo, Kilẽmbèlo, une ndi mu lukomano-ulukulumba ukukilania kũko une nãli nu buyobesano ni kibugutula kya balũmbilili kila mu Chicago, akabalilo ka bumalikisyo kula. Uswe twãli mu buyo bula panongwa ya lukomano lwakulagilana kwa Nkundwe Joseph Boze, uyu yo ikubũka ku Tanganyika. Tanganyika, une ngusũbila umwẽne ikukikõlèla ikyẽne. Kangi Kenya, kangi Durban, kangi ukukĩndamo mula, ukutẽdeka indendeseyo kuli ingomano syãngu isi sikwisa nkabalilo ka kugwa-mãni; kangi mu Afrika, kangi ukukilania South Africa. Kangi polelo uswe tukubasuma umwe ukutukumbuka uswe mu lwĩpũto mu ngomano isi. Polelo uswe tukugomokela.

12 Kangi une ngamanya kũko une ndinako akabalilo ka kwẽgela ikyẽne, ilisiku ilingi ku kipanga, pamo mma, bo uswe tukãli ukubũka polelo kumwanya ku North Carolina. Kangi polelo, ukufuma kula, ukubuka ku South Carolina. Kangi polelo injila yosa ukukilania ku Cow Palace mu Los Angeles, ku South Gate. Kangi kula ko kũko une ngusũbila ukwãnda ukubũka nu kwãkumbona Tãta. Weatherby, yula yũyo ãtẽndike i ndusu iyi ikipolopolo kyãpufukile nkati.

13 Umwẽme ãkali ni fwãsi ya ntu yitũligwe fiyo mma, nu kuleka i kipolopolo ukugutula kunyuma mbuyo bwa kubũka nkyẽni. Iyẽne yãli ndusu yayiolo une itolo nãtumile ku mwẽne. Umwẽne ãyitobwile iyẽne mõsa, polelo, kangi ãyitẽndike ukuya luko ulukĩndane lwa ndusu. Une ndinkubika ikikalang’asa mu kyene, ngusumuka ukutusulila, kangi iyẽne, ena, iyẽne yilinkupufula i ndusu amayãdi malongo mahano ukusyũngutula une, bo *ulo*, yilinkwẽngeluka nkiboko kyãngu. Ilipãpa lyãbũkile pãnja pa lukĩndi lwa mayãdi malongo mahano, inãti yãbũkile kubutali ukugomokela kunyuma ku kibaga kya mbabala, malongo matatu, malongo mana amayãdi kunyuma kwa une, kangi utupatu twa fipolopolo tulinkubebeluka nu kutika ifipapa fya mipiki ukukubula na filifyõsa ifingi. Polelo kila kyãli kifuki

*lula* ni kisige kyāngu, itolo kifuki inchi yimo, kūko ikylene kyāsōkilépo bo *lula*. Kangi linga ikylene kyāli ni kipufwike . . .

<sup>14</sup> Kangi i ndusu yila yisakwima amapaundi malongo-ntāndatu-na-tisa ga bufyēnye, yene, kisita kupufula. Popāpo umwe mubagile ukwīnogonēla bo bulīnga bwāli pa yēne, ukubōmba ikyo. Kangi kumbukilaga, linga iyēne yīsakupufula ikyo, iyēne āngāli yipufwile untu gwāngu ni fibega fyōpe, umwe muketile. Lōli ālipo u Ntwa īmile pala, uyu akālitikisye nu kuleka iyēne ukumfulasya une, itolo yāling’wālile une ukukilania i kisyo. Kangi akapolopolo akanini kābūkile nkati pāsi pa bukētēlo bwa kisige kyāngu, kyāpelile ubusyūngutilo ukusyūngutila u bukētēlo, popāpo ikylene kikāpalamasisye ubuketelo, kūko akapolopolo kābūkile nkati. Kimo mwa fipatu ifinywāmu iki kyālisomike mu kifupa kya mutu kyābūkile ukusyūngutila i kisige, kikālīngile nkisige mma, palema. O, mwe!

<sup>15</sup> Pakaya patali mma, umwe mukukumbukila, une nābabūlile umwe Umwēne ālyāgéne na une nkyūmba, kangi alinkuti, “Komma ukutila, kabuno ukusita-kutoligwa u Kuyapo kwa Yeso Kristi kuli na ugwe bwilanabwila.” Muketile? Muketile? Polelo ikyo kikulisimikisya ikylene, ukuti Umwene yo yuyo.

<sup>16</sup> U ngānga uyu ākētesisye i kisige kyāngu mu Louisville, umwēne ātile abēne bāsīmbile ukugomola kwa Dok. Sam Adair pāsi kuno, u mwīnitu, kangi alinkuti, “Ikindu kyene iki une mbagile ukuyoba, ukuti u Ntwa ālitūgēsye pala ulubunju *lula* nu gwambombo Gwāke ukumponesya umwene, palomo umwēne āngāli akaya nu ntu ni fibega fisyēle.” Popāpo, Umwēne āli naloliloli nnunu kwa une, kangi une ngupālisya ikyo. Ikyēne kikundwāla une kifuki panini. Ikyēne akabalilo kōsa kikapela ukukindana kunini.

<sup>17</sup> Kangi polelo, amasiku mabili ukufuma pala, amasiku matatu, ukufuma pāpo une nābukaga ku lukomano lwangu, kuko une nābātike mu Canada, u nnyāmbāla kisita kumanya kalikōsa isya iki, alinkungōlēla une ukugomola, kangi āfīmbilisigwāga ukubika-nkyēni u lukomano *lula*. Muketile? Une āngali ndi pa nsewe panja pala, ikindu iki kikābonike bo *lula*. Muketile? Kangi popāpo polelo alinkukōlela ukugomola, kangi une ngufīmbilisigwa ukwēga u lukomano, u lukomano lwa kiCanada. Kangi ikyo kisakuyaga mu Julai, imilungu igyābumalikisyo mu Julai. Polelo une ngubuka ku Dawson Creek, polelo ku Anchorage, Alaska, u Ntwa itikisyege.

<sup>18</sup> Lilino, nasimo isya ngomano isi une ndinako ukulongolela ukubūkako, komma yimo. Lōli une ngabagila ukwīnogōna isya kwītūgāsya apa palumu lōsa, ukwītūgāsya ukusyūngutila kuno, kangi abāndu bikufwa kulikōsa. Une ngufīmbilisigwa ukubyāla i Mbeyu, kulikosa ukwene kuli, kali fiki. Linga ikyēne kitikwisāpo mma, linga i njuni sya mu mbepo sikupilika iyēne,

kilikyōsa ikyēne kili, une ngulōnda ukubyāla i Mbeyu, nongwa yakuti Umwēne ikumbapo une simo ukubyāla. Popāpo une—une nguya pakusopa i Mbeyu mulimosa. Lilino, uswe tuli na kabalilo apa aka une . . .

<sup>19</sup> Abandu bingi, iki abene bikukikolela, “kōsya” a bāna banini mu lwitiko lwa Kikristi. Ena, ikyo kyo kinunu mosa, linga ugwe kubomba ikyo. Ikyo kyo kili kwa ugwe. Ena, abēne naloliloli batikōsya abēne. Abēne itolo bikubanyāfila mīsi pamwanya pa bēne. Lōli, kwa une, une ngulōnda ukusyāla itolo na iki i Bāngéli lyāyobīle bōmba. Polelo, itolo iki i Lisyu lyāyobile, ikyo kyo iki une ngulonda ukubomba, itolo kilikyosa iki Ilyene lyāyobile. Kangi, lilino, une—une ndikubwaga ubuyo bulibosa mwi Bangeli . . .

<sup>20</sup> Mu Lwītikāno Ulukūlu, abēne batwēle a bāna kuli ububutūgwe bwamumbili, utunnyāmbāla utunini, kangi u māma āpaga i kyabupi kya kwīkemesya, ingungubiya ibili pamo a kang’osi.

<sup>21</sup> Lōli, mu Lwītikāno Ulupya, ubuyo bwēne ubu une mbagile ukwāga ulukumbusyo lwa bubōmbélo ubukulumba ubu ubwa . . . Ikyēne kyāli lusayilo. Abēne bātwele abāna kwa Yeso, kangi Umwēne ābapīmbīle abēne mmwanya mu ngōngi Syāke kāngi ābasayīle abēne. Ikyo kyo iki abapapi bābōmbīle ikya lisiku Lyāke. Kangi u būmi Bwāke bwāli kyakwēgelēla kya iki uswe tukufimbilisigwa ukubōmba. Muketile? Ifindu ifi Umwene aabombile ku kyakwegelela.

<sup>22</sup> Lilino, uswe itolo tukwega abanini bala, kangi abene bikutwala abene kwa uswe, kangi uswe itolo tukubakolelela abene kwa Kyala, kangi tukusumaga isayo sya Kyala pa bene, nu kwīpūta u lwīpūto lwa lwīpāgulilīgwe ukufuma kwa māma na tāta, kwa Kyala, bo abēne bikutwāla u mwānike gwābo. Kangi . . . pamo ukubasungulila abene mu Ngamu ya Yeso Kristi, mpaka abene bo bakusi ukufwana ukuti bōsigwe mu Ngamu ya Yeso Kristi. Kangi lilino, Umwene alinkuti, “Kilikyosa iki uswe tukubomba mu lisyu pamo mbombo, bomba ikylene kyōsa mu Ngamu ya Yeso Kristi.” Polelo—polelo ikyo kyo iki uswe tukulonda ukubomba.

<sup>23</sup> Kangi lilino, akabalilo kāko u kalumbu isakukina mwakimyemye ulwīmbo ulunini ulu, kalumbu, uswe tulinakyo apa, *Batwala Abene Nkati*. Kangi a bamama na batata aba bali nabo a bāna banini aba bābo bakayamo siku ukupāgulīgwa kwa Ntwa, linga umwe mwisakubatwala abene lilino, akabalilo kako ikilundilo, uswe tukwimba nubutofu ku bene lilino, ulwimbo. Ena.

Batwala abene muno, batwala abene muno,  
Tswana banini bala kwa Yeso.

<sup>24</sup> Une mbaganīle abinitu abanini aba. Kilipo ikindukimo ikya bēne iki kyo kinoge fiyo.

<sup>25</sup> Une ngusakisya uyu yo naloliloli gwa kiItalia. Bule umwène? Umma ndaga. Ikikolo kya kiItaly, banāndipo aba bikufimbilisigwa ukusayiligwa. Unnini u kalumbu gwa kiItalia apa ukufuma, o, ukufuma Chicago, ali apa. Alinkuti, “Iyi yo nyumba ya baItalia, ulubunju ulu, loli une ndikuyaga pakulumbilila mma.”

<sup>26</sup> Ngimba i ngamu yāke yo fiki? Jonathan David, bo bumogi buki bwa ngamu! Lilino, Jonathan. Umwène ātile u tāta gwāke āli ni—āli ni ngamu ya kiItalia, kangi umwène āli. . . Umwène ikulōnda umwānake ukukōleligwa i ngamu ya mwi Bāngeli.

<sup>27</sup> Umwe mumenye, mula alimo ugwa kiItalia unkulumba mwi Bangeli, ni ngamu ya Korneli, akabalilo kamo, umwe mumenye. Umwène āli ni kibugutula, kangi umwène āli nnuu, kangi umwène āpāga ubutūli ku bāndu, akabalilo kāko umwène ukuya Gwāpānja, lōli. Umwe mumenye a kapāngo. Kangi ilisiku limo u Gwandumi alinkwisa ku nyumba yake, alinkumbula umwene ukuntumila ukusuluka kula ku nnyambala uyu ayimenye imbatiko ya Kyala. Kangi umwene. . . Umwe mumenye akapango. Akabalilo kako, umwene ali na bandu bala mu luyindiko lwa Kyala! “Bo Peteri akāli ikuyoba a Masyu aga, u Mbepo Mwikemo āgwīle pa bēne.” Uko ko kutalusya. Une ngusuma u mwāna uyu isakuyaga u luko lulalula ulwa nnyambala, i ngamu yilayila.

<sup>28</sup> Jonathan, kimogi! Ngimba mbagile ukumpimba une? Gweisa kuno, Jonathan. Mwe, ko kapulungese ka sukali kaki ku nyumba iyi!

Unko uswe twinamisye imitu gyitu.

<sup>29</sup> Taata gwiitu Gwakumwanya, ifyiinja fikukiindilepo, bo a kapango aka une naalyaandisyepo itolo, isya nnyaambala unkulumba ugwa ngamu ya Korneli, uyu āli nnyāmbāla unnuu, ngolofu, ukuhōmba ifyabutūli nu kungana Kyala. Kangi u Gwāndūmi gwa Kyala ālīsile ku nyūmba ya nnyāmbāla yula. O Kyala, uswe tukupa kwa Ugwe, ulubunju ulu, unnini Jonatani David. Une ngusuma, Tāta Gwakumwanya, ukuti bo une nēgile umwène ukufuma mmaboko ga u nna nu gwīse, yūyo ikuntwala umwène kwa Ugwe. . . Une ngutwāla u lwīpūto lwa bupāguligwe lwa būmi bwa mwānike uyu ukuya būmi bwa bubōmbēlo kwa Ugwe, u lusayo ku kāya, ibwe ilikulumba ikyakufyūkilapo ku Kipānga. Tupaga ikylene, Tata. Une ngupa kwa Ugwe unnini Jonatani Davidi, mu Ngamu ya Yeso Kristi. Amen.

<sup>30</sup> Kyala abapepo umwe i lipyāna Lyāke nukutūla ukukusya umwène mu bufūndigwa bwa Kyala.

Akusaye ugwe, Jonatani Davidi.

<sup>31</sup> Lilino, uyu yumo, mwe, umwene yo nnini, pamo yo umwene? Umwene? Mwe, undumbilili uyungi ikwisa apo, une ngusubila. Ngimba i ngamu yo fiki? Micah. Micah. Une nguyoba pa mwēne ulubūnju ulu. Micah Edward. Edward, iyo ngamu nūnu.

Lilino, unkasi gwängu äbagile ukubōmba iki kingipo kanunupo akabalilo kâko ikyēne kikwisa ukukōlelêla umwēne, 'nongwa yakuti une bwila ngutila une nisakubakonyola abēne akabalilo kâko abēne bo banīni. Muketile? Ko kändu kanoge nki, amāso gala amanini itolo ukukelengania. Umwēne yo nnini fiyo. Ngimba nkusi bulebule umwēne? Umwēsi gumogwēne mbukusi.

Unko uswe twinamisye imitu gyoutu.

<sup>32</sup> Gwakumwanya Tāta, babili aba abakeke kängi bikwisa pamwanya apa ukupa kwa Ugwe ifyakukōnga fya bumobwēne bwābo bwa būmu Ugwe ubapēle abēne, ukukusya mu lufūndo lwa Kyala. Sayaga unnini uyu Micah. Kyala, une ngusuma ukuti Ugwe kumpelaga umwene ukuya nnyambala bo Micah mwi Bangeli. Tupaga ikylene, Tata. Mpapo umwene isayo sya Kyala. Saya u gwīse nu nna, kangī ntēndēka umwēne ubupūtiligwe apa pa kīsu, ibwe ilikulumba lyākufyūkilapo kuli i nōngwa ya Kristi. Kangi lilino, tupilikaga uswe, Tāta, une ngutwala kwa Ugwe, ukufuma ngōngi sya tāta na māma, ku ngōngi sya Kyala, unnini Micah Edward, mu Ngamu ya Yeso Kristi. Amenī.

<sup>33</sup> Untwa alisayaga umwene, abasaye umwe, u tāta nu māma, ukunkusya umwene mbufūndigwa bwa Kyala.

Une ngwitika ikyo kyo kyēne. [Ubuyo busitakandu pa tepi—Nsimbi]

<sup>34</sup> O, une mbaganile itolo abene abinitu abanini, itolo aligwesa. Ikyo, aligwesa, yo mwāna ummogi ukukinda bosa nkisu. Kukayapo itolo ukufūmbwa. . . Akabalilo kâko une nālintwele Yosefu unnini ku kāya, yula āli, mbwanaloli-ndumbula, u mwinitu unnyali ukukinda uyu une ngetilemo siku, lōli unna gwāke na une twālinogwīne umwēne āli kafwāni. Lōli iyo yo njila ikyēne kili, umwe mumenye. Ikyo kyo. . . Uswe itolo tukwīnogōna ikyo.

<sup>35</sup> Une nguswīga, ulubunju ulu, bamo mwa benekaya bītu apa. Pala āli u—u. . . Lilino, ikisige *iki* kili nu bulēnge mu kyēne, iki kyo kikufūniania fiyo. Lōli Kalumbu Nash. . . Nalālūsīse isya Nkundwe Nash; une nguswīga linga umwēne āfikilēpo ukuya kanunu. Ali. . . Ngimba abēne bali apa? O, ena, ena, umwene ali apa. Ntufye u Ntwa, Nkundwe Nash. Ikyo, ikyo kyo kinunu.

<sup>36</sup> Lilino, Kalumbu Edwards, ngimba umwene ali apa? U. . . Pamo, Kalumbu Shepherd, uyu ali nu ndindwana unnini, umbine, umwene ali kanunu lilino ngimba? Kanunu. Une mbilike i nongwa, kangī i kindu kila kyāli itolo kifuki amaminiti mahano mpaka une nāli na bandu, ukusōka panja pa kāya, kuli ukuyobesania. Une ndikubopela nkyūmba nu kwīpūta, kangī abēne balinkuti u mwānike ēgāga ubukokonyole, ngōngi na malundi fyūmāga. Kangi une ndinkubopela nkati ukwīputa, kangī ndinkuti, “Une ngwisaga ukufuma kipanga.” Nalimbūlile Loyce ukungōlêla ukugomokesya nu kumbūla u nkīkūlu yula une āngāli nguyaga pala ukufuma ku kipānga;

linga umwēne āndōngāga une, ukungōlèla une. Kangi akabalilo kako une naabuukile pakwiipuutila, u Mbepo alinkuti—alinkuti, “Nabumo bukokonyale. Umweene ikuyaga kanunu.” Une nisile pasi, ena, uswe twesa twayaga nu lwiputo apa ku kipanga. Ikyo itolo kyamalisise ikyene.

<sup>37</sup> [Kalumbu ikuyoba, “Nkundwe Branham?”—Nsimbi] Ena, māma. [“Uswe twābūkile ku ngānga pa Kilēmbélo, ukufuma pāpo ugwe gwālimwipūtīle umwēne akabalilo kākwarda, kangi bōsa ubwīsūle mu kipāmbāga kyāke bo bōsa buswēpile lōsa, bukīndile ukufuma mu mmilo gwāke.”] Ntufye u Ntwa! Ulwiputo lukwāndula ifindu.

Kuyoba, umwēne akaya apa, ulubūnju ulu, bule umwēne, u mwanundumiana-undamu? Ena.

<sup>38</sup> Pandungu ugu gukindile, akabalilo kabumalikisyo une nālumbilile apa, pa Ndungu gumogwēne undungu, ālipo u mwinitu unkeke itugesye apa; Une ndinkūmilisya ukunkēta umwēne. Une ndinkwinogōna, “Une nābagile ukumanya u mwanike yula.” Kangi ngwisa ukusyāgānia, umwēne āli gwāngu gwaiyolo u mwanundumiana gwa mwinangu-ku-sukulu, Jim Poole. Fiki, uswe tukusigwe palikimo, ukufuma baliumiana banini, mpaka. Umwēne yo yula uyu une nāli ni bubonelo bwa ndusu palikimo, akabalilo kala, kangi polelo pankyeni pāke āli nayo yimo umwēne, nu mwīnāngu gwa une. Une ngusubila ukuti une mbagile ukundongosya u ndumiana yula kwa Kristi. Une ngelile u tāta gwāke nubukafu fiyo. Une ngwitika une nguyaga, lōli, nguntwālaga umwene nkati. Une ngusubila une mbagile ukulongolela umwinitu unnini yula. Umwene āli ni. . . Une ndinkukelengania ku mwene. Umwēne ābonekāga ngati umwēne āli na kanunu, iki une ngukikōlēla ikyēne lilino (komma ukutēndēka ubuyobelo ubu kwa aligwēsa uyungi), lōli, kasenyenda gwa mbepo gwāke, ukwīpilika kununu. Une ngwitika ikyēne āngāli kitikwēga fingi fiyo ukulōngosya u ndumiana yula kwa Kristi. Polelo unko uswe tummwiputile umwene. Uko ko kotalusya.

<sup>39</sup> Kangi, nkundwe, muketile, umunduyumo uyungi āli mbine, pamo ikindukimo, iki une ngugela ukwinogonela.

<sup>40</sup> Lōli, uswe tukusūmila kuli bōsa. Kangi akabalilo kāko utubalilo tumo. . . Akabalilo kāko ugwe kutuma ikyakusuma, kumbuka, mbimbibi bo une ngukyāga ikyēne. . . Unkasi gwāngu ali mu nyumba pabuyo bumo, une ngwinogona, polelo umwene amenye. Nakalinga itolo bo une ngufika ku busume, kulakula ukutalula ku kyumba kyāngu kyafinyamana, une ngubūka ku lwīpūto, nu kwitugasya pala mpaka une ngwīpilika ikindukimo. Une itolo ndikulekako ikyene mma.

<sup>41</sup> Ilisiku limo, akabalilo kāko Sam, Dok. Sam, asōsyāga ifindu fila ukufuma nkisige kyāngu, umwēne āgelāga, kangi ikyēne kyālimfulesye umwēne nububibi fiyo, umwēne



alinkufimbilisigwa ukubika icyenda pamwanya pa kisyo kyangu. Alinkuti, “Une ngabagila ukuketa ililopa lya mwĩnangu.” Alinkuti...Kangi une nogaga mu lyene, umwe mumenye. Umwene alinkuti—umwene alinkuti, “Une itolo ngabagila ukubomba kila nukubomba pa kyene.” Muketile? Kangi polelo umwene alinkukwaba kila panja. Kangi ilisiku ilikonge umwene ali nkipatala. Polelo une ndinkummwiputula umwene, kangi umwene alinkusokaga kanunu mosa.

<sup>42</sup> Kangi polelo i lisiku lyakibili, unkasi gwake, abene balinkusita nukumanya iki kyali kisobile nu mwene, binogonaga ukuti umwene ambulaga ubukokonyale. Muketile? Alinkuti, kangi alinkuti...Kangi nalimmwiputile umwene, kangi lilino umwene ali kaya kanunu. Popapo uswe tuli nabo mu kyumba, Doc...Uswe twabukile mbubombelambombo, kangi umwene...Uswe tulinkukwaba ikifigo palikimo, alinkuti, “Lilino, Nkundwe Bill, une ngukusumaga ugwe ikindukimo.” Alinkuti, “Ngimba ugwe kunyiputilaga une na Betty?”

Une ndinkuti, “Unko uswe. Unko uswe twipute.”

<sup>43</sup> Popapo, umwene yo yuyo uyu u Ntwa anangisye imboniboni, kuko ikuyengaga i kiliniki. Umwe, umwe mukukumbukila akapango. Linga ugwe kwilamwamo icyene siku, buka kula nu kundalusya umwene akabalilo kamo. Ena, itolo alinkuti, “Unko aligwesa isege muno.” Alinkuti, “Une njobile icyene ku bandu maelifu kalongo.”

<sup>44</sup> [Unkundwe ikuyoba, “Nkundwe Branham?”—Nsimbi] Ena, nkundwe. [“Kuli bala apa ulubunju ulu kangi ukubika ulwitiko lwingipo mu ndumbula sya bangi: Pandungu gwa Pasa ndubunju, ugwe gwakolile panja u moyo umpala apa, ugwakitatu yula, uyu ali nnyambala. Ugwe gwatile umwene ali ukufuma ku Seymour. Kangi ugwe gwatile, ukwisila mu kupakigwa kwa Mbepo Mwikemo, Abene bikukokoléla ugwe, “Bill.”] Une mmenye unnyambala. Une nummenye umwene fiyo kanunu fiyo. Kangi ukufuma papo uswe tusokilepo apa, ingamu yake yo Isaki. Abene naloli bikunkolela umwene “Bill.”] Ena, nkulumba. Muketile?

<sup>45</sup> Ingamu yake iyanaloli yo Isaki. [Unkundwe ikuyoba, “Uko ko kotalusya.”—Nsimbi] Loli abene bikunkoléla umwene Bill. [“Uko ko kotalusya.”]

<sup>46</sup> U Mbepo Mwikemo atikusoba nabumo ubusobi. Umwene yo nsitakutoligwa. Lilino, uyu, yumo ayobaga, alinkuti...Une ne—une ndi malongo-mahano-na-fitatu, na malongo-mata... ukufwana ifyinja malongo matatu-na-kimo, une nldi kunyuma kwa kigemo, kangi une numbwene Umwene mu bakalongo ba maelifu ga findu.

<sup>47</sup> Mmayolo, une nali pasi, kubutali kula pasi, kwitongo kwa Kentucky, kulakula ku mpaka na Tennessee, kangi une nalitugésye mu bwato nu Nkundwe Daulton, uyu u Ntwa

āpele bōsa abāna bāke ku mwēne. Umwe mukukumbukila ulubunju apa, bo umwene ikwānda pala. Kangi umwene alinkuti, “Nkundwe Branham,” alinkuti, “Une ngusakikisya ikylene kikuyaga kikafu kwa ugwe ukusakikisya.”

<sup>48</sup> Une ndinkuti, “O, Nkundwe Daulton, malongo ga tubalilo maelifu ukōlosya maelifu ga findu bo ifyo.”

Alinkuti, “Nongwa ya fiki ugwe utikugela ukusimba i būku” (Une ndinkuti . . .) “ikyā ikylene?”

<sup>49</sup> Une ndinkuti, “O, mwe, Nkundwe Daulton, ikyēne kyābagile—ikyēne kyabūkāga ukukilania ubwāto ubu apa, i enseklopidiya, iyolo ifilūndiko fya mabuku ifya iki une ngētile u Ntwa ikubōmba. Kangi komma akabalilo kamokene aka Umwene ātoligwemo siku, muketile, komma akabalilo kamokene; loli, mpelelesye akabalilo kalikōsa.”

<sup>50</sup> Une nguketa, une ngwitika lilino, linga une ngasoba, undindwana gwa Nkundwe Shepherd, nu luko lumu lwa lidiresi iliboneke-lyālūki afwēle. Une ngwinogona ikyo. Une ndinkwima ku nyūmba yāke, ulubunju lumu. Umwene endaga ukusuluka, kangi une ndinkwinogona ukuti une mbagile ukuya nu ndindwana unsobi ukupimba, polelo une ndinkusōkapo. Polelo yula āli yo une uyu ālīmīle, kalumbu. Une—une ninogonaga ukuti umwene yo ndindwana gwa Nkundwe Shepherd, kangi une nābagile ukumpimba umwene, panongwa yakuti une ninogonaga ukuti lumu iligali lyake lyabongotwike pamo ikindukimo. Uswe twabukaga, ukwega Becky. Kangi une—une ndinkwinogona ukuti umwene lumu abagile ukuya ndindwana unsobi. Loli lilino une numbwene umwene itugesye na bene pala, polelo une—une ngwītika umwene āli ndindwana untalusye. Popāpo yula āli une uyu ālīmīle niligali pala kangi polelo ndikusōkapo.

<sup>51</sup> Polelo, aligwesa anganile u Ntwa Yeso? O, nswigisye! Ikyo kyo itolo kinunu kangi kinyafu. Amenī.

<sup>52</sup> [Nkundwe Neville ikuyoba, “Nkundwe Willard itolo īsilemo nkati.”—Nsimbi] Ena, Nkundwe Willard, uswe twe itolo tusāngalwike ukuya na ugwe nkati. Kangi ugwe kuboneka kanunu fiyo, kangi, ubununu-fiyo une mbagile ukukēta ugwe. Uswe bosa-babili nu luko lumu twāliswīle lōsa, ukusyūngutula i kisyo. Une nguboneka ngati une ndikigwe nu lukufi lwa ikyēne. Kangi une numbwene Nkundwe Willard ikilo kila, akabalilo kako umwene āli ntulo, kangi gwabwanaloli ku bununu, umwene abonekaga ukuya ntilisya. Lōli ugwe kukētigwa nalōli kanunu ulubūnju ulu. Kangi uswe tukupa ulupālisyo nu lutufyo kwa Kyala panongwa ya ikyēne, nkundwe. Amenī. Ena. Umwe mumenye, u mōhēsi akabagila ukutugoga uswe mpaka Kyala ikuyoba, “Isaga kunokuno.” Polelo uswe tukulonda ukubuka, bule uswe, Nkundwe Willard? Uko ko kotalusya. Mpaka

akabalilo kala umwene ikugela itolo mwaitolo. Ikyo kyo kyosa. U Ntwa Yeso yo butuli bwitu kangu mbuponelo bwitu.

<sup>53</sup> Lilino apa une nguyoba muno, akabalilo kako une itolo nisilepo isala ukufwana isala ntändätu ukulumbilila ulubunju ulu. Muketile? Itolo...Lilino, uswe tukufumusyàmo siku, tukätümile pänja na matiki nagamo, ni findu, 'nongwa yakuti une natalile näfumwisye une ängäli ndikuyaga apa. Löli, itolo ukwisa päsi nukuntula Nkundwe Neville, nukufika ukukubona umwe mwësa kängi, nukuya na kabalilo kanini ka bulilanisi.

<sup>54</sup> Kangu ikilo kya pa Ndungu ugu gwakindaga, Nkundwe Roy Roberson, une ngamanya ukuti kali umwene ali muno, pamo'mma. Une ngabagila ukukitendeka ukufwana ukukéta ukuti umwene ali apa. Umwene älingölile une kula, ämbulaga une isya Ndumi.

<sup>55</sup> Kangu umundu yumo alinkukolela, alinkuti, "Une naswigaga akabalilo kako ugwe gwayobaga isya 'Kyala aatupele uswe ifindu fyosa.'" Muketile? Umwëne äbömbile. Umwëne ätupéle uswe u bümi. Gela uküla ikyëne. Umwëne ätupéle uswe ulugano. Gela uküla ikyëne. Umwëne ätupéle uswe ubuhobofu. Ikugela uküla ikyëne. Umwëne ätupéle uswe ulutëngáno. Gela uküla ikyëne. Injila nayimo iyaküla ikyëne. Uge ukabagila uküla ikyëne.

Polelo une ndinkuti, "Umwene atupele uswe u bufwe."

Yumo alinkuköléla pamwanya, alinkuti, "Ndumbilili, une näswigága kûko ugwe gwäbükága na kila." Alinkuti, "Une ndinkwinogona, 'Uu-oo, apa Nkundwe Branham alipinyile mwene akabalilo kala.'" Komma akabalilo kâko i Bängéli likuyoba lûlo. Muketile? Ili Bängéli lyäyobile Umwëne ätupéle uswe ubufwe.

<sup>56</sup> Lilino, ngimba uswe tubagile ukubomba fiki nu bufwe? Umwe mumenye, Pauli ikwisa ku bufwe, umwene alinkuti, "O bufwe, kali kugu ukasufi kako?" Ubufwe butikutulagila uswe. Uswe tukulagila ubwene. Kotalusya. Ifindu fyosa fipigwe kwa uswe.

<sup>57</sup> Kangu polelo une näpële ubwëgelelo bwa mümo fikuti Israeli, pa buküye ku kisu ikifingigwe, abëne bakakibwënëmo siku ikisu kila. Abëne bāmenye nakimo ikya ikyëne. Abene itolo bāli nu lufingo lwa Kyala, kyälipo i kisu, kangu ikyëne kyäliswile nu lupyu nu lûki, kangu kinunu, kangu—kangu ubuyo ubukulumba. Kangu ikyëne kyäli. . . Abëne bakākibwënëmo siku ikyëne. Nayumo äliko siku kula, äménye kalikōsa ka ikyëne. Löli abëne bāli nu lufingo lwa ikyëne. Kangu nu lwitiko abëne bëndäga mu lulangälänga.

<sup>58</sup> Kangu akabalilo kâko abëne bikufika kulakula ku lukindi lwa mpaka, abëne bāli nu gwäbwite pala ni ngamu ya *Yoshua*, iki kokuti, "Yehova Mpoki." Polelo umwene alinkukilania u Yorodani, ukwingila mu kisu ikifingigwe, nukutwala ubuketi

ukuti ikisu kyaaliko kula. Une nkiganile ikyo. Kangi ikyene kyali kisu ikinunu. Abanyambala babili bapimbile ikibugutila kimo kya mipesa panja. Ikyene kyali kisu kinunu, popapo umwene atwēle ukugomokela u bukēti ukuti i kisu iki abene bayaga pakupoka kyaliko kula.

<sup>59</sup> Lilino, ku Kipanga, uswe tuli pa bwendo ku Kisu kya busitakufwa, i Kisu kuko bukayako u bufwe, i Kisu kuko abafwe bikusyusigwa mmwanya. Kangi uswe twali nu Mpoki unkulumba mu bugonelo bwitu. Yeso ikusanusya “Yehova Mpoki,” Nganigwa. Kangi Umwene alobwike u Yorodani gwa bufwe, ukukilania mu Kisu ikingi, kangi ukugomokela, nu kutwala ubuketi ubu uswe tukwitugasyamo ukufuma bufwe. Ameni. Polelo buli kugu ubufwe?

<sup>60</sup> Kangi polelo Umwene atupēle uswe ifindu fyōsa. “Lilino uswe tuli ni kikole kya kilingo kyitu. Fiyo mpaka . . .” Lilino pilikisya kifuki. Kangi une ndikulumbilila pa kimanyisyo kila, loli ikyene itolo kikwipilika kanunu kwa une lululu ulu. Muketile? Ukuti, uswe tuli nu kikole kya ikyo. Kabuno, i lisiku limo uswe twalyendile mu butulwanongwa; kangi ukufuma ukuya tōsigwe mu Ngamu Yake, nukusyūka nu Mwene mu busyūke, uswe tutwāligwe ukufuma ku butulwanongwa, nasiku kangi mma ukulōnda ukugomokela kangi. Muketile? Uswe tufyusigwe ukufuma ku butulwanongwa, nu buketi ubu uswe tuli nabo. Uswe nubwitendekesyo tuli mu busyuke ukufuma ku bufwe bōsa. Muketile? Linga uswe tubagile ukusumuka ukufuma ku butulwanongwa, nu lwitiko mwa Umwene; kangi bulipo u butulwanongwa, ywani abagile ukugomokela ku fipipa fya finyanyasi fya butulwanongwa kangi? Muketile? Uswe tukilenie ukufuma ku bufwe ukubuka ku Būmi. Muketile? Kangi ikyo kyo kikolelēla-ngāni. Ameni. Ikyo kyo kikolelēla-ngāni kya busyuke lōsa. Ubufwe bosa, mumbili kangi bwamwambepo, uswe tubombōlile tupōnjwile ubufwe bwamwambepo, panongwa yakuti uswe tukilenie ukufuma ku bufwe ukubuka ku Bumi.

<sup>61</sup> Kangi bo Eliya asulukile ku Yorodani ilisiku limo, nukutika ikyene, na Elisha, kangi ikyene kyapāgulēnie kunyuma, kangi umwene alobwike. Umwene alinkugomokako na kayabo ka pabili.

<sup>62</sup> Kangi akabalilo kako uswe tukutika Yorodani, na Kristi, uswe tuli nako akayabo kamokene, loli akabalilo kako uswe tukugomokela, uswe tukwisa ni fiyabo fibili. Uswe tuli nabo u Būmi Bwasyēpwa, ubusyūke ukufuma ku butulwanongwa, lilino, mbugolofu na Mbepo Mwikemo. Kangi polelo ukugomokela, na Kristi, uswe tugomokile nu busyūke bōsa ubupalamasigwe, kangi uswe tutalile tuli nu busyūke bwamwambepo. Uswe tuli na tuyabo tubili utwa ikyene. Bwila i kyākwimilila kya Kristi na i Kipanga: Elisha na Eliya.

63 O, une ndikulonda ukwānda pa ikyo. Mwe, mwe, mwe, uswe tukabagilamo siku ukwisa pa Ndumi ya sala ya ntāndātu kuno. [Nkundwe Neville ikuyoba, “Inyama pa lifupa, loli.”—Nsimbi] Ena. Mwe! “Nyama pa kifupa,” Nkundwe Neville. Ngāli nkumemena iyēne. O, ngimba umwe mukaya bahobofu? Muketile? Uswe tukaya nakyo. . .

64 Kukayapo nukutamia kangi mma. Ubufwe bukaya nakimo. Uswe tuli nakyo ikyene. Ikyene kyo kyitu. Ikyene kikabagile ukulagila une. Une ngulagila ikyene. Bulebule? Ukwisila mwa Umwēne Yūyo ālindēdike une ukuya mpōnjōli, panongwa yakuti une ndalile mbonjwile ubufwe. Ngimba une nābombile bulebule ikyene? Ukwisila mu kwitika pa Mwene. Muketile? Ubufwe buli mu butulwanongwa, ukusitakwitika. Une ngaya nsitakwītika mma. Une ne mwitiki. Une nsyusigwe ukufuma ku kindu kila, unsyūsige. Ikyēne kyo kikoleléla-ngāni kya bōsa ubupalamasige bwāngu, ubusyūke bwamwambepo, kilikyōsa. Ena, nkulumba. Ugwe mukupilikisya ikyēne? Polelo uswe nalōli tukuya nu bufwe pāsi pa bulagili bwitu, ukwisila mwa Yeso Kristi Yūyo apōnjwile u bufwe, gehena, ilipūmba, ububine, busulumanie, filifyōsa ifingi, apōnjwile pamwanya pa fyōsa.

65 Kangi uswe lilino tusyukile nu Mwene, twitugesye mbuyo Bwakumwanya, ukuyoba mwambepo, mwa Kristi Yeso, ni findu fyosa pāsi pa malundi gitu. Bope u busyuke bwamumbili buli pāsi pa malundi gitu, panongwa yakuti uswe tuli mwa Kristi. Ngimba—ngimba umwe mukukyaga ikyene? Linga umwe mukubomba, fyusya amaboko gyīnu. Ameni. Ikyo kyo kinunu. Akabalilo kosa umwe mukupilikisya ikyene, ikyo kyo kinunu. Muketile? Komma ukukyitikisya. . . Lilino itolo umilisyaga ukukyunga ikyene mminogono ginu. Muketile? “Uswe tukilēnie ukufuma ku bufwe ukubūka ku Būmi,” ikyakupalamasigwa, ikyāmwambepo, injila yiliyōsa.

66 Kangi filifyosa, kangi ifindu fyosa, fili kwa uswe lilino. Fiki, ikisu panja apa kikuyoba ukuti uswe tuli basyūtano, kangi loli ikisu kyosa kyitu. Ngimba umwe mukuyaga bulebule pakwingila ikilingo ikyene?

67 Akabalilo kako, mumo une njobiile, Abraham, muketile, umwene aali nkisu ikifingigwe; Kyala akipele ikyene ku mwene. Loti ālyēgigwe na bamo abasitandagilo babunyāmbūta, balinkumwēga ukunsōsyāpo. Yula āli mwipwa gwāke. Umma ndaga. Kilikyōsa kyāli mu kīsu kila kyāli kya Abraham. Popāpo, umwēne akāli gwabwīte. Umwēne akālwīgwēmo siku. Umwēne ākāli nabo abābwīte balibōsa nu mwēne. Umwēne āli na babōmbi bamo. Lōli akabalilo umwēne akētētile ukuti ikindukimo, u mōhēsī, ālisile nu kunyāka umwēne ikya kīndukimo iki kyāli lufīngo ku mwēne, umwēne alinkufwik’ifilwīlo ababōmbi bāke kangi alinkwēga ikilwīlo mwēne. Umwēne akāmēnye mūmo umwēne ābāgile ukupōnjōla ikibugutula kyōsa iki ikya banyafyāle. Itolo banāndi ba babombi,

loli Kyala alimbulile umwene akabombelo ka ikylene. Umwēne āliyabēnie mwēne, nu kubūta a banyafyāle, nu kugomokela pōnjōli. Fiki? Umwene ālambalike u lwītiko lwāke pa lufingo lwa Kyala ukuti kilikyosa nkīsu kila kyāli kyāke, kangī Loti āli kiyabo kya ikylene, uko ko kutalusya, kyāli kiyabo kya kīsu. O, mwe!

<sup>68</sup> Kangi pala umwēne ālyāgēne na Melekisedeki, ukufuma pāpo ubwīte bwāmalīke. Ngimba umwe mubagīle ukumbona Abraham ikwisa pa nsebwe? Umwēne akāmēnye umwēne āli gwabwīte, lōli umwēne āmēnye akabalilo kala umwēne āli. Ena, nkulumba. Kangi umwēne ālyāgēne na Yūmo Yūyo apele ulufingo, Melekisedeki.

<sup>69</sup> Lilino unko uswe tubale ukufuma mwa Buku gwa Amosi. Une nguyobaga ulubunju ulu; komma isala ntāndatu, palema. Une ngusubila umma. Muketile? Pa—pa kimanyisyo, ukuti, *I Njila Ya Nsololi Gwābwānalōli*. Kangi ikilo iki, u Ntwa itikisyeye, une nguyobaga pa, *Pòlesya Pāsi U Lutitikisyo*, kangī polelo u—u Ntwa itikisyeye.

<sup>70</sup> Lilino, une mmanyigwe ukuya ndonda-busobi, loli une—une—une ngaya gwa lukanikano mma, pēne pāpa kalikosa iki kisobi. Lōli une, uswe, tukufimbilisigwa ukukemela ubusōbi.

<sup>71</sup> Lilino, linga umwe mwisa kuniōngotola ifisīmbi fyīnu ukwāsya lilino, nkyūmba, fiki, umma ndaga. Une ngulonda ukubala lilino ukufuma ku Amos, unto gwa 3. Pamo i . . . Ena. Untu gwa 3 gwa Amosi, itolo akayabo ka ilyēne, Amos 3:

*Pilika i lisyu ili lilyo u NTWA ayōbīle ukulwana na umwe, O bāna ba Israeli, ukulwana ni kikolo kyosa iki une ndwele ukufuma ku kisu kya Igupto, nguyoba,*

*Umwe mwe bēne une mbamēnye pa fyōsa ifikolo fya kisu: polelo une nisa kubafūnda umwe panongwa ya . . . busāmbuke bwīnu.*

*Babagīle babili ukwēnda palikimo, pēne pāpo abēne bayege bitikisenie?*

*Ngimba i ngalamu yisakubuna mmatēngēle, akabalilo kāko umwēne akakola nakamo? ngimba ingalamu ingeke yisa kukūta ukufuma mu mbako yāke, linga umwēne nalōli akalya nakimo?*

*Yibagīle i njuni ukugwa nkipīngo pa kīsu, mūmo yikayamo i seke kuli umwēne? ngimba yumo isakusala i kipīngo ukufuma pa kīsu, kangī akakolapo nakamo na panandi?*

*Ngimba i ngangabwīte yisakupūtīgwa nkāya, kangī abandu batikuya nulutende? ngimba pisakuyapo ububībi nkāya, kangī u NTWA nalōli akabōmba ikyēne?*

*Naloliloli u Ntwa... atisakubōmba nakamo, lōli umwēne ikusetula ifyakubutitu fyāke ku babōmbi bāke abasololi.*

*Ingalamu nalōli yibunile, ywāni atisa kutīla? u Ntwa KYALA nalōli ayobīle, ywāni abagile lōli ukusolola?*

<sup>72</sup> Amaso gake gabagile ukuya gāli mafinyisigwe, mumo umwene ālimīle ulubunju lula pa kām̄ba itolō ukukindilila a kāya ka Samaria. Une mbagile ukuketa amaboko gake amīkasye bo ikyēne kikusema ukwisila mu ndefu syake isyambuha. Ilisuba lilinkumulika pasi. Umwēne akāli mmogi fiyi ukunkētapo. Bukīndāne bule ukufuma ku balūmbilili balilino umwīsyūgu! Imyēnda gyāke gyāli mikafukafu; indefu insita-kupēsīgwa. Kangi alinkukēta pāsī pa kāya kala ka Samaria, amaso gake gikukinya bo umwene ikukēta. Umwene akaali fingi fiyo mma ukuketapo, loli umwene aali na ISI SYO IKUTI U NTWA ku kisu kila.

<sup>73</sup> Ikyēne kyāli, lumo, kingi kikīndāne ku lusanio ulu lukwīsa, ukuti u Ntwa alintumīle umwēne ku Samaria, ukukīnda iki abītu abalūmbilili balilino babāgīle ukuya. Umwēne akafwīkile kuli uluyīgo bo lula, bo mūmo uswe twābagile ukwīnogōna umwēne abagile ukuya umwīsyūgu. Loli kumbukilaga, umwene akaali ndumbilili gwa masiku aga mma. Umwene aali nsololi. Umwene akaapasyaga isya bukabi ubwalilino. Umwene aali na ISI SYO IKUTI U NTWA.

<sup>74</sup> Umwēne akāpāsyağa mūmo umwēne ābonekelāga, kangī bo bubonekelo bwalilino buki umwēne āfwīkīgwēmo, kali i nywīli syāke syasāyulīgwe kanunu, pamo kali alugwēsa ālinkētīle umwēne pamo mma. Umwēne āli ni Lisyu lya Ntwa. Kila kyāli bwīgāne bwāke bōsa: twāla i Lisyu lila ilya Ntwa. Ngimba yo ywaani u mwinitu uyu? Ena. Umweene aali Amosi, unsololi, umūndu gwamagengelema, loli umwene aamenye apa umwene alimile. Umwene aamenye iki umwene aabombaga. Umwene aali nsololi ugwabwanaloli gwa Lisyu. Kangi i nongwa umwene ālisīle ku kāya aka, yāli panongwa yakuti i Lisyu lyālisīle ku mwene.

<sup>75</sup> Kangi akabalilo kako i Lisyu lya Ntwa likwisa kwa gwambombo ugwabwanaloli, umwene ikufimbilisigwa ukubuka, kisitakupāsya isyakutusyungutīla, pamo kisitakupasya isya ndamyō. Umwēne abagīle ukubūka, mulimosa. Kali umwene itendekisye, kali umwene ikwipilikila ukuya bo lula, kali umwene ikulonda, kali ko kiliku ukongelelapo; umwene ikufimbilisigwa ukubuka, mu njila yiliyosa. Ikyene yo Kyala ikuyoba, kangī umwene ikufimbilisigwa ukupimba i Ndumi iyi. Panongwa yakuti, ikyene kyo...Umwene atikubukamo siku ku butoyofu. Umwene atikubukamo siku kuli hela. Umwene siku ikubuka ku bufumuke. Umwēne ikubūkīla itolo mu Ngamu ya Ntwa,

ku kindu kimokyēne. Umwēne ali nu—nu butumigwe, kangi umwēne atumigwe na Ntwa. Kangi umwene yo Lisyu lya Kyala, panongwa yakuti umwene ikupĩmba i Lisyu lya Ntwa. Uyo yo nsololi ugwabwanaloli gwa Ntwa.

Untu gwāngu go: *I Njila Ya U Nsololi Gwābwānalòli Gwa Kyala.*

<sup>76</sup> Uyu unkulumba, unkifu unyāmbāla gwa Kyala āsōlwile mmasiku ga Yeroboamu u gwākibili. Une ndinakyo ikiyabo kya syāmbukūlu kisīmbígwe mōsa apa pankyēni pa une. Umwēne āsōlwile ni fyinja kalongo-na-fitatu ifya lusasanio lwāke. Kangi Yeroboamu āli, Yeroboamu u gwākibili, āli itolo kifuki nkomu kangi gwakubagilila u nnyāmbāla bo mūmo Israeli āli nagwe kuli akabalilo kamo. Umwēne āli nnyāmbāla uyu ātwele ubukabi kwa Israeli. Israeli āli mōsa āfyūkāga. Lōli, umwēne, āli i kindukimo kisobi nu mwēne. Umwēne āli mwīputa-fifwāni.

<sup>77</sup> Kangi une mu luko lumo lwa kubala iki, ilisiku ilīngi, une mu luko lumo ndinkwīnogōna kila kyali nalōli kifwēnefwēne ku mwīsyūgu. Kali u mūndu nkomu bulebule, kangi fyi fingi bulebule umwēne abagile ukubōmba, kangi bo bukabi bulīnga, linga umwēne ikusōkāpo ukufuma kwa Kyala, umwēne yo kimeleligwa ku kīsu, kubutali na Kyala ni Lisyu Lyāke. Une nguswiga linga ikyene kikaya kikufwānikisigwa kwa uswe, umwīsyūgu, ku mūndu yumo uyu iganile ukwitugasya pa televizioni nukunangisya mumo abene bayiliile bakomu, bo bulinga ubōngo abene balinabo. Loli une nguswiga linga abene bali nafyo ifyakufwana ukwega ISI SYO IKŪTI U NTWA. Umwene ali mundu nkomu, umma ndaga.

<sup>78</sup> Israeli āli nkyayīlo akagomokelo-nyuma. Abalūmbilili bāke, abapūti bāke, kangi yōpe īsikāli yāke, fyōsa fyālilekile i Lisyu lya Ntwa. Lilino, abene bakālītike ikyo. Abene bitikaga ukuti abene baali ni Lisyu lya Ntwa. “Lōli yilipo injila iyi yikuboneka ndalusye ku mūndu, lōli ubumalikisyo bwa kula bo njila sya bufwe.” Nongwa ya fiki abēne bāli basōbi? Nongwa ya fiki unyambala ābagile ukwitika ukuti—ukuti abēne bāli basobi? U bupūti bōsa bwa banyāmbāla, maelifu ga balūmbilili na bapūti, kangi abanyafyāle na makāmbāla, bosa aba bīkolela ukuya biputi ba Kyala, kangi, palema, bosa ba abēne bāli basobi.

<sup>79</sup> Polelo, abēne bakafūmbilwe u mwalafyāle kuli u bukabi. Iki abēne bāfūmbilwe āli nsololi, panongwa yakuti i Lisyu lya Ntwa, pamo ukusanusya kwa Lisyu lya Ntwa, likwisa kwa nsololi ugwabwanaloli. Utubalilo tumo ugwe ubagile ukuketa iki injila yāke yili akabalilo kala. Iyēne yo njila yāmagēngelemia nalōli, akabalilo kāko abalūmbilili bōsa, kangi—kangi—kangi bōsa a balagūsi, kangi—kangi i sikali yene ukulwana nu mwene. Loli, palema, i Lisyu lya Ntwa likwisa kwa nsololi, kangi ikyo kyene. Umwene ali ni Lisyu ilitalusye. Palema nalinga umwene ali ni



Bangeli lilalila abene bali nalyo, loli i Lisyu lyäli ku mwene. Kyala äsisimikisyäga ukuti umwene äli ni Lisyu.

<sup>80</sup> Abene bäli ni miyumba iminywamu imikulumba ni mbätiko syäbwiputi, na fyosa bo ifyo, ifi abene bälimo nafyo siku, ifigemo fiyengigwe kulikosa, kangi—kangi uluko losa ulwa—ulwa findu, loli pópe abene bäli amamailosi elifu-elifu ukufuma ku Lisyu lya Kyala.

<sup>81</sup> Une ngwīnogōna, nīmwenē, ubonekelo āngali bukufwāna kanunu fiyo umwīsyūgu, bo une nābalāga u Būku uyu gwa Amosi. Umwe mukufimbilisigwa ukubala ilyēne akabalilo kākō umwe mukubūka kukāya. Isikali yosa, abapūti, bōsa ba bēne bālekile i Lisyu lya Kyala.

<sup>82</sup> Une ngulonda itolo ukubala akayabo akangi ka Lisimbo apa, une ndinako, ukunangisya kūko abene bābombile ikyene. Lilino unko uswe tubale untu gwa 2 kangi ilinandi lya 4, itolo i miniti.

*Isi syo ikuti u NTWA; Panongwa ya ngilanio itatu isya Yuda, kangi panongwa ya ina, Une ndisakusyūmbutulāga ulufūndo ulu lulipo; panongwa yakuti abēne bafuywile ululagilo lwa NTWA, . . .*

<sup>83</sup> Ilyo lyo Lisyu, bāhelwīle Ilyene, kangi napāpo abene binogonaga ukuti abene baali ni Lyene.

*. . . kangi bakakyūnga isyāngu ingomelesyo, kangi isyōbi syābo sibapelile abēne uku sóba, . . .*

<sup>84</sup> Lilino, abēne bäli ni Lisyu, i Bāngēli, lōli i syōbi isi abēne bālūngisēnie ni Lyēne lyābapelile abēne uku soba.

*. . . ukufuma . . . iki aba tāta bābo bēndīle:*

<sup>85</sup> Muketile i nongwa? Lilino, abēne bāsobile panongwa yakuti abēne bābīkile ukusanusya kwābo bēne ni sanunsyo ku Lisyu. Kangi une nālinogwīne ikyēne kyāli kyākufwāna ku mwīsyūgu, kabuno bīngi bikulōnda ukubika amīnogōno gābo bēne ku Lisyu, kangi uswe tukubūkāmō mbufuluganike. Ko kukemela kuki ukufuma kwa Kyala, unsololi uyu aali nako.

<sup>86</sup> Lilino, Amosi äli nsololi gwa Kyala, u nsololi gwäbwānalōli. U mūndu aligwēsa uyu abalilēmo siku isya Amosi amēnye ubukīfu bwa yula unsitakutīla u nnyāmbāla gwa Kyala. Umwēne yo itikisigwe yumo mwa basololi baninipo, 'nongwa yakuti umwēne akālītūgēle akabalilo katali fiyo mma, lōli umwēne naloliloli ālambalīke i ndwānga ku nsisi gwa mpiki. Umwēne äli yumo mwa basitalutende abakīnde ba basololi, kangi umwēne ikwīsa nu bupakīgwe. Umwēne isīle na ISI SYO IKUTI U NTWA. Umwene aamenye iki umwene aayobaga, panongwa yakuti u bupake bwa Kyala bwāli pa mwēne ukutwāla ulusanusyo ulutalusye ku Lisyu lya Kyala ku bēne.

<sup>87</sup> Amosi isile ukufuma ntwāya, mmatengele, ukubuka nkaya ka mulimuli. Umwene akālīmo siku mula pabutasi. Umwēne äli ndumiana gwāntwāya, kubutali kunyuma pānja mmatēngēle.

Bo umwēne āli kunyuma kula mu lwīpūto, Kyala ālyāgēne nu mwēne, kangī ālimbūlile umwēne isya bubībi bwa kīsu ikimulike iki mūmo umwēne āli kiyabo kyaikyēne. Kangī Samaria āli yo likulumba, limo mwa fikulumba akabalilo kala, kangī kāli ka bulagili bwa Yeroboamu.

<sup>88</sup> Kangī akabalilo kāko umwēne ālīmīle pala ulubūnju lula, pa mwānya pa kāmba, ikwīngila ni gyāke imikūlu, igyaitolo, imyēnda gyāntwāya afwēle, lumo ulufūmbi ni ndipa pa njayo syāke, kangī kūko umwēne āgonīle mu mwēnda unkūlu ugwamagēngelēmia, ikilo ukufuma kilo. Kangī une ngamanya, umwēne akāli nafyo ifyakōgélamo mmasiku gala. Ikyēne kyābagile ukuya kyāli masiku maninipo ukufuma pāpo umwēne ālyōgīlemo. Loli ikyo kitikufulasya i kati ya nnyambala. Fingi fiyo, i lisiku, ukubīka pamwanya pa panja, kisita kufwana pamwanya pa nkati. Uswe tukupākīsyā fiyo isyakuti kali uswe tukōga ilisiku lililyōsa, kangī inywīli syītu sitēndekesīgwe, kangī imyēnda gyītu gyānduligwe, na filifyōsa, kangī polelo ukuleka nkati mubūkēge injila yililyōsa, ukufwāla gilagila imyēnda imikūlu igyabutulwanōngwa, ukunūngīsyā u moyo mōsa ni fimanyisyo ni nyīho, kangī nasiku ukulōndēsya ikyēne nu kukisuka ikyēne mu Lisyu lya mīsi ga bupāgulānie, ukufuma ku findu fya nkīsu.

<sup>89</sup> Bo umwēne ālīmīle ulubūnju lula, ikukēka ukukilania pa kāmba, ku kāya akalāngāle kala, kīswīle ni findu fyalilino ifi umwēne akāgogwilēmo siku kyāliko ikīndu bo kila. Israeli āli mu bwāpamwānya bwāke. Ubwēne bwāli bwītikīsānio ni fīsu fyōsa ukusyūngutīla ikyēne. Ikimulikemulike fīyo, abakīkūlu bafwēle lōsa, kangī a—kangī a banyāmbāla. Kangī abēne bālyāmbwīle-ubunoge, bikubomba ukubopesania, kangī a baolimpiki, na filifyōsa fikukīndilīla nkyēni. Fyōbēne ifisige fyāke fyākinyāga; komma nu bumulike bwa kāya, ngati yumo u njāti ābagile ukubōmba, ukwisa mu New York, pamo ku Los Angeles, ukukēta abakikulu abafwale-sinda, abanyambala bikwendendeka, kangī ubutulwanongwa.

<sup>90</sup> Bamo a binangu ba une, amasiku manandi aga gakindilepo, bīsaga kuno ukufuma ku bwendelo bwa kuloba iswi, itolo pāsi pa koleji ya i Bāngēli, i koleji ya i Bāngēli infumuke. Kangī pala, balāmbalēle mu nsebwe, mu līsu, bāli balindwana abakeke, bafwele-mwāsinda, na balumiana abakeke, pamo bana ba sukulu ukufuma ku koleji, ukunwa nu kwendendeka, kyakinyanyasi.

<sup>91</sup> Lilino, uko ukwēndendeka bo uko kukusāngalusya i kyūmilwa kya bīngi a baAmerica aba bikwīkōlēla bēne Bakristi. Akabalilo kāko abēne bikukēta pāsi mu Los Angeles, pamo une mbakētesīsye abēne pa ndege akabalilo kāko uswe tukwīngila ku Los Angeles; abēne bakālīmo siku pala pabutasi; pamo ku Hollywood, pamo—pamo ku Florida na bōsa u bumulike bwāke bwa nioni mmwanya mu—mu mipiki gya mikoma.

O, abène babagile ukupak'ulufumbi imbulo syābo mbupya, nu kwitēdekēsya ifyakwipakapaka. Abene bāli. . . binogonaga ikyene kyāli kindu ikyāmulimuli ukukinda-fyosa iki abene bākibwenemo siku. Kangi ukukēta abapākisigwe-kanunu kangi abafwāle, bikwēnda mu ngīndi, abène bālōndāga ukusōka panja pala nukukēta mūmo imifyēnye abène bābagile ukufwāla imyēnda gyābo, pamo ukutyōnga mmwanya-na-pāsi mu ngīndi. Akabalilo kako, abene bikwinogona ukuti kila kyo kindukimo ikinunu.

<sup>92</sup> Lōli amāso amapakigwe-na-Kyala gala ga nsololi yula gakinyaga panongwa bumulikemulike, ngati bamo abayāti, lōli pa bubole bwa kayīlo, ku bāndu bābo bābilikigwāga ukuya basayigwa ba Kyala. I fisige fyāke fikākētīle pa bumulikemulike. Ifyēne fikākinyile panongwa ya bumulikemulike. Ikyēne kyāli panongwa ya u—u—u bubwāpūfu nu bubole bwa bāndu aba bākōlēligwe ukuya basaligwa ba Kyala, kangi bābagile ukubōmbēla mu njila bo iyo. Fyōbēne, umwēne alinkuti, “Ingalamu yibunile, ywāni atisakutīla? Kyala āyobile, kangi ywāni abagile ukusōkako ku kusolola?”

<sup>93</sup> Umwēne ākētīle u bubole, u bubolano. Ikyo kyo iki umwēne akēta ngako. Ako ka kabalilo kākō umwēne ākētīle fyōsa fya ikyo. Ikyēne kikālīnkwbīle umwēne. Ikyēne kyālimbinīsye umwēne ku moyo gwāke. Fiki? Umwēne āli nsololi. Umwēne āmēnye iki Kyala āfingile ukusaya, kangi iki u lusayo lwāli, kangi mūmo abāndu bikubōmbēla nu lusayo. Kangi u mōhēsī anīōngēsye mu lisiku lyāke, ukufuma ku iki u lusayo lwānalōli lwāli, ukubuka ku u—u—u bubole lwa kayīlo; u lusayo ukunyēgēsya i fisige ni kyūmilwa ya bāndu abasitakupīndūka, ku bwīgāne ni njila ya Kyala, ni njila ya būmi ya Kyala.

<sup>94</sup> Bo bufwane buki ikyene kiyīlile umwisyugu! Mūmo abalumbilili babagile ukwima pa kigemo, nukukēta pa butulwanongwa nu bubole bwa kisu iki, nukubabona abandu aba bikubomba nu kubombela mumo abene bikubombela, kangi polelo itolo ukubasayaga abene panongwa yakuti abene bo mbakasya ya kipanga kyabo, pamo ikipānga-kipāgūke, ikyene kyo kukinda mūmo umoyo gwangu gubagile ukupilikisya.

<sup>95</sup> Akabalilo kako Kyala ikuyoba, solola! Linga u Mbepo gwa Kyala ikutika unsololi ugwanaloliloli ugwa Kyala, umwene isakukūta ni Lisyu. Une ndikulonda ukuya ndonda-busobi, loli ywani abagile ukukolelela ulutengano lwabo? Ywani abagile ukwīkasya pa kindu kya luko ulu, kangi ukwiyoaba ukuya gwambombo gwa Kristi, kangi komma ukukikolelela ikyene panja? Une ndikupasya iki ikipanga-kipāgūke kikuyobaga, pamo iki ikipanga kilikyosa kikuyobaga; iyo yo nongwa une ngaya gwa ku bene. Abene bikukubāyāga ugwe panja, ikindu kyakwanda. Loli i Lisyu lya Kyala likwisa tasi. Linga ugwe uli ntumigwa, ugwe uli nakyo ikindukimo ikyakuyoba. Linga ugwe kuyoba kalikōsa akakīndāne ni Lisyu ili, ugwe ukaya ntumigwa

gwa Kyala; ugwe gwe ntumigwa gwa lwĩtikano lwa kimo ikipānga-kipāgũke pamo ikimayisyo kimo. Lōli u ntumigwa gwa Kyala ali ni Lisyu lya Kyala.

<sup>96</sup> Kangi umwinitu, ulubunju ulu, bo uswe tukunketa umwene, umwene aali ni Lisyu lya Kyala, panongwa yakuti umwene aali nsololi ugwabwanaloli gwa Ntwa.

<sup>97</sup> Lilino, abene binogonaga ukuti abene bali nu—nu bulinganio ku kyēne, kangi binogonaga, “Ena, naloliloli, keta ifi uswe tukubomba.”

<sup>98</sup> Lilino, ikindu kya ikyene kyo kyākuti, uswe tummwāgĩle umwene imile pala pamwanya pa kām̄ba ulubunju ulu, ikukēta pabutali, pāsi ukukĩndāmo nkāya. Ukuyūgānia untu gwāke, ikukēta; ifisige fyāke fikukinya. Ikwēga ikyāke ikiboko kya myēnda nu kufyūla amafuke ukufuma ku kisyo kyāke, nu lufūmbi. Iisuba ilipyāno likumulika pasi pa ntu gwakipala gwake. Indefu syake sikusulukila pasi; umwene ikugūsa isyene na maboko gake. Umwēne akakētīle u bumulikemulike. Umwēne ākētīle u butulwanongwa. Ikyēne kikālinsāngalwisye umwēne mma. Ikyēne kyalimbiniisye umwēne.

<sup>99</sup> Nongwa ya fiki umwene akābagile ukuyoba, “Une, um’Israeli, keta mumo ikisu kyangu kikābile”? Ngimba umwene abagile ukuyoba bulebule ikyo akabalilo kako umwene aali nsololi ugwabwanaloli gwa Kyala, amēnye ifyakukōnga, na iki kyāyaga pakuya isya kĩndu ikyo bo ikyo?

<sup>100</sup> Unko uswe tummwimike umwēne pa kām̄ba umwisyugu kangi unko umwene akēte pāsi. Unko umwēne akēte mu Jeffersonville, ku bāndu aba bikwikōlēla bēne Bakristi. Unko umwe akēte palipōsa mu America kuli a bāndu aba bikwikōlēla bēne Bakristi. Ifisige fyāke ifipakigwe-na-Kyala āngālī fikukinya kāngi. Amaboko gāke galinkukalāsula i ndefu syāke. Fiki? Umwēne atikukēta ubumulikemulike nu bukabi ubu i kīsu kikukēta. Umwēne ikukēta u—u kusōkākō kwa Kyala. Umwēne ikukēta u bubole bwa kayīlo ka bāndu. Umwēne ikukēta u bugomokelanyuma bwa kīsu. Umwene ikuketa ububolano nkipanga. Abagile bulebule umwēne ukubōmba kalikōsa lōli ukukinya ifisige fyāke, nu kulōndēsya ukufika mu kyēne, ukuti umwēne abagile ukulāsulānia ikyēne ku tupatu?

<sup>101</sup> Bule linga u bishopu yumo ābagile ukwāgāna nagwe kumwanya kula, kangi alinkuti, “Lilino, ngimba ugwe gwe nsololi gwa Ntwa? Lilino, uswe twisakukubūlāga ugwe iki ugwe ubagile ukuyoba kangi iki ugwe ukabagīla”? Ugwe kwinozona umwene angali apilikile? Bule linga abēne bābagile ukuyoba, “Isaga ingilaga ikipāngānio kyītu lilino, kangi uswe twisakukutula ugwe mu lusasanio lwāko”? Ugwe kwinozona umwene angali apilikile? Umma. Une ngābāgīle ukwinozonela ikyo, ukufuma ku nnyambala bo yula. Umma.

<sup>102</sup> Umwene ätumigwe na Kyala. Umwëne akäfumbilisigwe ukuya nu lwitikisanio. Umwëne äli ni Lisyu lya Kyala, u kupakigwa kwa Kyala, akabalilo akasünguligwe ka Kyala. Umwëne isaga mu ISI SYO IKUTI U NTWA. Uu-huu. Uyo yo nsololi ugwabwanaloli. Iyo yo njila umwene ikwendela. Umwene endaga na nakimo loli ISI SYO IKUTI U NTWA.

<sup>103</sup> Ngimba kabagile akamulikemulike aka akäya ka Samaria, aka akîtëndêke-kêne, u Israeli ummanyili-pamwanya, aba abapuputigwe-kanunu abalumbilili na bapüti, ukwämbilila uyu unnîni, umwînitutu unsitakumanyigwa? Lumo u galamala gwäke äli mpelakisa fiyo. Äfumile ku kikolo ikilöndo mmatêngêle. Äsökilêko ku käya, aköleligwa Kyala, ukwingila ndulangalanga ukufunda Kyala ni Lisyu Lyäke, nukuya nsololi. U Ntwa älimpâpile umwene mu njila yila.

<sup>104</sup> Abasololi bikupâpigwa, untumigwa ku ngulilo, uyu Kyala, ukwisila mu kumanyila-ngäni, ikumanya ingulilo kangu ali nu ntuli Gwake pala ukusosola ubutulwanongwa.

<sup>105</sup> Ngimba akäya akamulikemulike kala kâbagile ukummwämbilila umwëne? Umwe mukwînogöna abakîkûlu bala bâbagile ukumpapo ubutega-mbulukutu bulibösa ku iki umwëne äyobile? Ugwe kwînogona abapüti bala angali bapilikile umwëne? Fiki, umma, nkulumba. Umwëne akâli nu bwîtikîsigwe nabumo nu mwëne, ukufuma ku kipängânio kilikyösa. Umwëne akâbagile ukuyoba, ukuti, “Aba Farisai bändumile une.” Pöpe mma äbagile umwëne ukuyoba a baSadukai balintumile umwëne. Umwëne akapîmbile ifyakubägîlila filifyösa. Umwëne akâli ni kâdi ya bulilanisi yilyösa ukufuma ku kibugutila kilikyösa ikya bändu. Umwëne akâli nagwe nayumo ugwapankyênipo ukutêndekësya ulusasanio lwäke. Bakâlîko aba Farisai bosa aba bälî nu lukomano lumo ulwa bumobwëne kangu i—kangu i fyakulya-fyakulêmbusya ifyâbalumbilili, nu kwêga filifyösa palikimo, ukutêndekësya isasanio syäke mösa, kangu ukumanya ukuti umwëne äyaga pakwîsa. Umwëne äli nsitammanyigwa ku bëne. Umwëne akâli ni kâdi ya bulilanisi. Umwëne äkali nafyo ifyakubagîlila. Umwëne akâli nu kuyobeligwa-kununu ukufuma ku bändu.

<sup>106</sup> Loli umwene aali na ISI SYO IKUTI U NTWA. Iyo yo njila ya nsololi ugwabwanaloli. Umwene äli na ISI SYO IKUTI U NTWA. Linga umwene äli na ISI SYO IKUTI U NTWA, ikyene kyo kutali fiyo ukukindana ni ndendekelo syîtu indendekigwa-nu-mundu apa. Ikyo kyo kyosa iki umwene äfûmbwäga. Linga umwene isile injila *iyi*, umwene isile mu ngamu ya kipanga. Linga umwene isile ukufuma injila iyi, umwene isile mu Ngamu ya Ntwa. Polelo, unsololi ugwabwanaloli akabalilo kosa ikwisa injila ya Ngamu ya Ntwa. Bwila, umwene ikwisa mu Ngamu ya Ntwa.

<sup>107</sup> Lilino, umwëne akâbagile ukubanängisya amakadi ga

bulilanisi, lōli umwēne—umwēne āli ni Lisyu lya Kyala. Kangi ikyo kyo iki Kyala ātumile ku bāndu. Lilino, abāndu bābūmbīle bēne ifipāngānio. Abēne bāli fibugutīla fyafiyabo ifikīndānekīndāne, kangi ikyo kyo iki abāndu bābūmbīle. Lōli Amosi akāli nakyo ikyo. Umwene itolo āli na ISI SYO IKUTI U NTWA. Ikyo kyo iki umwene āli nakyo.

<sup>108</sup> Une mbagile ukwinogonela abapūti bala, ulwa lubunju lumo, ukuya na kanīni pa lubunju lwa sabata, ukuya nu lwīputo ulunini, na fyosa bo ifyo, akanini akabōmbēlo kākusayīlīla, kangi—kangi balinkugomokela. Kangi bayobile ifīndu ifināndi pa Mōsi unkulumba, uyu isiku limo āliko, kangi unkulumba umunduyumo uyūngi uyu isiku limo āliko. “Lōli, o, amasiku ga kila gakīndīle lilino. Umwe bāndu mumenye u prezidenti gwītu umpya, i sikali yītu imbya na fyōsa uswe tuli nafyo,” nukuyoba pa findu ifinini bo ulo nukubūka ku kāya.

<sup>109</sup> Lōli apa ikwīsa u nnyāmbāla unsita kupākīsia kuli ikyo. Umwēne ikwīsa na ISI SYO IKUTI U NTWA. Muketile? Iyo yo njila ya nsololi. Kisita lupilikisānio, āmēnye iki kyākētānāga nu mwēne, āmēnye ukuti filifyōsa fisakuyaga fyakulwāna nu mwēne, āmēnye ukuti abēne bikumpijāga umwēne, abēne bisakunkānāga umwēne. Loli umwene isaga mu Ngamu ya Ntwa.

<sup>110</sup> Yeso āmēnye ukuti Kalivari ānkētēsyağa Umwēne, lōli Umwēne ikwisa mu Ngamu ya Ntwa. Muketile? Iyo yo njila ya nsololi ugwabwanaloli.

<sup>111</sup> Umwene aali ni Lisyu lya Ntwa ku kikolo. Loli i Lisyu ilyabwanaloli ilya Ntwa lyaali lihesya ku bandu bala. Napāpo, abene binogonaga ukuti abene bali ni Kyene. Une ngusubila iki kikwisa pasi nubusolofu. Abēne binogonaga ukuti abene bāli biputiputi fiyo kangi biputi, mpaka Ilisyu lya Kyala lyāli kindu kihesya ku bene.

<sup>112</sup> Iyo yo njila ikyene kiylile umwisyugu. I Lisyu ilyabwanaloli ilya Kyala lipeligwe ukuboneka kyo kindu kihesya ku bandu bingi ba kiPentekosti. U busanusi bwanaloli bwa Lisyu, isoka syanaloli, kangi ifigune, isayo syanaloli sya Kyala syo kindu ikihēsya ku bāndu bīngi aba bikwībilikīla bwikēmo, mbakasya sya kipānga, Bakristi. Ikyene kyo kindu kihesya ku bene. Abene batikukimanya ikyene. Yoba Ikyene ku bēne. “Bakāpilikemo siku ikindu bo ikyo.” Kangi, lōli, ifipāngānio fyābo fikukula nu kukaba, fikwēga abanywāmupo kangi abanywāmupo aba mbakasya akabalilo kōsa, kangi ifipāngānio ifīngipo ukōngelelako ikyīnja kilikyōsa.

<sup>113</sup> Abēne bīnogonāga ukuti kalikōsa aka kikwīsa ku bēne kafīmbilisigwāga ukwīsa ukufuma ku fila ifibugutīla fyafiyabo. Naloliloli abene bakābagile ukummwambilila umwene. Kangi abene bakābagile ukubomba ikyene umwisyugu. Abēne bālībwbwe pabutali, ukuti, “Kyala āli gwakubagila

ukufuma mu mabwe aga ukufyüsa mösa abasololi bābwānalòli kwa Kyala.” Kyala abagile, ukufuma ku banyāmbāla-bammatēngēle kunyuma. Umwēne abagile ukufyusya, isya mabwe aga, abanyāmbāla aba bikwīma panongwa ya Lisyu Lyāke, nukusolola mu Ngamu Yāke, u Bwanaloli. “Ukulāmbalika i ndwānga ku misisi gya mpiki.” Ukuleka ifitumuligwe ukugwa. Une ndikupasya kali umwene ali nu kwitikisania pamo kusita-kwitikisania. Loli iyo yo njila ya nsololi ugwabwanaloli.

<sup>114</sup> Abandu bamo bikwinogona umwene alinakyo ikyene kipepe. Abene batikumanya iki abene bikuyobapo. Umwēne akātwaligwe mu tauni pa kyākupimbila, itūgēsye pamwanya pa innunu, ifalasi sifwikigwe, imbungapūnga, kangi abapūti abakulumba bimile panja pala, ni findu ifinywamu ifyāpamwanya pa mitu gyābo, ukwīnāma ku mwene, “U njindikigwa Dok. *Gwakuti-na-gwakuti* ikwīsa.” Ikyo āngāli kyāli lubātiko lwākipāngānio.

<sup>115</sup> Ngati u Mwalafyāle gwa bōsa ba abēne bikwīsa, Umwēne ikwīsa, ngati, ikwīsa ukwisila mu kibaga mu ndāmba, i ndāmba ya ng’ombe. Nasiku ukwisa mu lufyūsyo nu lwimiko, loli Umwene ikwisa mu lwīyīsyo lwa Mwāna āpāpīgwe mu ndamba. Amos akālīsile. . . i Lisyu lya Ntwa; panongwa yakuti umwene āli Lisyu lya Ntwa. I Lisyu lilikyosa lya Kyala, ikyene akaya mundu mma; ikyene yo Kyala.

Yeso alinkuti, “Ngaya yo Une uyu ikubomba imbombo isi.”

Abene balinkuti, “Ugwe gwe Nnyambala, kwipela Gwimwene ukuya Kyala.”

<sup>116</sup> Umwene alinkuti, “Polelo linga une ndikubomba imbombo sya Kyala, komma ukunytika Une. Loli linga imbombo sikuyoba syene, itika imbombo, linga umwe mutikulonda ukwitika Une.”

<sup>117</sup> Amosi āli Lisyu lya Kyala ikwēnda ukusuluka u nsebwe. Umwēne ālīngile, kisitakāndu, komma m’bwafyālilino fya kisu. Umwēne ikwīsa mmaka ga Mbepo.

<sup>118</sup> Iyo yo njila i Lisyu lya Kyala likwisa. Komma mu kimanyisyo kyākipāngānio, komma mu kikīkūlu kīndukīmo nkigemo; loli Ikyene kikwisa mbulagili bwa Mbepo, ukumbonesya Kyala ku kisu kangi ku bandu. Ikyēne kyo bukīndāne. Bo bukīndāne bulīnga!

<sup>119</sup> Lilino, iki syāgānia, bālibwibe pabutali fiyo, ukuti Kyala abāgile ukufuma ku mabwe ukufyūsya mmwanya abasololi ababwānalòli. Abēne bakāli nakyō. . . Ikipāngānio kyābo kikāfimbilisigwāga ukufyūsya mmwanya u nsololi gwābwānalòli, nongwa yakuti lumo kikābagile ukubōmba ikyēne. Panongwa yakuti, linga ikyēne kikuyaga, ikyēne kikuyaga nsololi gwākipāngānio.

<sup>120</sup> Loli, Kyala ikufyusya! Kyala ikwega iki Umwene ikulonda. Umwene ikwega nakimo, bwila, ukubomba imbombo Yake;

kikubonesya ukuti Umwene yo Kyala. U mündu yo lōsa ukwitūfyā mōsa, kangi ikwīnogōna umwēne yo kindukimo, polelo Kyala akabagila ukumbōmbēla umwēne, panongwa yakuti filipo fingi fiyo ifya umwēne.

<sup>121</sup> Iyo yo ndamyō ni kipanga kya Kikristi umwisyugu. Abene bikwinogona abene bikumanya ikindukimo. Ili Bangeli likuyoba, “Akabalilo kako unnyambala ikwinogona umwene amenye ikindukimo, umwene amenye nakimo iki umwene abagisenie ukumanya.” U lutamio umwīsyūgu, uswe tulinabo bwīngi fiyo ubwīmwenē, bwīngi fiyo ubusyōbi, bwīngi fiyo ubumanyi, bwīngi fiyo ubwīpūti, nukumanya nakimo isya bupoki bwa Lisyu lya Kyala. Ikyyo kyo kiyabo ikipelakisa ikya ikyēne. Ena.

<sup>122</sup> Abēne bālibwībwe, ukuti, “Kyala abagile ukufuma ku ibwe ili ukufyūsyā abāna kwa Abraham, pamo fyusya abasololi ababwanaloli ba Lisyu.”

<sup>123</sup> Abene batikufimbilisigwa ukusōka ukufuma ku sukulu yimo insisimikisye. Kyala ikubapa abene i sukulu yabo. Abēne batikufimbilisigwa ukuya namadigiri mana mu koleji. Abēne batikufimbililisigwa ukuya na ba Bachelor ya Bwāti, kangi—kangi iyābo Digrii ya Dokotala, na fyōsa bo ifyo. Abene batikufimbilisigwa ukuya nakyo ikyyo. Kyala ikwega kilikyosa Umwene ikulonda, kangi ikubika i Lisyu Lyake mu kyene. Ngimba Umwene ikubomba bulebule ikyene? Umwene ikutwalapabwelu Ilyene nukulisisimikisya Ilyene.

<sup>124</sup> Abēne balinkutoligwa ukuyoba yo seminale nki Yeso āfūmilēko. Umwēne akāli nayo yiliyōsa. “Yo sukulunki iyi Umwene ikufumako?” Umwene akalinayo yiliyōsa. Loli Umwene ali na fiki? Umwene ali na Kyala, kangi Umwene ali Lisyu. Abene bakābagile ukusosola kunyuma ku sukulu yimo.

<sup>125</sup> Kangi Kyala akālimfyūsisyēmo siku u nnyāmbāla ukufuma ku sukulu. Būka pāsi ukwisila mu syāmbukūlu nukusyāgānia kūko Umwēne ābōmbilēmo siku. Umwene atikubomba. Umwene ikwega ikindukimo ukufuma ku buyobumo ubungi, iki kili nakyo nakimo, kisita isubilo ku kyene. Polelo Umwene ikutwala ikyyo mbuyo nu kubika i Lisyu Lyake mu kyene, nukwibonesya Mwene. Ikyyo kyo iki Umwene ābombaga apa mwa Amosi. Umma ndaga.

<sup>126</sup> Lilino, i Lisyu lya Amosi lyaasisimikisigwe na Kyala, mu lisiku lila, mmasiku gabo bene. U nsisimi-...Kyala ālisīsīsimikisye i Lisyu lya Amosi ukuya, ukuti umwēne āli, āli ni Lisyu lya Ntwa.

<sup>127</sup> Kangi linga umwene abagile ukwisa kwa uswe, papapa lilino, ngimba umwe mukwinogona ikisu kyitu kangi abandu bitu babagile ukwambilila unnyambala bo yula? [Ikilundilo kikuyoba, “Umma.”—Nsimbi] Ngimba umwe mukwinogona



ukuti aba Baptisti babagile ukwambilila Amos? ["Umma."] Aba Methodisti? ["Umma."] Aba Presbeteri? ["Umma."] Aba Pentekosti? ["Umma."] Aba Katolika? ["Umma."] Umma, nkulumba. Umma. Umwene naloliloli akäbagile.

<sup>128</sup> Unko uswe, pa kabalilo itolo, tumbonesye umwene nukuntwäla umwene apa, itolo i miniti, nukusyägania linga abene babagile pamo mma. Unko uswe itolo tukete kali umwene iku. . . kali ifipanga fyitu fibagile ukummwambilila umwene umwisyügu pamo mma.

<sup>129</sup> Ikindu kyäkwanda umwene ikubombaga, umwene ängali ikukänikana ni kipänganio kilikyosa, panongwa yakuti icyene kikulwana ni Lisyu. Um-hum, uu-huu, ena, nkulumba. Umwene abagile ukukemela imbangano syitu syosa. Uko ko kotalusya. Ikimanyisyo kilikyosa, ikimanyisyo kilikyosa, ikipaguko kilikyosa, umwene ukukemela ikindu kyosa.

Une itolo ngwinogonela, une mbagile ukuketa bamo mwa bapresibeteri ba kiPentekosti aba bikuyoba, "Fiki, lwimiko kwa Kyala! Linga umwene. . . Fiki, uswe angali tutikaya nagwe unnyambala yula nkaya kitu."

<sup>130</sup> Kangi ngimba umwe mukwinogona fiki aba Presbeteri na Baptisti babagile ukubomba? "Fiki, yula unsitakumanya, uswe tutikundonda umwene ukusyungutula i kisu kyitu. Umwene yo nakimo löli i-i karanki." Abene ängali bikusaina i kalatasi ukumbika umwene mminyololo, linga abene bäbagile, ukunsösyämo umwene ukusökamo mu ngindi.

<sup>131</sup> Loli ugwe kwinogona ugwe gwäbagile ukunkyunga umwene pala? O, umma. Ugwe ukabagila ukuliyengeläla i Lisyu lya Kyala. Umma, umma. Ilyene lisakusöka pänja, mulimösa. Imbanda sya minyololo syäligwike ikilo kimo, akabalilo kako abene bägelile ukuyengeläla Ilyene. U Lumuli lulinkwängila nu kuntwäla umwene pänja.

<sup>132</sup> Umma, umwene—umwene abagile naloliloli ukusitakwitikisania ni lubätiko lwitu. Umma ndaga. Ngimba umwene ängali ikwanda ukubomba fiki? Ukuswanyulania icyene päsi. Fiki? Umwene yo gwambombo gwa Kyala. Umwene isakubükaga ukutalula ku Lwälo kangu ukwändako ulusasanio lwäke, kulakula ukutalula kunyuma, nukuswanyulania ikimanyisyo kilikyosa ukufuma ku kyene, nukubuka ukugomokela ku Lwälo. Ngimba u Lwälo lo fiki? Pa Lisyu lya Kyala. Kotalusya. "Kumwanya na pasi fisakumalikaga, loli a Masyu Gangu gatisakumalika umma." Popäpo umwene ängali ikuswanyulania ikipanga-kipäguke kilikyosa, ikimanyisyo kilikyosa, ukufuma mu kyene, nu kukisöpa icyene palubafu, umwene ängali ikulünduma icyene nkati kwa Syepwa.

<sup>133</sup> Umwe mukwinogona ukuti aba Pentekosti bikummwambililaga umwene? Umma, nkulumba. Baptisti? Presbeteri? Umma, nkulumba. Nazarene? Pilgrim Holiness?

Abène āngàli bikumbenga umwēne. Naloliloli. Umwe mukwīnogōna abène āngàli bikubūka pānja nu kwāgāna nu mwēne mu i—i limozini, nu kuntwāla umwēne nkāya? Abène āngàli bikwīpūta ukuti i lisuba limōkye umwēne lōsa pala. Abène āngàli bikubīkapo ikyakusiga, ukunkyūnga umwēne pānja pa tauni. Fiki, pala āngali palipō ingomano syabalūmbilili nyīngipō ukusyūngūtila, ukukilania akāya, ugwe gwākētīlēmō siku mbumi bwāko. “Kyunga u karanki yula panja pa kaya aka.”

<sup>134</sup> Loli, palema, umwene ali na ISI SYO IKUTI U NTWA. Muketile? Iyo yo njila ya nsololi ugwabwanaloli. Umwēne angali aheluligwe. Naloliloli. Umwēne isakubūkāga ukutalula ku Lwālo, panongwa ya lusanio lwāke. Umwēne akābagīle ukufūmbwa. Umwene āngali atikuyoba'mma, “Lilino, une ngulonda mwesa umwe ba kiMethodisti ukwisa muno kangi mundule une. Une ngulonda umwe mwe ba Baptisti. Une ngulonda mwesa umwe bandu muli apa. Mwesa umwe ba kiPentekosti, umwe mukwiyobela ukuti umwe mwe kibugutula kyabumalikisyo iki Kyala isakukoolela, Une ngulōnda umwe mwēsa ukwīsa kwa une, kangi une ngulōnda umwe ukutūla ulusanasio lwāngu.”

<sup>135</sup> “Ugwe kōsya bulebule? Ngimba bo buketi buki ubwākwananda ubwa Mbepo Mwikēmō?” Amalālúsyō gala, ilyēne āngàli likusōpīgwa nkisyo kyāke. Kangi akabalilo kāko umwēne agomokāga nu Bwānalōli bwa i Bāngéli, abène āngàli bikunkānāga umwēne. Lōli iyo yo njila ya nsololi gwābwanaloli. Umwēne alinafyo fyōsa ifyo ukwāganafyo. Muketile? Naloliloli.

<sup>136</sup> Uswe āngàli tutikummwambilila umwēne. Umma, nkulumba. Gwītu—ugwītu...Uswe āngàli tukaya nayo nayumo. Uswe angali tukaya nasyo nasimo isya sasanio syake ukusyungutula ikisu kyitu—kyitu. Umma, naloli. Ena, uswe angali tukaya nagwe umwene. Umma, nkulumba. Loli umwene āngàli ikwisa nu kutwala i Kipanga ukugomokela ku Lisyu, kabuno Lula lo Lwālo. “Yumo ikulāmbalāla pa lwālo lulilōsa ulūngi, ulwēne lo nsānga ugwākwbīla. Pa lwālo ulu lwēne, Kyala ikuyenga i Kipanga Kyāke, pa Kimanyisyo kya batumigwa.”

<sup>137</sup> Bo une nāyobāga ilisiku ilīngi; umunduyumo ikuyoba isya— isya purigatorio, kangi ukupa ulusosolo ku bīngi ngati Mwikēmō Francis na Mwikēmō Cecilia, kangi umwēne iputīlāga abāndu bamo, kangi ukufuma mu purigatorio, nu kupa u luko lwa bulagilo bo ulo. Ikyo kyo bulagili busitamasiṃbo. Ikyēne kyo bāndu bābo bakaya nabo nabumo u bulagili. Abatumigwa bāli nu bulagili Bwamasimbo. Kangi linga ikyēne kikukīndāna na bēne, ikyēne kyo busyōbi, mūmo une ngukikētēla.

<sup>138</sup> Une nalōli ngwītika mu purigatorio yumo, lōli une ngwītika

ikyène kyo lululu lilino. Ugwe kusuka u moyo gwäko gwîmwène. *Purigatorio* kokuti “u kusuka.” Akabalilo kâko ugwe kukêta ugwe ubômbîle ikîndukimo ikisobi, sôka pânja pala kangî suka ikyène pânja pa ugwe, ukwisila mu kulâta, nu kukûta, nu kipîk’ifyäkûlya, nu kwîpûta.

<sup>139</sup> Umunduyumo asekile nukunseka une akabalilo kako Untwa âlisile apa pakaya patali’mma nu kumbapo une imboniboni. Une akabalilo kôsa nâlôndâga ukukêta isya kupinya i liyoka lila. Une bwîla nâswîgâga akabômbêlo. Une ngufimbilisîgwa ukusema pânja bo ulo. Akabalilo kako, ikyo kyo iki une nâlondaga, ubumi bwangu bosa. Polelo une ndinkwanda ukusita-kulya nu kwiputa. Alinkuti, “Ngimba ugwe kubombaga kuli fiki ikyo?”

<sup>140</sup> Une ndinkuti, “Nkati mula, Umwene âyobile Une ngâli gwabwanaloli-ndumbula ukufwana.” Ukufuma pâpo Umwène ikwîsa, polelo une nâlondaga ukwîsuka nîmwène. Komma ukugûlîla mpaka ugwe kufwa, kangî unko umpûti yumo agele ukukusuka ugwe. Suka imyoyo gyînu!

<sup>141</sup> Lôli, muketile, abêne bakisôsîsyèmo ikyène panja pa Lisyu ililagililigwe, nu kibîka ukukilania mmaboko ga lwiho lumo ulutêndekîgwa-nu-mûndu, ukutwala ihela mu kipanga, panongwa yakuti abene bikukikêta ifindu fyankisu, ikipanga kyankisu, amaka amakulumba nkisu, amaka ga ndyali. Loli Kÿyala ukukêta ku Lisyu Lyake. Kangî i lisyu lililyosa ili likulwana ni Lisyu lya Kÿyala lya lisobi. Mûmo une sinyâgîle, iyène lya Lisyu pamo nakimo. Ena, nkulumba. Ena, nkulumba.

<sup>142</sup> Umwène ângâli ikubûka ukutalula ku Lwâlo. Umwène ângâli ikuswânyulania i kîndu ku tupatu. Umwène ângâli ikufimbilisîgwa ukubômba. Umwène akâbagîle ukubômba nakimo ikîngî, linga Amosi âli apa umwîsyûgu. Umwène akâbagîle ukubômba nakamo akangî, panongwa ya, kumbukilâga, umwène yo nsololi gwa Kÿyala, yûyo i Lisyu likwisako. Umwène akâbagîle ukubômba nakimo ikîngî lôli ukugomokela ku Lisyu. Kisita kupâsya linga bôsa aba kiPentekosti nkisu babûngênw ukusyûngutîla umwène, bikuti, “Nkulumba, Amosi, uswe tukwitika ukuya nsololi, loli ugwe uli pânja pa Lisyu. Uswe tukulonda ukukugolosya ugwe.” Umwene ângâli ikwîtugâsya ni Lisyu. Kikayapo nakimo ikingi umwene abagîle ukubomba, panongwa yakuti umwene yo nsololi. Umwène akâfûmbwaga mma ukwitikisania kwînu. Umwene ali ni Ndumi u kupa. “Kangî bosa aba Tata ambele Une bisakwisaga kwa Une.” Kangî umwene isakulumbililaga i Lisyu, kangî umwene isakulumbililaga Ikyene itolo mumo Ikyene kikuyilaga mwi Bangeli, kangî polelo uswe tukunkânaga umwène. Uko ko kotalusya.

<sup>143</sup> Kali Ikyene kikuyaga fiki, i Lisyu lya Kÿyala likwisa ku basololi, ulusanusyo lwâbo lwa Lisyu, ulusanusyo ulutalusye.

144 Israeli bwila aasokilepo pa lukindi, kangi Kyala aatumile unsololi ni fika ni fiswigisyo, ukusanusya i Lisyu lila. Kangi ngimba umwene âménye bulebule? Umwene âyobîle, “Linga unsololi uyu ikuyoba, kangi ikylene kikwisa ukuboneka, polelo ikyo kyo kitalusye.” Umwêne âsisimikisye abasololi Bâke, ukuti abêne bâli kanunu.

145 Yeso aatile, “Umwene uyu ikwitika mwa Une, imbombo isi Une ngubomba isakubombaga yope. Iki umwe mwisakumanya. Ifika ifi fisakukongaga abene aba bikwitika.”

146 Kangi abene babagile bulebule ukwîyobela ukuya nsololi gwa Ntwa nukukana i Lisyu lilalila ilya Kyala? Ngimba abagîle bulebule u nnyâmbala ukosya mu ngamu ya “Tâta, Mwanundumiana, na Mbepo Mwikemo,” amapalo gala, nukukâna i Ngamu yilayila iya Yeso Kristi, akabalilo kâko likayapo i Lisimbo mwi Bângéli ukutûla ikimanyisyo kyâbo? Une mbagile ukuya nkafu kangi ndôndësya-busobi, loli akêne ko kabalilo ukwega injila yila. Ubwene bo Bwanaloli.

147 Babagîle bulebule abându ukwîyobèla bêne ukuya Bakristi umwîsyûgu, nu kubopa pânja apa ku kilikyôsa, kangi bakikulu abasenga inywili, kangi bikufwala ibundu, kangi ukukwesa ingambo, nukubopa kubonesya masenema, uluko lulilosa ulwa kubonesya, kangî nukukindilila? Mbula une uyo yo Mbepo Mwikemo? Komma ugwe ukumbula une ikyo. Ugwe, ugwe kumpela Kyala ukuya mbine ku lwanda Lwake, linga kyalipo ikindu bo iki kyabagile ukubombigwa. Ena. Une ngusisimikisya umwe mukupilikisya. Kwikôlela gwibene, bo ulo, kibagile ukuyapo bulebule ikindu bo ikyo? “Ni seke syabo abene bikumanyigwa.”

148 Umwêne ângâli ikulünduma nu kukemela aligwêsa unkîkûlu unsênga-nywîli. Âbagile bulebule umwêne ukubômba ikîndu kilikyôsa ikîngi? Umwene yo nsololi. Kangi ilyo lya Lisyu. Umwene abagile ukuyoba, “Umwe, baYesebeli!” Umwene ângâli ikuya gwamagengelemia na bene. Fiki? Umwene yo nsololi. Umwene abagile ukwitugasya ni Lisyu. Uko ko kotalusya. Ugwe kwino gona abene babagile ukwima? Umma, nkulumba. Abêne bâbagîle ukuyoba, “Ikyène yo mumilisi. Umwêne yo mbibi bo ulo ugwaiyolo Pauli âli, mu li Bângéli, u kibenga-bakîkûlu.”

149 “Umwe, kipambo kya aba bikusyôbekesya, bikwîkôlêla-lûlo Bakristi. Kali ugwe kugela bulebule ukwitugasya, ikyo kikaya ni kindu nakimo ikyakubomba ni kyene. Pene papo ugwe kukakana i Lisyu lya Kyala kangî komma ukwigolosya ku Kyene, ugwe uli ntulanongwa, unsitakwitika,” ikyo kyo iki umwene abagile ukuyoba. Umwêne âkâbagile. . . Ukulâmbalika, umwêne ângâli ikulâmbalika i ndwânga kulakula ku misisi gya mpiki. Umwêne ângâli ati kulekako nakimo. Umwene yo nsololi, kangî iyo yo njila ya nsololi ugwabwanaloli. Abêne ângâli bikusyâla na lila i Lisyu kisitakupâsya kya kuti yo ywâno ikyène kili. Linga

ikyēne yo māmā pamo tāta gwābo bēne, kitikupela nabumo ubukīndāne. Yeso aabombile. Pakaabagile nukuya bwingi nu kunkolela umwene ukuya mama; umwene akaali mma. Umwene aali Kyala. Kyala akaya nayo mama. Abēne bābagile, polelo yo ywani u gwise Gwake? Uu-huu, uu-huu.

<sup>150</sup> Umwēne āngāli ikulūndūma nu kukemela abēne. Umwene āngāli ikukemela ikipanga-kipāgūke kilikyosa, panongwa yakuti kikayapo nakimo kya bēne kiyengigwe pa Lisyu. Une ngabagila ukwāga kimo kya fyēne. Kangi akabalilo kāko abēne bikupāgūka, abēne bikulwana ni Lisyu palapala pala. Polelo abagile bulebule u... u nsololi ukusaya iki i Lisyu likukemela? Loli, umwene atikulonda ukubomba ikylene, ukumfulasya u nkundwe gwake, loli pōpe umwene ikufimbilisigwa ukubomba ikyene panongwa yakuti umwene yo nsololi. Kangi umwene yo bwimilili bwa Lisyu lya Kyala ilyabwanaloli, kangi atikusema ukufuma ku Lyene, mu njila nayimo na panandi; fūndo pa fūndo, kangi ulukindi pa lūkīndi. Kēta iki une ngusanusya? Injila ya nsololi gwābwānalōli.

<sup>151</sup> Balinga bikuyoba, “Ntwa, une ngunyonywa Ugwe āngāli umbelile une nsololi?” Umwene atikubomba ikyo. Umma. Umwene atikubomba ikyo mma.

<sup>152</sup> Umwēne āngāli ikukemela ububōmbelo bulibōsa bwa mwālwe ubwa fipānga, ifi ifikino fya njunga na fyōssa ifīndu ifi ifi abēne bikuya nafyo, isekelo sya makādi, isekelo sya fyākulya fya mposya. Umwene āngāli ikukemela aligwesa gwa abene. Umwene āngāli ikupufula abene ku gehena kuko abene bikufumila.

<sup>153</sup> Mukwīnogōna umwe āngāli mukwambilila umwēne? Umma. I kipanga umwīsyūgu āngāli kitikumwambilila umwēne. Pentekosti ālimmwāmbilīla umwēne? Ena, umwene āngāli ikwenda nkati mula, ikuyoba, “Umwe ikipambo ikitumuligwanwili ikya Jezebeli, ngimba mukamanya iki ISI SYO IKUTI U NTWA ikusanusya? Ukwēne pānja apa na kanini akaboneke kafinye-lōsa akadiresi ufwēle, ngimba umwe ukamanya ugwe uli ntobesigwe panongwa ya kutulwa ubulogwe ilisiku lililyosa na bamia ba banyambala?” Ikyo kyo iki umwene abagile ukuyoba.

<sup>154</sup> Ugwe kuyoba, “Ena, yuka ungwaiyolo gwakifūnienie! U nkāngāle untu-gwakipala, umwīnitu umboneke-gwambuha, syōsyāpo umwēne panja pa kigemo. Unko uswe tukukēte ugwe, kitapwa kya bakyūngakyūma, badiakoni, nsōsyāpo umwēne panja pa apa.”

<sup>155</sup> “Mulimōsa, umwe kipāmbō kya bapelakisa basyōbi.” Kutalusya. Amosi āngāli ikukōlēla ikyēne pānja. Polelo kwikolela gwimwene, “Uswe tuli... Uswe tuli kibugutila iki. Uswe tuli ku kibugutila kila.” Umwe mwe ba setano, ugwisēmwe, kabuno umwene yo yuyo uyu ikukana i Lisyu.

<sup>156</sup> Kuyoba, “Une njobile mu ndimi.” Kangi polelo ukutumula inywili syako? “Lwimiko kwa Kyala! Aleluya!” Kangi ili Bangeli lyāyobile, “Ikyene kyo—ikyene kyo kindu kyapaliposa—kyapaliposa, ukuti unkikulu ukwiputa nu ntu gwake atumuligwe bo lula.” Polelo kwikōlela gwimwene Nkristi. Isoni pa ugwe. Gwāfule ukufuma mu nguto yimo kubuyobumo, yaga ntalusye na Kyala.

<sup>157</sup> Ukufwāla tula utunini utwaiyolo utwēnda utupimba, nu kusōka panja apa mu lubingilo, nu kwilūsānia gwimwene panja, akabalilo kako ugwe umenye kanunu kangi kanunu-fiyu ugwe kutulwa ubulogwe na banyambala mia yumo ilisiku lililyosa. Alinkuti, Yeso ayobile lulo, “Aligwesa uyu ikuketa ku nkikulu ukunonywa umwene abombile ubulogwe nu mwene.” Umwēne unkikulu yo yūyo ālitwēle mwēne, kangi ugwe gwābōmbile ikyene mu yāko. . .

<sup>158</sup> Kūko, ugwe, ugwe ufwile ku findu fya kisu. Ugwe ufyūkile ukufuma ku kila, mūmo une njobile, u bwāndilo. “Ugwe āngali kusyumbutusyāga untu gwāko mu soni. Ifisige fyāko fikukinya pa luko lwa kīndi ikibibi ikya butulwanongwa, mbuyo bwa kukēta abakikulu ukunonywa abēne. Umwe banyambala mwe mukubomba ikindu bo ikyo nu kwikolela mwibene Bakristi.” Ikyo kyo iki umwene abagile ukukubula ugwe. Une ngugela ukwega a Masyu gake ulubunju ulu. Agene āngali gikuyaga Masyu Gake. Kabuno, umwēne, kumbukilaga, umwene yo nsololi gwabwanaloli. Umwēne āngali ikufimbilisigwa ukusyāla ni Lisyu lila. Uu-huu. Une ngwandisya itolo a Masyu gāke. Ikyo kyo kyōsa. Panongwa yakuti, linga ugwe gwālintwele umwene, umwene yo Lisyu. Polelo, apa lilipo i Lisyu, Lyene. Lumo kabagila ukuya nu nnyambala, loli ugwe uli ni Lisyu lyake, nongwa yakuti umwene āngali ikuya ni Lisyu lya Ntwa.

<sup>159</sup> Ikimanyisyo kilikyosa ikitendekigwa-nu-mundu, umwene isakukikana ikyene, u luko ulu ulwa lōsyo “mu ngamu ya Tāta, Mwanundumiana, Mbepo Mwikemo.” Umwēne āngali ikukisopa ikīndu kila kubutali kunyuma mu Syēpwa. Umwēne āngali ikukemela ikyēne, mpaka āngali patikuyapo u bunūnge bwa ikyēne busyēle. Ena, nkulumba.

<sup>160</sup> Balinga, umwe, balinga nkipanga ulubunju ulu babagile ukummwambilila umwene pa ikyo?

<sup>161</sup> Polelo abene, ikibugutila kya Ngamu ya Yeso iki, abene āngali—abene āngali bikuyoba, “O, uswe tubagile ukummwega umwene pa ikyo.” Kangi polelo ikibugutila kyinu, umwene āngali ikupufulaga umwe mulamula panja ni kyene. Uko ko kotalusya. Abakikulu bīnu abatumula-nywili, kangi umwe mukupubisania ni kyene. Uko ko kotalusya. Abanyambala binu, injila iyi abene bikubomba nu kubombela. Uko ko kotalusya.

<sup>162</sup> Abandu bingi bikuyoba, “Ikyene kyo kinunu ukuya nsololi.” Ikyene kili, linga ugwe gwitendekisye ukūlisya filifyosa ku kisu

nu kwitugasya na Kyala ni Lisyu Lyake. Hmm.

<sup>163</sup> Umma, uswe ängäli tutikumwambilila umwëne mu njila yiliyösa, ifipänga-fipägúke fyïtu umwïsyúgu. Uswe naloliloli ängäli tukabagila ukuya nakyo nakimo ikyakubomba nu mwene.

<sup>164</sup> Pilikisya ku mwëne ukulündüma ikyëne. Umwëne äyobíle, “U Kyala yulayula uyu umwe mukwiyobela ukwitikamo, Umwëne isakuböngágaga umwe.” Ngimba ugwe kubombaga fiki pa ikyo? Yulayula Kyala uyu Pentekosti ikwitikamo, ukufuma ku mbömbö sya mwälwe silasila ni fïndi ifi abëne bikubömba nu kwitikisya ukubömbígwa, yulayula Kyala yula isakutwála u bulöngi pa fila ifipänganio. Uko ko kutalusya. Katikati iki Amosi äyobile ku bëne.

<sup>165</sup> “O,” abene balinkuti, “uswe tulinagwe Abraham. Uswe tulinakyo—uswe tulinakyo *iki*. Uswe tuli nu lulagilo. Uswe tuli nabo abaputi. Uswe tuli nabo abasololi.”

<sup>166</sup> O, nkundwe, ifisige fila filinkukinya bo umwëne ikukëta pa bëne, nukupufula i Lisyu lila mu bëne. Ena, nkulumba. Naloliloli. Abene balinkusita kummwambilila umwëne. Umma, nkulumba. Umwene alinkuti, “Abëne bisakubabongotola abëne ni fimanyisyo ifyakutendekigwa-nu-mundu.” Ikyo kyo iki umwene ängäli ikubabulaga umwe umwisyugu. Umwene ängäli ukuyoba mumo umwene äbombile akabalilo kala. Umwëne alinkuti, “U Kyala yulayula uyu umwe mukunjëngëla ifipänga, lumo ukuhömba amaelifu-elifu ga madola, gilagila imïputilemo igi umwe mukuyëngëla kwa Yehova, uyu umwe mukwiyobëla ukuti umwe muküngäna, yula u Kyala yulayula isakubongotola umwe panongwa yakuti umwe mukupïka i Lisyu Lyäke.”

<sup>167</sup> Momumo ikylene kiyilíle umwisyugu! U Kyala yulayula uyu America ikwiyobela ukubombela isakutwala u bulongi pa kisu nu konanga ikylene. Une ngusübila ikyo kikufika mbusolofu fiyo mpaka umwe mutisakwafula ukusökako ku kyëne. Yulayula Yula uyu umwe mwikwiyobëla ukuti umwe mungánile, kangi ni nyího syíne mwíbëne indendekigwa-nu-mündu, nu bëmi bwa bulogwe nu bubole ubu umwe muli nabo mwa umwe, kubutali ku Lisyu lya Kyala, isakubongotola umwe ilisiku limo. Uyo yo ISI SYO IKUTI U NTWA. Nakimo ikingi kisyele ku bene.

<sup>168</sup> Golosyaga ni Lisyu! Lumbilila i Nongwainunu ku bene; kilania ikisu; babula abene u Bwanaloli. Abalümbilili bikümàna nu kuywëga, nu kukëndilila ukwendendeka. Abanyämbàla bikukemela. Ifipänganio fikikupïka ugwe pänja. Abakikulu bikuyugània untu gwabo, kangi bakabagíle ukwitikisya inywili syäbo ukukula panja, panongwa ya nakimo. Ukufwala imyenda gyabo itolo katikati lulalula, ikyinja ukufuma pa kyinja. Itolo ukufwana uköneléla a misi pa nyuma ya lisekwa. “Polelo ugwe kwiyobëla ugwe unganile Kyala?”

<sup>169</sup> Umwene alinkuti, Yeso alinkuti, “Umwe mwegile inyiho syínu nu kupela i Ndagilo sya Kyala ukuya sita maka.”

170 Iyo yo njila ya nsololi ugwabwanaloli. Muketile? Iyene yikaya njila imbepe. Iyene yikaya yiyo aligwesa ikwinogona iyene yābagile ukuya.

171 Ukunyela-nyela nu kuywega, aligwesa ikukupūpūta ugwe pa kibega, polelo ikyo kyo kimanyilo ugwe ukaya nsololi gwabwanaloli. Ikyo kyo kimo mwa fimanyilo filafila ukuti ugwe ukaya nafyo ifi ugwe kuyobelapo.

172 Ngimba ko kabalilo nki abēne bālimpūpūta umwēne pa nyūma, pene pāpo abēne bāli ni ndwānga ukupyāsyā? Fiki? Umwēne āngāli ikisyūmbutuka ukusyūngutula nu kukemela abēne. Kutalusya. Kābagile ukumpuputa Amosi pa nyūma. Abene bakābagile ukumpūpūta u Eliya pa nyuma. Umwene akālīmīle pa findu ifyo. Umma, nkulumba. Umwene ābabūlīle abene u Bwanaloli bwa Kyala. Kangi linga Kumwanya kuli kukulumba fiyo, kangi kuko uswe tukubuka, polelo linga uswe tukabagila ukugolosya nu tunini utupatu utūndu utupepe, ngimba uswe tukuyaga bulebule ukugoloka na Mbepo Kula? Tukufimbilisigwa ukwigolosya ni Lisyu. Iyo yo njila ya nsololi ugwabwanaloli. Palema nalinga ikyēne kikundasulania umwēne ntupatu, ukuyoba Ikyēne, ena, umwēne ikufimbilisigwa ukuswanyulania ikīsu ntumbakasya, ni Lyēne. Uko ko kutalusya. Loli iyo yo njila.

173 Umwene isakulūndūma ikyene. O, mwe! Mumenye iki umwene āyobile ku bene? “U luyiganiko” linga umwe mukukētésya apa, umwene āyobīle, “ikyene kikaya mu sikali yīnu, ikyene kili mwa umwe.” Ikyo kyo iki umwene āyobīle. Ena. “Iyuganiko nkipānga, ububonekelo bwīnu bwa bunyakyala, ikyo kyo iki kipelile ulutamio.”

174 Inongwa iyi ikikomyunisti kikupyāgīla ikīsu umwīsyūgu, ikyēne kikaya panongwa ya kikomyunisti. Ikyēne kyo panongwa ya kipānga. Iyene yo nongwa ya bandu. Umwisyugu abene bikwikolela bene Bakristi. Abene bikwimba ngati Bāndūmi. Amasyu amamanyisigwe, nu kuyoba nu buyobelo bumo, baliti abēne bāli Bāndūmi-bakulumba; kangi kisitakwītika i Lisyu lya Kyala, ngati misyētāno. Uko ko kutalusya. Imba bo yu Gwāndūmi-nkulumba, afwele mūmo une-ngamanya-kiliku, kangi ukukana i Lisyu lya Kyala.

175 Unnyambala, undumbilili nkigemo, uyu isakwimaga pala nukukoleligwa Dokotala, Ntiligwa, kangi ndālusya umwēne, “Ngimba i Bāngēli lyāyobile u losyo mu ‘i Ngamu ya Ntwa Yeso Kristi,’ pamo, ‘Tāta, Mwanundumiana, kangi u Mbepo Mwikemo?’” Kangi umwene isakuseka nkisyo kyāko nu kwēga, “Tāta, Mwanundumiana, Mbepo Mwikemo.” Polelo kwīkōlēla gwimwene mwāna gwa Kyala?

176 Abakikulu bamenye ukuti i Bāngēli likukemela abene ukubomba ifindu fimo, kangi ukutumula inywili syabo, nu kubombela bo kikisu kyapasi, nukufwala imyenda gyabulogwe



ni findu bo ifyo, kangi abene bikukindilila ukubomba ikylene, mulimosa; nu kuyoba mu ndimi, nu kunyëla-nyëla, nu kuywëga, nu kuya ni fibugutila fya bakîkùlu abaiyolo, na syüngutilo sya kusona-sons, nu kutuma aba misyoni ku kibânja. Ikyëne kisile ukuya kunûnga mbukëtèlo bwa Kyala. Kangi, ISI SYO IKUTI U NTWA, Umwene isakubongotola ikindu kyosa. Umwene ikubombaga.

<sup>177</sup> Ikyene kikaya kindu kipepe, loli iyo yo njila ya nsololi ugwabwanaloli. Ukulûnduma Ilyene panja pala, nu kuyoba Ilyene kali Ilyene likufulasya pamo mma.

<sup>178</sup> Yohani äli nsololi gwäbwänalòli. Umwëne alinkuti, “I ndwänga yilämbalikigwe ku misisi gya mpiki.” Iyo yo njila ya bëne. Naloli.

<sup>179</sup> Ulutamio luli mwa mwëne. Ukwîmba baliti Bändûmi, ukumoga ngati böhësi panja apa, ifimogi, ukwëndendeka, ukukina amakâdi, imisebwe igya mbopesanio. Bakipentekosti, ukubûka mmabuyo aga lusangaluko, ifyakubonesya isenema fîswile na bëne. Ubuyo bulibosa, u luko lulilosa ulwa bukino bwaiyolo pamo kalikosa akangi, nu kubuka kulakula ukusuluka kula, kangi imbopesanio na filifyosa ifingi, nukwikolela bene Bakristi, kangi nukufyuka nu kuywëga, nu kuyoba mu ndimi, nu kwëga ukusukana-malundi nu mugonesyo.

<sup>180</sup> Fiki, ikylene kyo—ikylene kyo, “Bo imbwa yikubuka ku matesi gâke,” unsololi alinkuti, “momumo bikubômba abëne.” Linga ikindu kila kyâli kya kîsu, kyafimbilisigwâga ukubâyigwa ukufuma mwa umwe, nongwa ya fiki umwe mukugomokela ku kyëne kangi? Kotalusya. Panja pa ngîndi, ukutyônga, abëne bikukikôlèla ikyëne, twônga-na-bûnguluka, ukusënga i nywîli, ukufwâla ibûndu. O, mwe! Bikwikolela bene Bakristi. Ngimba umwe mubagile. . . Umma, une kinunupo ndingayobaga ikylene.

<sup>181</sup> Iyo yo nongwa une ngubakemela abëne. Linga une nguyaga pakwitugasya ni Lisyu *ili*, linga i Lisyu ili likwisa kwa une, une ngwitugasయా ni Lisyu ili. Iki kyo iki kikwisa kwa une, i Lisyu. Kemela ikylene!

<sup>182</sup> Kwiyobela ukulongosigwa na Mbepo Mwikemo, kangi ukubomba ifindu bo ifyo. Ngimba umwe mubagile ukwinogonela u nkikulu, ukuya ndongosigwe na Mbepo Mwikemo, ukwîtikisya inywili syâke sisëngigwe, akabalilo kâko u Mbepo Mwikemo yulayula ikukemela ikyëne? Polelo ngimba lo luko luki ulwa Mundu u Mbepo Mwikemo ali? Ngimba umwe mubagile ukwinogonela?

<sup>183</sup> Ngimba umwe mubagile ukwinogonela undumbilili ikwima pa kigemo, kangi unnyambala aligwesa ukukanikana umwene ukunnangisya umwene ubuyo bumobwene ntiga aligwesa alyosigwemo siku ukubômbëla amapalo ga “Tâta, Mwanundumiana, na Mbepo Mwikemo,” nu kuseka nkisyo kyâko nu kukukôlèla ugwe mumilisi, ukwisila mu kôsyâ mu

Ngamu ya Yeso Kristi, nu kuyoba umwëne alongosígwe na Mbepo, kangí ikuyoba umwene ali nagwe Mbepo Mwikemo? Ngimba u Mbepo Mwikemo abagile ukukana i Lisyu Lyake Mwene? Umma, nkulumba. A-ha. Ngimba umwe muketile? Une ngusubila umwe mukupilikisya ikylene.

<sup>184</sup> Une ngamanya ko kabalilo kīngi bulebule. Ikipufulo ikikōnge lumo kikunyāgāga une. Lōli, mpaka ikyēne kikubōmba, une nguyaga pakwīma palapala pala ni Lisyu. Akabalilo kako une ngwaganaga na umwe kula ku Bulongi, une ngwimaga palapala kifuki ni Lisyu lila. Ikyo kyo iki une ngwitika ukuya Bwanaloli.

<sup>185</sup> Umma, ugwe utikubōmba ifindu bo ifyo, kangí polelo ukuya na Mbepo Mwikemo. Nābukile ku nkasi gwa ndumbilili akabalilo kamo, itugesye pamwanya pala afwele ilidiresi, ikylene kyāli kiboneke-kinyali.

Ugwe kuyoba, “Ugwe ukayanabo ubwabuke nabumo.”

<sup>186</sup> Une ndinabo ubwabuke. Ilyo lyo Lisyu. Lumbilila Ilyēne lyōsa. Ugwe kukisania ifindu ifyo, i kilūndiko kya balūmbilili abakikikūlu, panongwa yakuti abēne bakaya nabo u bukif- . . . Lumo ugwe ukali nukukoleligwa ukulumbilila, mbuyo bwakwanda. Ena. Lōli ugwambombo gwa Kyala ugwanalolili isakusyāla palapala ni Lisyu lila. Kutalusya.

<sup>187</sup> Unkasi gwa ndumbilili itūgēsye pala, mōsa afinyisígwe mu lidiresi, ni ndebelebe sikusololoka pāsi, kangí afwēle ifyakwipaka-paka, kangí inywīli imbīmba insēngigwe. Akabalilo kako, Kyala ikuntaga ikindu kyosa ukuya kinyanyasi. Kangí polelo kuyoba ugwe uli nagwe Mbepo Mwikemo?

<sup>188</sup> Une nālūmbililāga apa mu Phoenix, pakaya patali mma, pa kindukimo bo ikyo, kangí unkasi gwa ndumbilili itugesye pa kigemo, na kimo mwa nywili isi sinsengigwe mukilūmiāna sifuluganikene mosa, kangí ni diresi ili umwēne ātoligwāga nukukyūnga kūsī kwa myēnda gyāke gyānkati ukufuma kukubonekela. Lilinkutoligwa ukwīsa pasi ukukilania ififundo fyāke. Kifuki ama inchi mana pamo mahano pamwanya pa mafundo gāke, itugesye pamwanya pala; ikunyela-nyela, ukulongolela inyimbo. Une ndinkupufula ikyēme itolo nu bukafu bo mūmo une nābagile. Ena, umwene atisakungōlēla une kāngi. Une ndikugūlila mma. Loli umwene amenye iki kyo kitalusye kangí kisobi. Akabalilo kako une ngwima pa Bulongi, ikylene kikaya pa maboko gangu kangí mma. Polelo ukubuka panja nu kuyoba . . .

<sup>189</sup> U nnyāmbāla, mmanyisi unkōleligwa-lulo, uyu une ndikuyoba lōli umwēne akaya, ātēndike ubuyobelo i lisiku limo, pankyeni pa bamo mwa binangu ku kāya kamo une nālimo. Umwe mumenye u nkundwe. Kangí u nkundwe uyu ālisilēmo. Umwene alinkuti, ena, umwene alinkuti, “Uswe twāli nu Nkundwe Branham apa akabalilo kamo.” Akaya

kamo, kangi panja Kubwingilil'ilisuba. Kangi unnyambala uyu alinkuti, "O, Nkundwe Branham yo nnyambala nnuu." Muketile? Umwēne āmenye kanunupo ukukīnda ukusopa kalikōsa pamwanya pa kayīlo. Alinkuti, "Nkundwe Branham, lōli komma umwe ukupilikila ku matepi gāke, panongwa yakuti agēne gisakubālangānia ugwe."

<sup>190</sup> Kangi pala kwābonīke ukuya yumo mwa bīnangu īmile pala, alinkuti, "Itolo i miniti, nkulumba! Une nāfuluganikēne mpaka une *nāpīlike* amatepi." Ena. Uko ko kukindana. "Une ndinkusita kupilikisya mumo u Kyala mwikemo abagile ukufyusya ni findu bo ifyo, mumo ugwe kubombela." Ena.

<sup>191</sup> Mundu yulayula, uyungi yumo nu mwene, ālimile pa buyo bumo pakaya patali mma, alinkuti, "Nkundwe Branham yo nsololi. Umwene abagile ukumanyila-ngāni ifindu. Kangi ifindu bo... Lōli," alinkuti, "lilino, komma ukupilikisya ku Kimanyisyo kyāke, nongwa yakuti umwēne akaya ntalusye." U busyūtāno, ubuyobelo ubusitakayīlo bo bula!

<sup>192</sup> Ngimba umwe mukamanya ukuti linga ikyene yo... Une ngaya nsololi nayumo. Loli linga i Lisyu lya Kyala lyo lyabwanaloli, Ilyene likwisa ku nsololi. "I Lisyu lya Ntwa lyālisīle ku basololi." Abēne bāli bēne bālinganiāga i Lisyu. Polelo, umwe muketile, ugwe utiku... .

<sup>193</sup> Ikyene kitikupilikisigwa napanandi mma, itolo ukwifisa kunyuma kwa kipanga-kipāgūke kimo ikyaitolo, limo mwa masiku gala isakubongotola nu kubūmba, nukupyūtīgwa mu gehena.

<sup>194</sup> Loli i Lisyu lya Kyala lisakumilisya bwilanabwila. Pa Lyālabwe lila Une nguyēnga isubilo syāngu bwilanabwila, pa Lisyu lya Ntwa. Unko kilikyosa ikingi kībile. Linga une ngutaga umwinangu aligwēsa, kilikyosa ikingi, ubwinake bwangu buli mwa Kristi.

Isubilo syāngu siyēngīgwe pa nakimo  
 ikisyālēpo  
 Ukukinda a Masyu ga Yeso nu bugolofu;  
 Bo ukusyungutila mōsa u moyo gwangu  
 gukumalika,  
 Polelo Umwene yo lōsa lusubilo ni ngimu  
 yangu.

<sup>195</sup> Akabalilo kāko indusu yila yapufukaga ilisiku limo kangi une ndinkuketa... Une ninogonaga ukuti nali mfwe. Nali nu bwipilike bwalutengano. Une ndinkukelengania. Une ndinkwinogona, "Ena, iki kyo kyene." Ngimba kyo kinununki iki ikipanga-kipāgūke kikubombaga kwa une akabalilo kala? Kyo kinununki iki ikibugutila kikubomba kwa une akabalilo kala? Une ngufīmbilisigwa ukwima kula ku bulongi bwa moto gwa Kyala, ukulongigwa ni Lisyu *ili*.

<sup>196</sup> Palema nalinga une lumo nāfimbilisigwàga ukòkya, nu kugōnja, nu kuniōngotola, nu kulūsania, abāndu bīngi, lōli une ngusūbila ukupela, ukwēgamo ulupōso lwabwānalòli ukufuma mula, ulwa Lisyu lya Kyala, kangī pala ukuyēnga u moyo kuli Syēpwa. Uko ko kutalusya. Unko Kyala ākibike ikyene mmaboko Gake nukukiyenga ikyene ku mwāna umpilikila.

<sup>197</sup> Bulebule abagile—ābagile bulebule u nnyambala, undongosigwa na Mbepo Mwikemo, ukubomba i kindu bo ikyo? Pamo, unkikulu na Mbepo Mwikemo, ikubomba ifindu bo ifyo? Umma. Umwene yo mwikemo. Kangi linga u Bumi Bwake buli mwa ugwe, ugwe uli yulayula. Ugwe kuyaga itolo bo yu Mwene.

<sup>198</sup> Israeli, bo uswe, īnogonāga panongwa yakuti abēne bakabaga nu lupālāno na bāngi, ukuti kyāli lwītikisyo lwa Kyala pa kyēne. Lilino, umwe mumenye, uswe tukwinogona ukuti umwisyugu.

<sup>199</sup> Une njobile ku bandu bamo apa pakaya patali'mma, ku hoteli, amasiku manandi aga gakindilepo, abanyambala abanywamu mbulagili bwabwiputiputi. Kangi abene balinkuyoba kwa une, “Kyala ikusisimikisya ukuti Umwene ali na uswe. Fiki, uswe twākūlīle nkyinja, Nkundwe Branham,” une ngwībwa ba mia balinga, bo ulo.

<sup>200</sup> Une ndinkuti, “Ikyo kyo kikaya na kamo lusisimikisyo.” Uu-huu. Uko ko kutalusya. Ubulogwe bufyūkile, bukulīle nkyīnja, kifuki malongo-matatu mwa mia; ngimba kila kyanangisye Kyala āli nu bulogwe? [Ikilundilo kikuyoba, “Umma.”—Nsimbi] Uu-huu. Uu-huu. Uu-huu. Naloliloli. Huu! Iīnogōno ilyo lyo likaya linunu nakamo. Umma. Ugwe ukabagila ukubomba ikyene. Umma, nkulumba. Kyala ikwima ni Lisyu Lyake. Unnyambala aligwesa uyungi isakwima ni Lisyu Lyake, linga umwene yo gwabwanalolindumbula. Umma ndaga.

<sup>201</sup> Abēne bālīnogwīne, panongwa yakuti abēne bāli nu ulupālāno! Lilino, apa, uswe twisakwīsa nkati, itolo a kabalilo, pa mbombo sya sikali. Ikisu kyitu kikānile i Lisyu lya Kyala, mumo itolo Israeli ābombile. Abene bāpīkile i Lisyu lya Kyala, kangī abāndu bābo, abapūti bābo, na basololi, na fyosa bo ifyo, bikusolola ubununu ku bēne. Kangī abēne... Ngimba uswe tubagīle ukubōmba fiki lōli ukusolola ubusobi, panongwa yakuti ikyēne kyo kikīndēne ni Lisyu! Umwēne agūnigwe. “Ikyītu ikikululumba ikīsu ikiganigwa, ukwāla pa i...ubwīsībile bwītu ubwa bītu batāta-abanyenya.” Polēlo gomokela ku iki abene bāli nakyo. A-ha. Kutalusya. Naloliloli.

<sup>202</sup> Israeli aali kisu ikikulumba. Keta abatata bābo abatasi, loli Kyala akaabalekelīle abene mma. Yula unkāngāle unsōlōli ugwakipāla-muntu āsopāga i Lisyu ku bēne, kangī ikyēne kyābonike itolo katikati i njiila umwēne āyobile. Bala isyambukulu syīnu apa nukusyaaganīa linga ikyeene kikaya

kitalusye. Ikyeene kisile ukuboneka itolo katikati injila iyi umweene aayobile ikyeene. Kangi umwëne äkëmîle abëne, napäpo, bala bîmîle pala, kangi abapûti bîkëmo bafwële imyënda imîkëmo, bikunyâfila *iki*; kangî bakabagîle ukusema ikiboko, injila *iyi* pamo injila *yila*, panongwa yakuti ikyene kyâli kindukimo injila *iyi*, u lwihho pamo i kindu kimo.

<sup>203</sup> Yeso alinkuti, “Umwe mwe ba tâta gwînu, u mōhësi, kangî imbombo syake umwe mwisa kubombaga.” Abëne balinkummwëga Umwëne nukuntobesya Umwëne, nu kutulika Umwëne pa mpiki, nukunngoga Umwëne. Katikati kotalusya. Kyala alinkunsyusya Umwene mmwanya kangî. Ena, nkulumba.

<sup>204</sup> Umma, abëne ängàli batikubōmba. Uswe ängàli tutikumwîtika Amosi umwîsyûgu, komma na panandi. Kangî umwîsyûgu uswe tutëndike u lupâlâno. Uswe tulinakyo iki uswe tukibilikila umwîsyûgu. . . Uswe tukwînogōna ikyëne yo “kwitikîsya,” kwa Kyala panongwa yakuti ifipânganio fyîtu fikubâla kangî—kangî kilikyōsa kikubûka i njila ikyëne kiyîlîle. Uswe tukwinogona ikyo kyo “kwîtikîsya” kwa Kyala pa kyene. Umwe mumenye, abene bâlungisénie, une ngwitika, kifuki babili pamo batatu bamiliyoni abakōngelelâpo ba Protestanti. Kangî baKatolika babûkile amamiliyoni mîngi ukukîndâpo. Muketile? Abëne bikwînogōna ikyo lo luisimikîsyo lwa Kyala, ukwisila mu bëne ukuya ba kiKatolika. Baprotestanti inogona ikyëne lo luisimikîsyo lwa Kyala, abëne ukuya baProtestanti. Huu! Ikyëne kyo butoyofu. Ikyëne kyo mindu gya ndusu. Ikyëne kyo lyôto lya atomiki. Ikyëne kyo bugâsi bwa Kyala bukuyëngigwapo, ukupufula. Uko ko katikati kotalusya.

Umwe pilikîsya kwa une. Une ngubabûlâga umwe i Lisyu lya Ntwa. Ameni.

<sup>205</sup> Këta kwa uswe. Këta ku kisu umwîsyûgu. Këta ku kikolo kytu. Uswe twîlungisénie na U.N. Ngimba kyo fiki mu kyene? Ikipâmbo kya basitakyala. Kangî uswe, nu bukifu komma nukwîtikîsya u lwîpûto ukupîgwa bo inyângâlò syîtu sikwîsamo.

<sup>206</sup> Ngimba une ngâbalîle itolo apa, “Babili aba babâgîle ukwenda bulebule pene pâpo abene bapilikene? Kyala ikubomba nakimo pene papo Umwene ikusetula ikyene ku babombi Bake, abasololi. Babili babagile ukwenda bulebule pene papo abene bikwitikîsania?”

<sup>207</sup> Akabalilo kako, uswe tulinabo baMuhamadi, Buddha, abakana-kyala, basitakyala, abîmi, kilikyosa ikingi, mu kyene. Ugwe kwînogona—ugwe kwînogona Kyala abagile ukwitugasya mu kindukimo bo ikyo?

<sup>208</sup> “Ena,” ugwe kuyoba, “ikyo, ena, uswe tuli mu lupâlâno na bëne. Uswe tulinalo lôsa u luponesyo lwa Kubwingîlîlo-ilisuba.”

<sup>209</sup> Abene bâli nafyo fyosa ifisu ukusyungutula abene, mu luponesyo. Loli unsololi yula alinkuti, “Kyala isakukubongotola ugwe. Kyala yulayula uyu ugwe

kumbombelaga isakukubōngotōla ugwe, panongwa ya butoyofu bwako.” Umwēne āngāli ikuyoba i kīndu kilakila ulubūnju ulu. Umwēne āngāli ikuywēga, ukufuma ku White House ukwakufika pāsi ku ku ndondo undimi. Umwene naloliloli abagile. Umwene ikubatwalaga abene, ni Lisyu lya Kyala. Umwene naloliloli ikubombaga. Iyo yo njila ya nsololi ugwabwanaloli.

<sup>210</sup> “Kéta kwa uswe, i fipanga. O, uswe twe kipanga kya Katolika gwa Roma ikīkēmo ikikulumba!” Áyobígwe, mu i Bāngéli, ukuya NDONGWE.

<sup>211</sup> “Uswe twe batata ba batāta, ifipanga fya kiProtestanti, fyosa fibungenie palikimo, kangī kikukoleligwa i...yo Kibugutila kya Kīsu-kyōsa kya Fipānga.” Bamalaya ba NDOGWE, i Bāngéli lyāyobīle. Ikyo kyo katikati iki Ikyene kyāyobīle. Uu-huu. Kangī palema uswe tukwinogona, “Kangī lilino ifipanga fyosa fikubuka palikimo.”

<sup>212</sup> Tata. Collins, umwinangu gwa une, nkundwe ukufuma ku California, pamo, Arizona kula. Ugwāko untan-...gwāko... Pete, [Nkundwe Neville ikuyoba, “Elmer.”—Nsimbi] Elmer. Une ndinkuti, “Ena, une ngusakikisya ugwe kubūka ku kimo i kipanga kinini kya Methodisti.”

<sup>213</sup> Alinkuti, “Une nasōkīle panja pa kyēne akabalilo kāko abēne bālingīle kila u Lukomano Lwa Fipānga kumwanya kula.”

<sup>214</sup> Une ndinkuti, “Kyala akusaye ugwe. Ugwe uli kifuki ni Kitangalala, nkundwe.” Uu-huu. Ena, nkulumba.

<sup>215</sup> Inyiho, bikusubila pa kibugutila kya banyambala, kangī ni kimanyisyo ikitēdekigwa-nu-mūndu, nukuleka i Lisyu lya Kyala. Iki uswe tukulondigwa yo nsololi umwisyugu, ukupufula i Lisyu lila nkati mula. Ikyo kyo katikati. Ena.

<sup>216</sup> Abēne, abēne bikwēga u buponesyo pakati pa bēne. “O, uswe twālungisēnie. Uswe, baPentekosti, naloliloli, uswe twālungisēnie ku Kibugutila kya Kīsu-kyōsa kya Fipānga, panongwa yakuti nkati mula uswe tuli nu bulilani. Uswe tukubakabilaga abene kuno.” Bo mumo unkikulu ikubuka ku nyumba, ukuti akagāle nu ndume gwake, ukunkaba umwene kwa Kyala. Fiyopo ngati u ndume ikubūka nu nkasi, amasiku aga, ku kilabu, ukwākugāla, ukunkaba umwēne kwa Kyala. Butoyofu! Yaga pabutali pa lubīngilo lwa mōhési.

<sup>217</sup> Akabalilo kako kalikosa kakukana i Lisyu lila, une ngulwana ni kyene. Ikyo kikumbela une ukulwana ni kipāngānio kilikyosa, panongwa yakuti ikyene kikulwana ni Lisyu. Kibagile ukupela umwitiki aligwesa ukwipilika mu njila yila. Haa!

“Ena,” abene bikuti, “loli, kumbukilaga, uswe tulinakyo...”

<sup>218</sup> Une ndinako akapatu akanywāmu mu kalatasi, umundu yumo ālindumīle une ukufuma ku Arizona, ubwa mūmo u mwene u mweneluyungu *Gwakuti-na-gwakuti*, i lisiku limo,

alinkuti, “Päpa Yohani u Gwakalongo-Malongo-mabili-na-Fibili,” pamo kilikyosa iki abène bikuköléla umwène, “äli . . . Umwène yo nnyämbála unnunu. Umwène yo nyämbàla mwène uyu äyobilèmo siku pa kubüngània i fipānga, a baKatolika na baProtestanti, palikimo.” Alinkuti, “Ikyene lumo kitikwisaga mmasiku gitu, loli, ifyinja kalongo na fihano na fibili pamo malongo mabili, ikyene kikuyaga apa.”

219 Une ndinkwinogona, “Ndumiana, ugwe pakuya yo mweneluyungu, ugwe kusolola, kangi utikumanya ikyene.”

220 “Ukwène ko kwilile ukukinda mūmo uswe tukwīnogonèla.” U miāna uyu äsīmbile ikyène kwa une, äsīmbile pamwanya pa lyāni, “Ukwène kwilile ukukinda mūmo uswe tukwīnogonèla.” Umwene apilikisyaga ku matepi, yope. Ena, nkulumba. Umwene alinkuti, “Ukwene kwilile ukukinda mumo uswe tukwinogonela.” Alinkuti, “Nkundwe Branham, ngimba ugwe ukäyobile iki, ifyinja ifi fikindilepo?”

221 Une ndinkuti, “Naloliloli.” Ena, nkulumba. Ikyene kikwisa ukuboneka, panongwa yakuti ikyene kyo Lisyu lya Ntwa. Ikyene kikufimbilisgwa. Naloli. Ena.

222 Abene bikuti, “Ena, umwīkèmo mweneluyungu uyu, ngimba ugwe utikwinogona ukuti umwene abagile ukumanya ikindukimo ikingipo ukukinda ikyo?” Umma, nkulumba. Linga umwene ikukana i Lisyu lya Kyala, kéta mu Lyene bo lula, umwene akabagila.

223 Une ndikupāsyā balinga aba pāpa, abasololi, kangi fiki ikīngi umwe mulinakyo pakati pa umwe. Linga umwe muli panja pa Lisyu, umwe muli panja pa Lisyu. Uko ko kotalusya. Abagaile bulebule Kyala ukusayamo siku i kīndu bo iki, akabalilo kōsa abène bikupīka lilalila i Lisyu lya Kyala? Ngimba Umwène abagile bulebule ukusaya kalikōsa palubafu lwa Lisyu Lyāke, ikindukimo iki kikukīndāna ni Lisyu Lyāke? Ngimba Umwène abagile bulebule ukukāna Ilyène?

224 Ngimba ugwe ubagile bulebule ukusaya u kansa uyu ikulya ugwe? Ngimba ubagile bulebule ugwe ukusaya i—i—i sāmbō ya bumeme iyi ugwe ukolile, ugwe kuti, “O, ngola une kangi okya une”? Ikyo āngàli kikuya busyūtāno.

225 Ngimba Kyala abagile bulebule ukusaya kilikyosa iki kikulwana ni Lisyu Lyake? Popāpo gomokela ku Lisyu! Aa-ha.

226 Umwe kipāmbō kya balūmbilili, ngati imbwa isyakukèma, kitamisye na umwe? Ugwe kusōka panja apa nukulisyā ubwābūke bwāko ubwābupāpīgwe panongwa ya kiyabo kya ndima, ukwitoga ukusyungutila mu Cadillac yimo pamo ikindukimo, pamo kimo ikinywāmu, ikiyūmba ikyapamwanya kubuyobumo, kangi i kipānga ikinywāmu ikya madola-elifu-elifu. Kangi fyosa ifindu fila bo ifyo, kangi kulisyā panja ubwābūke bwāko bwakupāpīgwa, nu kuya gwāsoni nu lutende ukulumbilila i Lisyu lya Kyala ku kilundilo kyako. Yoba,

ngimba ugwe ukaya ni soni gwĩmwène? Kangi ikwikolela gwimwene ukuya ntumigwa, unsololi gwa Kyala, kulisya ubukusi bwa kupapigwa kwako kuli kiyabo kya kisu. Ngimba ugwe kwisakupanja fiki? Kilakila iki Esau ābōmbìle. O, lo lufuyulo nki!

<sup>227</sup> O, umma! U Kyala mwikemo uyu ikukētésya pa Lisyu Lyāke, ukusisimikisya Ilyene, akabagiile ukusaya ikindukimo iki kikulwana ni Lisyu Lyake. Lilino pilikisya. Une mmenye ngubopa itolo panini panandi ngābìle, kangi une mbagìle ukubapīta umwe ku bufwe. Loli, keta, une ngulonda ukulalusya umwe i kindukimo. Ābagìle bulebule u Kyala mwikemo, Uyu āyobile i Lisyu Lyake kangi alinkuti, “Lilino, fyosa-fibili kumwanya na pasi fisakumalikaga, loli Lila litisakumalikamo, komma i Lisyu limolyene Iya Ilyene,” lilino ngimba Umwēne abagìle bulebule ukwēga ikindukimo iki kikukānikāna na Kila nukukisaya ikyēne? Ngimba Umwēne abagìle bulebule ukubōmba ikyēne? Kēta. Umwene ikwisisimikisya, Mwene. Umwene ikusisimikisya i Lisyu Lyake. Umwene ikuyoba iki kyo kitalusye, komma ukwisila mu bumbakasya bwa bandu.

<sup>228</sup> Keta Moabu. Moabu aali ni Lisyu Lyake, yope, Moabu. Israeli aali ni Lisyu Lyake; kangi Moabu aali nu luko Iwa bunyakyala, ni Lisyu Lyake. Abēne bāpēle amakemo mahano-na-mabili, ingambako, pa figemo fihano-na-fibili; imbalilo imbelelesye, i likemo ilipelelesye. Polelo, palubafu pa ikyo, umwene alinkwega i ng’osi sihano-na-sibili, ikuyoba ukuti abene bitikaga mu kwisa kwa Mwanundumiana gwa Kyala, nu kupa isyēne pamwanya paa, nu gwābo ugwapamwanya u bishop-nkulumba. Bōsa abayīdikigwa bābo, bōsa bapūti bābo na bapūti bakulumba, kilikyōsa ikīngi, bālmīle ukusyūngutīla abanyafyāle bābe na bapresidenti, kangi kiliku-ikyākongelelāpo, nu kupa iki itolo mbwīputi bo mūmo abēne bābagìle ukuya, ukulwāna na Israeli.

<sup>229</sup> Kangi pala ālipo Israeli pāsi pala, ikipambo ikinini kya basāmbuke, bābonekāga ngati. Lōli fiki kyāli na Israeli? Kyala āli mu sasanio syābo. Umwēne īsisimikisyaga Mwēne, ukuti Umwēne āli na bēne. Muketile?

<sup>230</sup> Kisita kupāsya bo balinga abatāta abēne āngāli balinabo, abapāpa, pamo kilikyōsa ikyākongelēlāpo, Kyala akabagila ukuya na bene mpaka Umwene ikwisisimikisya Mwene na bene. Kangi akabalilo kosa aka abene bali panja pa Lisyu Lyake, nukukana i Lisyu Lyake, Umwene abagile ukuya bulebule na bene? Komma ifimanyilo fya Kyala ugwabumi pakati pa bene.

<sup>231</sup> Ngimba Kyala ikuyaga bulebule pakati pa U.N., akabalilo kāko babili bakabagila ukwenda kisita abene bikwitikisania?

<sup>232</sup> Lilino, kēta kuno. Pala kilipo i Kipanga kya Kristi, kikukōlēligwa-lūlo, bīlūngisēnie na baPentekosti. U Pentekosti ikuyoba abene bikwitika mu kuyoba mu ndimi. Abene bikwitika ubuketi bwa Mbepo Mwikemo, ukuyobela mu ndimi. Abene



bikuyoba abene bikwitika mu *iki, kila*, kangî *ikingî*. Abene bikwitika mu fika ni fiswigo. I Kipanga kya Kristi kikubaseka abêne, kyâyobile, “Umwe kipambo kya basitakumanya! Kila kyâli amasiku aga gakîndile.” Babagile bulebule babili ukwênda palikimo pene pâpo abêne bapilikisènie? Kangî abêne balûngisènie palikimo. Ngimba abêne bikubômba fiki? Abêne bikulôndësya ubuponesyo yumo nu nnine. Kubutali ni kîndu bo ikyo!

<sup>233</sup> Ubuponesyo bwangu buli mwa Kristi kangî mu Lisyu Lyake, kabuno i Lisyu Lyake yo Mwene. Uko ko kotalusya.

Komma ifimanyilo fya Kyala ugwabumi, komma napanandi.

<sup>234</sup> Ikyo kyo iki Yeso aayobile, “Linga une ndikupela i Lisyu ukuboneka, polelo komma ukwitika Ilyene. Linga Kyala atikuyoba nukusolola ukwisila mwa Une, nukuyoba ukwisila mwa Une nukubomba ukwisila mwa Une itolo iki Mesiya abagile ukubomba, polelo komma umwe ukwitika Une.”

<sup>235</sup> Polelo, u miana ikuyoba ukuti umwene yo nsololi âtumígwe na Kyala, nukukâna i Lisyu? Kyala yaga gwakisa ku findu bo ifyo! Ngimba Kyala abagile bulebule ukubomba bo ikyo?

<sup>236</sup> Unko une ndalusye, ndalusye, yo iyi lilino. Une—une ngamanya akabalilo kako une nguyobaga kwa umwe kangî. Ikyo kikuyaga kwa Kyala. Une ne itolo ngulambalika nkati Kyakulya, mumo Umwene âlimbulile une mu mboniboni yila akabalilo kala, ukubika Ikyene mu ndeko nyingi.

<sup>237</sup> Umwe mubagile ukundâlusya une, “Abagile bulebule Amosi ukukêtêla-ngâni iki kyâyaga pakuboneka ku bêne?” Fiki, ikyène kyâbonekâga kinunu.

<sup>238</sup> Keta. Lilino keta kuno. Lilino, pilikisya kifuki fiyo lilino. Panongwa yakuti, Iki kyo kyôsa pa tepi, kangî Ikyène kibûkâga, Ikyène kisakubûka nkîsu-kyôsa. Muketile? Lilino mûmo. . . Keta kuno.

<sup>239</sup> Pala âlipo Israel. Amaseminale gâbo gâli mu bubûmbe ubununu ukukînda agêne gâlîmo siku. Pala akayapo nayumo ikubatamia abêne. Abêne bâli nu bwîputilo bwâbo bêne. Akayapo nayumo âyobile, “Ugwe ukabagîla ukummwîpûta Yehova.” “Kindililâga,” balinkuti ifikolo ifyabapanja, “iputa. Uswe tuli nu kwitikisania, yumo nu nnine.”

<sup>240</sup> Unsololi yula âketile ukukinda ikyo. Muketile? Momumo u nsololi umusyugu ikubonela ukwisila mu kyene. Muketile?

<sup>241</sup> “Kindililaga.” Kangî Israeli alinkuti, “Ena, unko uswe tulye, tunwe, kangî tuyege basangalufu.” Polelo abene balinkuya ni kipambo palikimo nukubatendeka abene ifimanyisyo fimo, kangî ifipânganio, ifipânga-fipâguke, ni fîndu, nu kutêndekësya ikyène lôsa môsa. Kangî abakîkûlu bâbo itolo bitûgasyâga mu bunoge nu butulwanôngwa panja pala. Ndumiana, ukupîmbigwa ukusyûngutula mu fimogo

na filifyōsa, bafwele-sina, akanini akalāngale-pakukakēta akasiketī afwēle. Linga ugwe gwakētilémo siku simo mwa syābo—syābo isyāmbukúlu sya masiku gala, mūmo abēne bākētelága, o, kifuki yumo mwa batatu ukuya babibi mumo abene bikubombela umwisyugu. Komma fiyofiyō, palema, panongwa yakuti abene balinkutoligwa. Ena. Kangi mūmo abēne bābōmbīle nukukīndilīla bo ulō; kangi a banyafyāle, kangi abapūti, kangi aligwesa uyungi.

<sup>242</sup> Yeso āyōbile, “Umwe mukulya inyūmba sya bafwīlwe, umwe basyōbi.” Umwēne āyōbile ikyēne. Kangi fyōsa ifīndu ifi abēne bābōmbāga.

<sup>243</sup> Unsololi yula imile pala, ikukēta pasi pa kila, ikikolo kila bo ikyo, fyōbēne i ndumbula yake yālepwlle ukufuma ku mwene. Ena, nkulumba.

<sup>244</sup> Lilino, umwe mukuyoba, “Ngimba umwēne āménye bulebule iki kyāyāga pakuboneka? Ngimba umwēne abagīle bulebule ukukētēla ngāni ikyēne? Bulebule?” Ikyene kyosa kyabonike kinunu. Fiki, abene balinafyo fingi ukulya. Abene balinafyo fingi ukufwala. Abene, abene balinkuya ni fipanga ifinywamu. Abēne bikukaba. Ihela syabyēle kulikōsa, bunoge. Fimogo pa lukindi, ubulogwe, na filifyosa ifingi fikukindilila itolo, kangi filifyosa fikubuka kanunu. Itolo bo yu America umwisyugu. Televizioni yiswile ni sunga isyabulogwe, abakīkūlu bafwele-sinda, kilikyosa ikingi. Kilikyosa iki umwe muketile kyo itolo ndipa kangi butulwanongwa. Ugwe utikufimbilisigwa ukukēta pa televizioni, igula itolo amaso ginu, kēta paliposa. Balindwana, balumiana, banyāmbāla, abakikulu: ukukwesa, ukunwa. Aba Jezebeli bala bikwikolela bene Bakristi. Imisyētāno igyakinyanyasi gikukōléla gyēne baMethodisti, baBaptisti, baPresibeteri, baKatolika, na baPentekosti. Uu-huu. Uu-huu.

Fyōbēne ikyene kyakinyile amaso gake akabalilo kako umwene aketege. Ha! Uko ko kotalusya.

<sup>245</sup> “Ikyene kyosa kikuboneka kinunu. Ngimba ugwe ubagile bulebule ukukupoka ikyene? Linga uswe tukubombaga... Bulebule? Bulebule? Keta kuno. Ena, uswe—uswe tuli ni elifu-elifu bingipo. Uswe—uswe tulinago... Uswe... Imiyumba gyitu gili, o, ifipanga fyitu fyo finywāmu fiyo, uswe tukufimbilisigwa ukuyenga ifipanga ifipya. Ena, uswe tulinasyo i hela nyingi fiyo, uswe tukamanya ikyakubomba ni syene. Fiki, uswe tukuyenga itolo ubuyo ubununu ukukinda bosa mu—mu kisu. Ifipanga ifinywamu ukukinda fyosa ifi filipo, uswe tukabile ifyene. Kangi uswe tukāli tuli ni hela nyingi. Ngimba ugwe utikwinogona Kyala atusayile uswe?” Umma. Ugwe usōkilepo pa Lisyu Lyake.

<sup>246</sup> “Kangi, Nkundwe Branham, ugwe kusanusya ukuti Kyala ikubongotolaga iki?” Ena, aligwesa gwa bene.

“Ngimba umwe mumenye?” Amosi, ngimba ugwe gwamenye bulebule?

<sup>247</sup> Itolo ngati u ngānga ikwēnesya u mbine. Akabalilo kāko umwēne ikuyāga i mbungo iyi yili pa mbine, umwēne ikumanya ikyākubōmba. Umwene amenye iki umbine yula alinakyo. Umwene amenye bo butali buki iyene yifikilepo. Kangi umwene amenye iki kikubonekaga. Iyo yo njila nu nsololi, unsololi ugwabwanaloli, akabalilo kako umwene ikuketa. Une ndikupasya ifi ugwe kubomba. Akabalilo kāko umwēne ikukēta ubutulwanongwa bukufyūka, ubwēne bo kansa uyu ikulya. Kangi ubwēne bo bufyūkano fiyo, mu baPentekosti na bōsa abasyāle ba bēne, ikyēne kikabagīla ukugomokela. Ubwēne buli pa kayīlo akafyūkano. Abēne bikuyaga pakupyūtīgwa.

<sup>248</sup> Umo momūmo Amosi ābagile ukwēnesyēla u mbine. Umwēne ālyēnīsyē iyēne ukwīsila mu Lisyu Iya Kyala. Umo momūmo u nso-...u nsololi ugwābwānalōli ikwēnesyēla u mbine, nu kuyoba ku bala abakīkūlu, “Komma ugwe siku ukugela ukubūka ku Bulōngi ni nywīli insēngigwe, akabalilo kāko ugwe umenye kanunupo.” Ikuyoba kwa umwe banyambala, mwe bangi ba umwe, kangi umwe balumbilili mukukana i Lisyu, nukuya nu bubumbe bwa bunyakyala, kangi ukwīngila ifipāngānio, ukwībīlila i nongwa, akabalilo kāko umwe mumenye kanunupo. Umwe mukukēta i Lisyu lilalila abasololi abābwānalōli bākētāga. Ubwēnesyo bwa bubine bwātīle, “Bufwe! Lupāgukāno!” Itolo bo yu ngānga, umwene amenye umbine. Umwene amenye lo lukō luki ulwa ifyakuboneka ikylene kili nakyo.

<sup>249</sup> Kēta ku kisu iki. Akabalilo kako ugwe kuyoba, “Pentekosti āmalīke.” Akabalilo kāko, abēne batisa nukukwītīkīsyā ugwe ukwisa ku kipānga, panongwa yakuti ugwe kulumbilila ku bakikulu isya nywīli insēngigwa, kangi i Libangeli likukemela ikylene. Ukutila ugwe kuyobaga ikindukimo ikya. . .

<sup>250</sup> Apa i lisiku limo, akabalilo kāko une nātendekāga ulusasanio lumo. Roy Borders āli, pa Kiloboko Kyakubwīngilīlo, abēne bālīntwēle umwēne palikimo, ikipambo kya balūmbilili, ukufwana, o, une ngusakikīsyā malongo mana pamo malongo mahano ga bēne, kūko une nāli nu lukomano ulukulumba. Abene balinkuti, “Tata. Borders, une ngulonda ukukulalusya ugwe i kindukimo.” Alinkuti, “Ngimba isyene syabwanaloli ukuti Nkundwe Branham ikubombela Ingamu ya Ntwa Yeso Kristi ukōsya nkati?”

<sup>251</sup> Tata. Borders, u nnyāmbala ungīndīkīgwa ukukīnda fiyo, bo mūmo umwe mukumanya Nkundwe Borders ukufuma kuno. Umwene alinkuti, “Bakulumba,” umwene alinkuti, “Nkundwe Branham, akabalilo kako umwene ali panja mu lusasanio, panja, iki,” alinkuti, “umwene atikulumbilila. Umwene itolo

ikukindilila kangu ikwiputula ababine bīnu. Ikyo kyo kufwana iki umwene ikubomba.”

252 Alinkuti, “Ikyo kikaya iki une ngulalusisye ugwe,” alinkuti aba presibeteri. “Ngimba umwene ikubomba?” Lilino, abene bāli na matepi. Abene bamenye. Alinkuti, “Ngimba umwene ikōsya mu Ngamu ya Yeso Kristi?”

253 Umwene alinkuti, “Ena, mu kipanga kyake kyene. Ubo bo buyo ubu umwene ikosya, nkipanga kyake kyene.”

254 Umwene alinkuti, “Ikyo kyo kyene. Ikyo kyo kyosa une ngulonda ukumanya. Uswe tutikundōnda umwene. Uswe tutikulōnda ubusāmbūke pakati pa bāndu bītu.”

255 Kangu ilisiku limo, akabalilo kako umwinangu unnunu, Ed Daulton, alyāmbilile ukalata ukufuma ku kipanga kya Baptisti. Umwene alinkuti, “Uswe tukukagaga ugwe ukufuma ku bulilanisi bwa Baptisti, panongwa yakuti ugwe gwīngile mu busāmbukano bwa kuya mōsīgwe mu Ngamu ya Yeso.”

256 Une ngulōnda ukwīma na Pauli, “Mu iki ikīsu kikubilikila busāmbūke, iyo yo njila une ngwīpūta Kyala, panongwa yakuti ilyēne lyo Lisyu Lyāke.” Ena, nkulumba. Ena. O, naloliloli.

257 U ngānga ukwēenesya u bubine. Umwēne ikukēta kūko ikyēne kiliko. U nsololi gwābwānalōli ikwēnesya u mbine, ukwīsila mu Lisyu. Umwēne fiki? u ngānga ukwēnesya u mbine gwāke, ukwīsila mu fyakwīpilika. Ngimba ikyo kutalusya? Umwēne ikukēta ku fyākwīpilika kangu umwēne ikukēta iki kyo lutamio nu mbine. Umwene ikuketa mumo ikyene kikukindilila, nu kuyoba, “Kikayapo nakimo iki kibagile ukubombigwa.”

258 Kangu u nsololi ugwabwanaloli ikwega i Lisyu lya Kyala nukukētēsya ububine, ikusōpa Unkota mu bwēne. Kangu abāndu bikusopa Ilyēne ukugomokesya nkisyo kyāke. Ngimba fiki fikubonekaga? Pyūtīgwa, ikyo kyo kyōsa; abagana-busāngalufu, ikipāmbō ikukupililigwe-ni-kīsu ikya busyōbi bubilikīgwe-lūlo! Loli iyo yo njila ya nsololi ugwabwanaloli. Muketile? O, mwe!

259 Umwene ikukēta i mbungo. Umwene ākibwene ukuti abene basōkileko ku Lisyu. Umwēne ākētīle i Lisyu. Kangu umwēne āmēnye ifyakukōnga ifi fisāga. Umwēne ākētīle ubusāngalufu abēne bītūgasyāga ngamo, ākētīle injila bala abakīkūlu bābōmbelāga. Umwēne āyibwēne injila bala abapūti bābōmbāga, mūmo abēne basōkilēpo ukufuma ku bwīpūti ubwabwānalōli bwa Kyala, ni findu bo ifyo. Pala, umwene āli ni—umwene āli ni lyāmulo. Umwene alinkuti, “Ukuti Kyala uyu ugwe kwiyobela ukuti ugwe kubombela isakukōnāgwe ugwe.”

“Fiki?”

260 “Umwe mukakyūngile mma Ingomelesyo Syāngu.” Kangu lōli abēne binogonaga umwēne āli. Ngimba une itolo ngābalile ikyēne apa? linandi lya 2, lya 4 . . . untu gwa 2, ilinandi lya 4, “Panongwa yakuti une nsalile umwe ukuya . . . Ukufuma mfikolo

fyösa nkîsu, une nâkusälile ugwe, kangî pöpe ugwe kukâna ukwênda mu Ndagilo Syângu.” Ugwe kwînogöna . . .

261 Unnini yula, u nsololi gwakipala imile pala ni ndefu syambuha; alinkung’wala mmaso gake, ikumulika umoto; ikuyoba ku kipâmbo kila kya bapûti ni findu, kangî alinkuti, “U Kyala uyu umwe basyöbi mukubömbela ngâti mukubömbela, yula u Kyala yulayula isakubabongotola umwe.” Ugwe kwînogona umwene angali ukuya nu lwîtikisano? Haa! Umwene aatile . . . O, mwe! Umwene, ngela umwene umwisyugu kangî keta linga umwene abagile. Umma. Loli umwene fiki? Iyo yo njila ya nsololi ugwabwanaloli. Umwene âli ni Lisyu. Umwene âmenye iki Ikyene kyâli.

Bo yu Mikaya gwaiyolo . . .

262 U mwâna unnini uyu une nâsayilile, une ngîndile fimo mwa ikyêne, amaminiti manini aga gakîndile, nongwa yakuti une ngubopela akabalilo.

263 Löli, Mikaya, akabalilo kâko umwêne âlîmîle pankyêni pa Ahabu, umwêne alinkukêta ku bêne. Umwêne âménye i Lisyu. Mikaya âyobîle i Lisyu ku bêne. Fiki? Mikaya âlôngile imboniboni yâke, ikimanyisyo Kyâke, ni Lisyu lya Kyala. Kangî umwene âkîbwêne ukuti i Kimanyisyo kyâke ni Lisyu lyâli kimokyêne. Panongwa yakuti, i Lisyu lyaayobile Umwene ângâli ikuguna Ahabu, kangî Umwene ikupelaga imbwa ukumyânda i lilopa lyake. Ikyo kyo iki i Lisyu lyâyobile.

264 Popâpo, Mikaya âli ni mboniboni. Ikyo kyo, umwêne âli nsolöli. “Kêta iki i Lisyu likwisa kwa une.” Kangî umwene âliputîle, “O Ntwa Kyala, ngimba fyo fiki une mbombe? Ngimba une mbagile ukuyoba fiki ku kipambo kya balumbilili bîmîle apa? Apa filipo i fipânganio fyösa. Filifyösa nkîsu fibûngêne ukulwâna na une, Ntwa. Apa une ngwîma pankyeni pa mwalafyale. Ngimba une mbagile ukuyoba fiki?”

265 Kangî umwene alinkubuka mu mboniboni. Alinkuti, “Kindililaga kula. Kindililaga.” Alinkuti, “Loli une numbwene Israeli abalanisigwe ngati ng’osi insita nu ntimi nayumo.” Ena.

266 Yula—yula nkulumba gwa kiyabo alinkwênda kula nu kunkoma-nîpi umwêne nkanwa, kangî alinkuti, “Ko kugu kûko i Lisyu lya Kyala, u Mbepo gwa Kyala, âbükile, akabalilo kâko Ikyêne kyâbükile ukufuma mwa une?” Ukufuma mwa umwêne?

267 Umwe mumenye iki Kyala âyobîle? Umwene âlitikîsyu u mōhési yumo ukusuluka pâsi, ukwisa pakati pa bêne, panongwa yakuti abêne bâli panja pa Lisyu, ukwânda itolo.

268 I Bângêli lyâyobile, “Linga abene bâbagile ukusita kwitika i Lisyu, Umwêne isakubapa abêne ikîfünienie ikyâmaka, ukwîtika ubutûngûlu, kangî bisakugunigwa ni kyêne.” Ikyo kyo katikati iki ifipânganio ifi na bându ba kîsu iki bikubömba umwîsyûgu, ukwîtika u busyöbi, ukuya bagunigwe ni kyêne.

“Kabuno yikayapo i Ngamu iyingi yipigwe pási pa ku Mwanya kũko umwe mukufimbilisigwa ukupokigwa.” Golosya lōsa, bāfibugutīla, na fyosa bo ifyo. Ena.

<sup>269</sup> Lilino, ngimba fyo fiki ifi abangi aba...?..Ngimba abasololi aba abangi bāketaga fiki? Abene bāli basololi. Ena, nkulumba. Abēne bāli basololi. Lōli linga abēne bābagīle ukwīma nukukētēsya ubusololi bwābo ni Lisyu!

<sup>270</sup> Linga aba Methodisti bābagīle ukwīma umwīsyūgu nu kwēnēsya, abēne āngāli nasiku bikunyāfila umūndi uyūngi. Abēne āngāli bikwāmbilila u Mbepo Mwikemo. Abēne āngāli bikōsya aligwesa ukwīsīla mu kuyubika, mu Ngamu ya Yeso Kristi. Linga aba Assemblies of God bikwīma umwīsyūgu nu kukéta ku busololi bwabo, abene āngāli bikugomokela ku Lisyu. Linga aba Oneness, umwīsyūgu, bābagīle ukwīma nu kukētēsya ubusololi bwābo, abēne āngāli bikugomokela ku Lisyu.

<sup>271</sup> Lōli, umwe muketile, linga abasololi bala bābagīle ukwīma nu kukētēsya ubusololi bwābo! Abēne bālinkwīnogōnela. Abene balinkuti, “Ikyo kyo kwa uswe. Popāpo uswe twīsakubūka kula ku Ramoti-Giliati kangī uswe twīsa kwēga ikyēne, panongwa yakuti ikyēne kyo kyītu. Yoshua atupele ikyēne kwa uswe.”

Lōli Mikaya alinkuti, “Ikyo kikipilikigwa ukuya kyamahala.”

<sup>272</sup> Loli ikyo kyo iki ikyene kili. Ugwe utikulonda ukwīnogōnela. Ugwe kulonda ukwitika iki Kyala āyobīle. Komma ukwinogona nakimo.

<sup>273</sup> Bule linga Abraham ālilāmwīle? Abagīle bulebule umwēne ukukilekamo siku i kīsu? Ngimba umwene ikuyaga bulebule ni fyinja mia yumo mbukusi, akaali ukupa ulutufyo kwa Kyala, kangī abene bikuyaga nu mwana na Sarah, kangī umwene malongo-mahano-na-mana?

Taga inyīnogōno. Ugwe itolo itika.

<sup>274</sup> Ugwe kwitikisya u mōhēsī akubule ugwe, “Ugwe umenye, Nkundwe Branham akaya nakimo loli nsyobi.”

<sup>275</sup> “Lilino, une lilino ngugūlīla, unko une ngēte linga umwēne ali. Unko uswe tukēte linga umwēne ikumanyisya kanunu. Unko une ngomokele ku i Bāngēli.” Komma, komma ukubūka... Umwēne atisakwītikīsya ugwe ukubōmba ikyo. Umma, umma. Muketile?

<sup>276</sup> Loli umwene isakuyobaga ikindukimo ikinyali ukufwana na une, iki umwene lumo alikyo nu bwabuke, polelo ugwe itolo umilisya ukwēga ikyo, leka kangī anda ukwīnogōno, “Ena. Umwene abagisenie ukuti ābombile *iki*. Umwene abagisenie ukuti ābombile *ikyo*.” Ugwe kwanda ukuketa kwa une, ena, ugwe itolo uli nafyo fingi.

<sup>277</sup> Kangī ugwe gwābagīle ukukéta kwa Ntwa Yeso. Ugwe ubagile ukufyāga fingi. Nkéta Umwene, itolo i miniti. Une

ngubikaga yumo aligwesa gwa umwe u ndumbilili. Lilino uswe twisa kwibwa Umwene äkälimo siku pa kîsu. Apa alipo u Ndumiana uyu yo asisimikisîgwe, ikîsu kyôsa ukukilania, ukuti Umwêne yo u—u Mwâna mpâpîgwe-nsîgwâna. U mâma Gwâke âlinagwe Umwêne bo akâli umwêne nu tâta Gwâke bégênemo siku. Ikyêne kyo kisimikisîgwe. (Lilino, abene batikubûka ku Lisyu, “Umfunde isakuyaga ni kifuba.”) Abene bikubuka itolo ku iki abene bikupilika, muketile, “U Mwâna unsîgwana.” Ngimba abêne bakâlimbulile Umwêne Umwêne apâpîgwe mu butulwanongwa, kangi bikugela ukubamanyisya abêne? Une ne. . . Muketile?

278 Kangi kêta iki Umwêne äbômbâga. Umwêne naloliloli äswânyulaniaga ikipânga kilikyôsa kyâlipo nkîsu. Ngimba isyo ndalusye? Ifibugutila, filikyosa ifingi.

279 Äli fiki Umwêne? “Itolo yumo unkula-ukukînda u Ndumiana ikubûka ukusyüngutila bo lula, u Mwînitû unkeke, kisika kipânga-kipâgûke. Mbula une ikipanga iki Ugwe gwîngîle. Yo ywani u tâta Gwâko? Ugwe kuyoba Yosefu akaya yo tâta Gwâko?”

“Yosefu akaya yo tata Gwangu,” Umwene abagile ukuyoba.

“Ena, ywâni Tâta Gwâko?”

“Kyala yo Tata Gwangu.”

280 “Ena, Ugwe mumilisi! Ikyo kyo katikati iki Ugwe uli. Ugwe, ukuya Nnyambala, kangi kuyoba Kyala yo Tâta Gwâko?”

281 Linga abene bâbagîle ukukikiketelela ikyene ukwisila mu Lisyu! Aleluya. Ngimba umwe mutikukibona fiki? I Lisyu lyayaga pakupeligwa mbili. Abêne bakâkêtesîsye i mboniboni syâbo ni Lisyu. Ikyo kyo ikyene.

282 Ikyo kyo iki kitamisye umwisyugu. Ugwe utikuketesya imboniboni syako ni. . . ubusololi bwako—bwako ni kimanyisyo kyako, ni Lisyu lya Kyala. Umunduyumo ikugela ukukubûla ugwe u Bwânalöli, polelo ugwe kugwîla lôsa na bêne, itolo ngati Amosi äbagile, Amosi äbômbile. Ugwe bômba ikîndu kilakila.

283 Lilino keta kuno. Umwene ali mbwitugasye ubu. Lilino, umwe ängâli muntâgile Umwêne, lumo, uko ko kotalusya, linga umwe mukâbükîle ukugomokela ku Lisyu. Abene bikubomba kilakila. Abene bikuntaga Umwene umwisyugu.

284 Bule linga umwe bakîkûlu, *apa* na *apa*, ena, nongwa ya fiki umwe mutikukêtesya ifundo syînu isya nywîli indumule ni Lisyu, kangi kêta iki Ilyêne likuyoba? Muketile? Nongwa ya fiki ugwe utikubômba ifindu fila?

285 Nongwa ya fiki ugwe utikwênèsya u lôsyo lwâko, ulwa “Tâta, Mwanundumiana, Mbepo Mwikemo,” u busyôbi bula “ubutátu,” bo ulo lukukôléla, iki kyo nakimo nkîsu lôli mbubômbéla-mbombo butatu bwa Kyala yumoywêne, mapalo? Nayimo i

*ngamu* ya “Tata.” Kikayapo ni kindu nakimo bo i *ngamu*, “Tata, Mwanundumiana, kangsi Mbepo Mwikemo.”

<sup>286</sup> Ngamu ya Tāta, Mwanundumiana, kangsi Mbepo Mwikemo, iki kyo, “u Ntwa Yeso Kristi.” Kētēsya u lōsyo lwāko ni njila yiliyosa ntiga mu li Bāngēli gōsīgwe. Linga ugwe ubagile ukwēnēsya i līnogòno lyāko ni Lisyu, ugwe—ugwe āngāli ugomokile kangsi ugwe āngāli kōsigwe mu Ngamu ya “Ntwa Yeso Kristi.”

<sup>287</sup> Ikyo kyo iki Pauli ābabūlīle abēne ukubōmba. Kangsi alinkuti, “Linga aligwesa uyungi āmanyīsye kalikosa akakīndāne, unko umwēne—unko umwēne ayege ngunigwe, na linga u Gwāndūmi ikwisa pāsi.”

<sup>288</sup> Umwe mumenye, utubalilo twingi, a Bandumi bikwisa. Ndumiana, mumo Pentekosti ikulya ikyo lōsa!

<sup>289</sup> Bule akabalilo kāko u Mwīkēmo Martin īmaga pala, kangsi apa ālimile ikikulumba ikumulike ikīndu kīmīle pankyēni pa mwēne?

<sup>290</sup> U nnyambala uyu ōsyaga mu Ngamu ya Yeso, uyu ālitike mwa Mbepo Mwikemo, kangsi alinkūmilisya i Lisyu! Kangsi a Baroma balinkunkaga umwēne pānja, kangsi bikubōmba kilikyōsa ku mwēne, ukugela ukumpa umwene ifimanyisyo ni fimanyisyo ifitendekigwa-nu-mundu. Unnyambala uyu ālimile pa Lisyu.

<sup>291</sup> Ilisiku limo, mu maka gake, imisyētano gwābagile ukwisa ku mwene nukugela ukuyoba ku mwene. Umwene alinkutoligwa ukupilikisya ku gyene.

<sup>292</sup> Ilisiku limo, Sētāno ālisile ngati ulo, ngati Kristi, afwēl’ingiga, ifilato fyagolidi afwēle, ālimile pala kangsi alinkuti, “Ngimba ugwe...” Ndapi sya moto ukusyungutila umwene. Alinkuti, “Ngīmba utikunyāgānia une, Martin? Une ne Ntwa gwāko. Nyīpūta une.”

Martin ālinkētīle umwēne. “Kilipo ikindukimo kisobi pala.”

<sup>293</sup> Umwēne alinkuti, “Martin, ngimba ugwe ukabagila ukunyāgānia une?” Alinkuti, “Une ne Ntwa gwāko kangsi Mpoki.” Alinkuti, “Nyīpūta une.” Umwēne alinkuyoba kila katatu.

<sup>294</sup> Kangsi Martin alinkukelengania. Umwēne alinkukēta, Kristi isakufwikigwāga na bāndu Bāke, pa Kwisa. Umwēne āngāli atikufwāla ifilato fyagolidi. Umwēne ālinkuti, “Sōkāpo ugwe ukufuma kwa une, Sētāno.”

Ndumiana, ngimba a baPentekosti bakābagile ukulya kila lōsa? “Ndumiana, u Gwāndūmi ummulike undāngalāno!”

<sup>295</sup> Unkīkūlu yula ikwisa pāsi, Chicago kūko une ngubūka, alinkuti, “Nkundwe Branham, abalūmbilili pamwanya pala bātīle linga u Gwandumi gwa Ntwa ākubūlīle ugwe ukosya mu



Ngamu ya Yeso, abene bābagile ukwitikisya ikyene. Loli ngimba ikyo kyo linogono lyāko gwīmwene?”

296 Une ndinkuti, “Linga u Gwandumi gwa Ntwa āyobile kilikyosa iki kikulwana na Ikyo, ikyene āngāli kitikuya Gwandumi gwa Ntwa.” Muketile?

297 Linga u Gwandumi aligwesa ikuyoba kalikosa aka kakulwana ni Lisyu *ili*, unko ikyene kiyege butungulu. Kangi linga umundu ikubabula umwe, untumigwa ukufuma kwa Kyala, ikuyoba umwene ikufuma kwa Kyala, kangi ikukubula umwe, “Ukwene ko kotalusya ukósigwa, ingamu ya “Tata, Mwana, Mbepo Mwikemo,” unko umwene ayege nsyobi.

298 Linga umundu ikubabula umwe, “Ikyene kili kanunu kwa umwe, mukufwala inywili isyakutumiligwa, ni findu bo ifyo; ukuti ugwe kulōndigwa ukufwāla i kitili nkipānga, ukuya kilūndu, ‘ukuya kikīngo,’” unko umwēne ayege nsyōbi.

299 I Lisyu lya Kyala, lyo Bwanaloli. Kilikyosa kya findu ifi fikulwana ni Lisyu, unko ikyene kiyege butungulu. Ilyene lyo Lisyu, lyo Bwanaloli. Ilyene lisakwima.

300 Fyōbēne Mikaya ābagile ukumanya ukuti ubusololi bwāke bufumile kwa Kyala, panongwa yakuti ubwēne bwāli ni Lisyu lya Kyala. Ena, nkulumba. Imboniboni yake yilinkwilūndika mmwanya itolo ukufwana ni Lisyu lya Kyala.

301 O, linga Amosi apa, umwene āngāli ikwima ni Lisyu. Uko ko kotalusya. Lōli, umwe muketile, ngimba u lutamio lo luki umwīsyūgu, na uswe, luli bo mūmo ikyēne kiylīle na bēne. Une ngwītēndekisya ukwīgāla. Ulutamio na uswe bo mūmo ikyēne kyāylīle na bēne. Abēne bamanyisigwe, ukusōkāpo pa Lwālo. Yeso alinkuti, “Umwe mupelile i Lisyu lya Kyala ukuya lisitamaka mu nyiho syinu.” Kangi u losyo ulwabusyobi lula! Ikimanyilo ikyabusyobi kila ikya kwambilila u Mbepo Mwikemo! Bamo mwa bene balinkuti, “Ponania pa kiboko.” Bamo mwa bene balinkuti, “Yoba mu ndimi.” Une mbilike imisyētano gikuyoba mu ndimi, kangi ukuponania amaboko, bópe. Ena, nkulumba. Nakimo ikimanyilo kya Ikyene. Lilino, fyosa ifindu ifi bo ifyo, fyosa ifindu ifyo, muketile, ugwe kusōkāpo pa Lisyu lya Kyala ukumanyisya inyiho sila. Uko ko kotalusya.

Lilino, umwene abagile, umwene āngāli ikufimbilisigwa ukukutwala ugwe ukugomokela ku Lisyu.

302 Lōli uswe tulinabo, abamanyisi bītu umwīsyūgu, bamanyisye abāndu, panja pa Lwālo lwa Lisyu lya Kyala. Lilino pilikisya kifuki.

303 Ikyo kyo iki abēne bābōmbile kula. Ikyo lyo iki Amosi ābabūlāga abēne. “U Kyala uyu umwe mukwiobela ukumanya, Umwene yo Yuyo ikuyaga pakubongotola umwe.”

304 Lilino, uswe tumanyisye abēne, ukufuma pa (fiki?) u Lwālo lwa “u Lwitiko ulu akabalilo kamo lwātwaligwe ku batāta ba kipentekosti,” ena, i Bāngéli. Tumanyisye u purigatorio ugwabusyōbi! Tumanyisye u lōsyo ulwabusyōbi! Kilikyōsa, busyōbi, busyōbi, busyōbi, ukwipāgūla ukufuma ku Kyakubwāndilo.

305 Ugwe utikwitika icyene? Gomokelaga ku li Bangeli, kangi ega ugwa “purigatorio,” nukwega ugwako “Tata, Mwana, Mbepo Mwikemo,” kangi “ukunyafila,” ni findu fyosa fila, nu kugomokela kangi kēta linga icyene kyo Kyammasimbo. Iyo yo njila. Syāgānia linga icyene kili pa Lwālo. Muketile? Abene basōkilēpo pa Lwālo.

306 Iki, Pauli āyobīle ikyo...i Bāngéli—i Bāngéli likuyoba ukuti i—i...ukuti, “I Kipanga kya Kyala kyālyālīgwe pa Kimanyisyo kya batumigwa na basololi.” Abasololi na batumigwa bikufimbilisigwa ukuya bo lulalula. Naloliloli.

307 Fiki? Uswe twābūkile pānja pa Lwālo lula ulwa Lisyu, ku nyālo sya fipanga-fipāgūke.

308 Pilikisya lilino. Une ngwīgāla. Fwāla ikyāko ikyamwambepo ikyakutūla ukupilika. Pilikisya.

309 Uswe tusōkilēpo pa Lwālo lwa Lisyu, kangi pa lwālo lwa kipanga-kipāgūke. Ngimba une ngusyalaga bulebule pa ikyo? Isala isingī situ. Ukusōkako ku Lwālo lwa Lisyu, ukubūka ku lwālo lwa fisangalusye fyankisu, ubwankīsu, ubulogwe ukwāfulila nkati nkipānga. Ukusōkako ku Lisyu, ukubuka pa fimanyisyo. Ikyo āngāli kikwēga une imilungu mitatu ukulūmbilila ikyo ukumaliksya, mwa sinda, ubuyobelo buna bula palapala pala. Ukusōkāpo pa Lisyu, ukubuka ku kipanga-kipāgūke, i lisyu lyākipānga-kipāgūke. Nakalinga itolo bo i—i kipanga kikipāgūka, icyene kyo kili pānja pa Lisyu palapala pala.

310 Pala pakayapo lōli ikīndu kimokyēne. Isaga palapala ukugomokela pāpo ikyēne kyasōkilepo, kangi būka kāngi. Gomokela ku Lisyu. Ūko ko kutalusya. *Pinduka* ikusanusya, “būka gomokēla nyuma, syūmbutuka-kisyo.” Ugwe kubūka pa njila insobi. Umma ndaga.

311 Kipanga-kipāgūke ikya bwīkyēle. Kipānga-kipāgūke kya kis-...U—u lwālo, une ngusanusya, ifya—ifya sāngalusyo, lwālo lwa bwankīsu, lwālo lwa fimanyisyo. Kangi fyōsa fila, palikimo, kilinkupānja pānja ububole bwabulogwe, ububole bwamwambepo.

312 Umwene ukuya nsololi gwabwanaloli, umwene āngāli ikuketa mwa uswe katikati itolo iki umwene āketile mu bene. Linga umwene imaga apa pa kigemo iki umwisyugu, kangi une mbagile ukuyoba, “Nkundwe Amos, nsololi unkulumba gwa Kyala, ugwe gwe nsitalutende yula, isaga apa nukwega ubuyo bwangu,” umwene āngāli ikulumbilila i Lisyu ili. Umwene

ängàli ikufĩmbilisigwa ukubomba. Umwene yo nsololi. Umma ndaga. Umwene ikulumbililaga Ikyene katikati itolo injila iyi Ikyene kisimbigwe, itolo iki uswe tukuyoba lilino. Umma ndaga. Umwene ängàli ikuya, ukukëta mwa bala iki umwene ikukëta mwa uswe, ububolano bwabulogwe.

313 Keta itolo, binangu. Balinga apa, nkipanga iki kilipo apa lilino, bikukëta ukuti ikĩsu kili mu bubole bwa mbulogwe? [Ikilundilo kikuyoba, “Ameni.”—Nsimbi] Fiki, uswe tumenye ikyene kili. Ngimba kitamisyé kyo fiki? Ikyene kyo kisökilëpo pa Lisyu. Kutalusya. Umma ndaga.

314 Amosi nasiku akälëyilëmo i sikali. Ngimba umwe munketësisye umwene apa, akabalilo kako umwe mukubala ikyene akabalilo kako umwe mukubuka ku káya? Umwene akalëyilëmo i sikali, umwene älëyile i kipanga nongwa ya kusala i sikali bo iyo. Hum!

315 Umwe bandyali, unko une unko ikyo kisye nkati mwa umwe pakabalilo, apa na ukukilania ikisu, kuko ikyene kikubukaga. I kipanga kyásalile ikindu bo u Yeroboamu. Nguswiga linga umwe, uswe, tukabömba kifuki ikĩndu kilakila? Unko uswe tuyobe iyene yo sikali inunu; isikali yikabagila ukuyenga i nyumba pa libwe akabalilo kako abandu bikusala inyumba pa nsanga. Ngimba iyene yibagile? Komma ukuyoba, “Isikali yitu! Isikali yitu!” Ikyene yo ugwe, ikisu. Ikyene kyo bandu. Ngimba uswe tubagile bulebutu. . .

316 Undumbilili äyobile kwa une, alinkuti, “Nkundwe Branham,” alinkuti, “këta. Une mmenye ugwe uli ntalusya mu Ikyo. Loli,” alinkuti, “linga une ngulumbililaga Ikyo, ikipanga kyangu kisakumbaya une panja, abandu bangu bikumbopesya une ukufuma ku kipanga.” Alinkuti, “Une ndisakulumbililämo siku ubulumbilili ubungi.”

Une ndinkuti, “Lumbililaga Ilyene, mulimosa.” Ena, nkulumba.

317 Iyene lyo Lisyu lya Kyala. Ugwe uli gwäkumeleligwa. Linga ugwe uli nsololi gwa Kyala, gwabwanaloli, ugwe kwitugasyaga ni Lisyu. Linga mma, ugwe kusyäläga ni kipanga-kipägúke kyäko. Kikwëgëla küko ugwe ufumileko.

318 Këta. Umma, nkulumba. Uswe tukabagila ukuyenga, i sikali yikabagila ukuyenga i nyumba pa Lyälabwe akabalilo kãko abãndu bikusala kuli i nyumba ya sangalusyo pa misãnga igyakwibila.

319 Këta iki uswe tukulonda. Unko uswe itolo twëge i miniti lilino. Une ngusubila une ndikubakatasya umwe mösa. [Ikilundilo kikuyoba, “Umma.”—Nsimbi] Löli unko uswe tukëte iki uswe tukulönda, itolo i miniti. Une mbagile ukukisania ubuyobelo ubu, akasimbe aka. Keta iki uswe tukulönda.

320 Kéta ku televizioni yitu. Ikyo kyo iki uswe tukulonda. Uswe tukulonda bamo mwa bakusekesya aba ukwīma pamwanya pala nu kusyūmbutula u luko lōsa lya sūnga imbwāpufu, kangi uswe tukusyālā ku kāya ukufuma ku lukomano lwa lwīpūto pa kilo kya Kitatu, pamo undumbilili ukusātīsyā panja mbibimbibi itolo ukuti ugwe ubagīle ukubūka nukukēta ikyēne; bamo baiyolo bakinyanyasi, babwāpufu, bēgigwe kahano pamo katāndatu, ndogwe, ikuyoba isūga imbwāpufu, afwēle-ifyabulōgwe, nu kwēndendeka ngati kilikyōsa. Kangi ugwe ukiganile ikyo kinunupo ukukinda mūmo ugwe uyiganile i nyumba ya Kyala, ikylene kikunangīsyā lo luko luki lwa mbepo luli mwa ugwe.

321 Uswe tukwītīkīsyā. Uswe, twe bāndu, linga a bāndu ba kīsu iki bābagīle ukusīmba a bakalata ku sikali yītu, tutigi pala āngālī gikuyapo abakalata amamiliyoni mia yumo gikubeleluka nkati mu sikali yila, “Imika sila i mbātiko imbwāpufu,” abēne āngālī bikufimbilisīgwa ukubōmba ikyēne. Uswe twe bāndu. Lōli uswe, twe bāndu, tukulonda ifyakinyanyasi, popāpo ikyo kyo iki uswe tukukyāga.

322 Keta pa lubatiko lwa rediyo. O, mwe! Yilinkusanusya *Lyalabwe lya Ngulilo* ukubuka mu kutyōnga. Uu-huu. *Kipingika Kyaiyolo Ikigengelemye* ukubuka kwa bebeluka, tyōnga-kangibunguluka ni yēne. *Kipingika Kyaiyolo Ikigengelemye*, ena, naloli, pa ba rediyo bitu, televizioni. Bosa aba . . . Begaga apa, pakaya patali'mma, fila ifisyungutula, abalindwana abanini bala. Kilikyosa itolo ukuya kyabulogwe mumo abene babagile ukuya, ikyo kyo iki uswe tukiganile.

323 Ngimba ikyēne kiku hōmbigwa ni fiki? Bwālwa, kachasyu, ngāmbō, i hela ya kīsu. Ngimba abēne bikubōmba fiki? Bikwēga i hela ya sōngo, iyi yibagīle ukubūka ku sikali kuli i sōngo, nu kuhōmba kuli imbātiko sya televizion imbwāpufu isyakinyanyasi abēne bikubīkāpo.

324 Aba kiPentekosti bālisibīle ukusita kubūka ku fila ifibwāpufu, ifibonesyo fya fipīcha fyakinyanyasi akabalilo kāko abēne bālī ni ngino bo isi. U mōhēsī ābīkīle kimo pa ugwe, ukubīka i senema mu nyumba yāko.

325 Injila ya nsololi ugwabwanaloli yo ngafu fiyo, loli unko uswe twitugasye nu Bwanaloli. Ena, nkulumba.

326 Keta fyītu ififyāni-ifyamunsebwe. Abakikulu bimile panja, ni ngambo nkiboko kyabo, aba Yezebeli balibōsa abanini nkisu. Une ndinkubuka ku . . .

327 Ilisiku limo, une ngetile ikindu ikihesya. Ālipo u nkīkūlu yumo uyu ālīsīle ukukilania ku sukulu panja pala, ukwēga abāna, akabalilo kāko une nābūkīle ukukilania ukubēga abēne, aba bakāfwēle u kabūndu; kangi ukwēne, akabalilo kātālale. Aligwesa gwa bene ni ngambo. Mbimbibi bo abēne bikufika kula nu kwīma, abēne bakālī nayo i ngāmbō, abēne bikuyāsya

iyène palapala mbimbibi, kangi, “Whuu! Kéta mumo une ngukindilila?” Ukukolelela i kiboko panja pa kifigo, bo *ulu*, ni ngāmbō nkiboko kyāke. Kangi ugwe kuyoba ikindukimo ku kyene, o, abene bikupufuka mōsa. Naloli.

<sup>328</sup> Ugwe kuyoba ikindukimo kwa Pūsi pamo Elvis, pamo yumo mwa bene panja pala, abene bikukutusulilāga ugwe. Kangi i sikali yisakubatūla abēne lōsa, nongwa yakuti abēne bo itolo batubwa. “O, ikyo kyo kili kanunu. Abēne, abēne bakāpilikīsyē. Abēne bo batubwa. Kistūla ikyēne.”

Lilino umwe mukuketa iki unsololi ugwabwanaloli ikusanusya, injila yake?

<sup>329</sup> Kéta aba abagogwanjosi abakinyanyasi mu fipānga, ni fipānga-fipāgūke fyābo, abēne bābagile ukukutusulila ugwe mulamula mu nyuma. Ikindu kyene kikukyunga abene ukufuma kukubomba ikyene, kyo kisa kya Kyala, mpaka i Ndumi yisōkile panja. U mōhēsi isakugogaga ugwe, linga umwene abagile ukubomba ikyene. Kotalusya. Loli i Ndumi yikufimbilisigwa ukubuka. “Une ne Ntwa ngwisa kukupyanikisya.” Uko ko kotalusya. “Une mbagile panongwa ya mabwe aga ukuti gafyukege ikyene.” Uko ko kotalusya. Umma ndaga.

<sup>330</sup> Ifyītu ifibonesyo fya mapicha, ifyītu ifipicha-fyamunsebwe, abatulwanongwa bitu abagana-fyakusangalusya bikwīkōlēla bēne Bakristi. Abāndu aba bikwīkōlēla bēne Bakristi; bagana-fyakusāngalusya, balondosya-ikinyonyo. Abakīkūlu, abafwāla fyabulogwe; abanyāmbāla bikukēta ku bēne, bikuba ingufi ku bēne, bikwīkōlēla bēne Bakristi, bikubūka pānja. Fiki, abēne nukuti bali—abēne nukuti bali. . .

<sup>331</sup> Ikyēne kyo kīndu ikikulumba mu Florida, California, ukuti abēne bali ni filabu ifinywāmu lilino. Abanyāmbāla bikwīsa palikimo nu kusopa ifūngulilo syābo nkati, kangi abakīkūlu bikwīngila nkati nu kwēga yimo mwa fūngulilo ukufuma mula. Kangi gwēsa yūyo ali, ikwēga “nkasi” gwāke ku nyūmba. Abēne bikwītūgāla u ndūngu gumo, polelo ikugōmokēla, ukusopa i fūngulilo, i fūngililo nkati kangi. Muketile? Ikyēne fyo filabu. Abāna abapāpigwa-mbusigwāna na kilikyōsa ikingi, ngulube ilya ngulube, imbwa ilya imbwa. Ngimba kitamisye fiki? Iyene yo nongwa yakuti abene bālekile i Lisyu.

<sup>332</sup> Abēne bakamanya iki ubwīfyūsi bukusanusya. Panja apa nu tunini, utwaiyolo utumadiresi utufinye bafwēle, ni findu bo fila, kangi abanyāmbāla ukunyonywa abēne, nu kwīnogōna ukuti abēne bo bīfyūsi. Ugwe lumu ukakābagile ukuti gwābombile nakimo ikisobi, kalumbu, loli unko une ngubule ugwe ikindukimo, ugwe uli kibombelo kya mōhēsi. Kangi pa Kigemo kya Bulongi, ISI SYO IKUTI U NTWA, ugwe kwisakwamula panongwa ya kutulwa ubulogwe, kangi umoyo gwako gwisakuya ukīndile. Ugwe umenye kanunupo. Ugwe umenye ikyene lilino, mulimosā. Kotalusya.

<sup>333</sup> Ulubâtiko lwîtu lôsa lo lubolano kangî lubolile. Ikyêne kyo bându bitu, iki abêne bikulônda. Ngati u nnyâmbâla unnunu gwa nyûmba, ena, linga u nnyâmbâla âli nnyâmbâla unnunu gwa nyûmba, ikulêyêla i sikali. . . Ikyo kyo iki kikutuma abalumiana bitu panja apa nu kutendeka fyâkugogigwa ukufuma mu bene, kutalusya, panongwa yakuti ububôle bwitu bwene. Linga uswe tunganile u Ntwa nukumbombela u Ntwa, nu kusala u luko ulutalusye lwa sikali na filifyosa ifingi, ikyene kikuyaga buyo ubunyâfu. Uko ko kutalusya. Uswe ângâli tutikaya nu bwîte nabumo. Umma. Kyala yo buponelo bwîtu na maka. Ukutuma abalumiana bitu panja nukubagoga abene, nukubabôlania abêne mosa, na filifyosa ifingi, yo nongwa yakuti akabômbèlo kîtu kêne katwêle ikyêne ukuyapo. Kyala ayobile mumo, mwi Bangeli, kangî Umwene atikwânduka mma. Umwene yo itolo yulayula. Ikyene kyo kulônda kwa bandu bînu bêne.

<sup>334</sup> Bo yu nnyambala unnunu ugwa nyumba, bule linga umwene yo nnyambala nnunu? Umwene ikulonda ukubomba kanunu. Umwene ikulonda ukwitugalila Kyala. Kangî umwêne ali nu bwisangalusyo, ikikolo ikigana-bulogwe. Kyo fiki u nnyâmbâla ikuyaga pakubômba, akabalilo kâko unkasi gwâke ikulônda ukufwâla i bündu, nu kufwâla imyênda igwakuboneka-gyâbulogwe, nu kusôka pânja nu kubômbela ngati Yezebeli, abânabalindwana bâke na bôsa aba bâna bâke, na bôsa ba abêne? U gwîse gwâke. . . U ndumiana gwâke unnini umwêne âkusisye, nu kungâna, nu ku mpubisya nu kumfipa, nu kumbîka nkitala, kangî âlimmwîputile umwêne, ikwîma mmwanya, ikuyoba, “U mündu gwângu unkângale yo syûtano. Fyôsa ifi umwêne ikwînogônâpo lyo i Bângèli.” Ngimba unnyambala yula abagîle ukubomba fiki ni kikolo kyâke?

<sup>335</sup> Ikyo kyo kindu kilakila mu sikali yitu, ukufwana na bandu bake apa. Komma ukulêyêla i sikali. Lêyêla iki ikipâmbo kya fipânga ifigomokela-nyuma, panongwa ya kubîka u luko lwa fîndu mu ndyâli syâbo, bo abêne balinafyo. Abene bikulonda ikyene. Iyo yo nongwa abene bikusalapo ikyene, kangî iyo yo nongwa abene bikuya nakyo ikyene. Kangî iyo yo nongwa u bulongi bwa Kyala buli pa bene. Kangî abene bikuya pakufunja ifi abene bikubyâla. Abene bikubyâla lilino, kangî abene bikufunja pankyeni pake. Ketesya. Ô! Uswe twe bakomigwanubusyûtâno. O, ena.

<sup>336</sup> Ukugela ukûla injila yîtu mu Russia. Ukugela ukûla injila yîtu ni kikomyunisti. Ikugela. Fiki, ihêla, ugwe ukabagila ukûla ifikûngîlwa ifi ifya Kyala. Aalipo umyana yumo, Simoni, agelile ukubomba ikyene ilisiku limo, kangî Peteri alinkuti, “Ugwe pyutigwa ni hela syako.” Uswe tukukina ikiyabo kya Simoni undagusi, ukugela ukûla ikyâbûpi kya Kyala.

<sup>337</sup> Gomokelaga ku Lisyu. Gomokelaga kwa Kyala. Gomokelaga kwa Kristi. Polelo komma ukupasya isya kikomyunisti. Uswe twisakunsalaga u nnyambala untalusyi. Uswe tukuyaga nu

nnyambala uyungi bo Abraham Lincoln, George Washington, umunduyumo uyu āli nnyambala gwanaloliloli. Komma ukulēyēla i sikali yila pamwanya pala. Twīleyelege twibene. Ikyo kyo iki u Amosi abagīle ukuyoba. Kangi ikyo kyo iki gwēsa unsololi ugwabwanaloli gwa Kyala abagīle ukuyoba, linga umwene amenye i Lisyu lya Kyala. Linga umwene yo nsololi gwabwanaloli, umwene—umwene amenye i Lisyu, panongwa yakuti Ilyene likwisa ku mwene.

<sup>338</sup> Israeli, mu lupālāno lwābo nu—nu gwābo undugu untēdekigwa. Ikyākwānda, abēne bābagile ukusōkako ku Lisyu lya Kyala, bo bakāli abēne ukutēndēla u lupālāno bu ndugu gwābo.

<sup>339</sup> Kangi bo uswe tukaabagilemo siku ukupela ulupālāno na balugu bitu ni findu, uswe tukufimbilisigwa ukusōkapo ukufuma ku Lisyu lya Kyala. Uu-huu. Lulalula lilino, ukwītikīsyā Roma ukwēg’ubulagili. Fiki, uswe tukubōmba ikyēne, akabalilo kōsa. Umwēne ēgīle i sikali. Umwēne ikwēga amabuyo. Umwēne ēgīle abāndu. Lilino umwēne ikwēga ifipānga.

<sup>340</sup> Ngimba uswe tukubōmba fiki? Twītūgēsye kimyemye, ukwītikīsānia na bēne. “O, ikyene kitikukindana kali ikyene yo njila *iyi* pamo injila *yila*. Ikyene kyo kyosa Kyala, mulimosa.” Umwe balōndo, bapelakisa, bagomokela-nyuma basololi bakwikōlēla-lūlo. Ngimba kitamisye fiki na umwe? Abēne bakamanya i Lisyu ilyakufwana na Kyala ni findu ifi. Abēne batikufūnda i Lisyu. Abēne batikusyāgānia. Abēne bikuyoba ikikomunisti kisa kwēg’ubulagili i kīsu-kyōsa. Umma, ikyēne kikaya mma.

<sup>341</sup> IkiRoma kikukwēgāga ikīsu, kangi ikyēne kikubōmba ikyēne pāsi pa ngamu ya Kikristi. Ngimba i Libangeli likābōmbile, Yeso ikuyoba, “Ikyene kikuyaga kifuki fiyo, mpaka ikyene kikusyoba na balabala ba Basaligwa, linga kyabagilile”?

<sup>342</sup> Iki uswe tukulondigwa umwisyugu. . . Unko une nīgāle, mu kuyoba iki. Lilino une ngwigalaga. Iki uswe tukufūmbwa umwisyugu yo nsololi ugwabwanaloli. Ameni. Uswe tukufūmbwa unnyambala ukuti i Lisyu lya Kyala ukwisako. Ena, nkundwe. Umwene āngāli apikīgwe nu kubopesigwa panja, nu kutāgigwa panja, lōli umwēne āngāli nubusisimikisye ikupufulāga ikibwīna. Umwene, umwene. . . Ena, a-ha. Umwene naloliloli aasopaga Imbeyu sya luko ulu mpaka Basaligwa bikukyagaga Ikyene. Uu-huu. Uko ko kutalusya. Uswe tukulondigwa unsololi. Uswe tukulondigwa unnyambala uyu ukulingania ukutalusye kwa Lisyu kukwisako, uyu Kyala ikuyoba ukwisila mwa umwene nu kuisisimikisya i Lisyu, ukulipela Ilyene ukuya lyabwanaloli. Ikyo kyo iki uswe tukufūmbwa. Kangi, nkundwe, uswe tufingiligwe yumoywene, ukufwana na Malaki 4, “Ukupyanikisya.” Fiki? “U Lwitiko

lwa bandu, ukugomokela ku li Bangeli.” Uswe tufingiligwe yumoywene. Umwene ikubombaga ikylene.

<sup>343</sup> Amosi âmènye. Ena, nkulumba. Amosi âmènye, Israeli, abaganigwa bâke abasita-bunyakyala ângàli lululu ikubônanga abène.

<sup>344</sup> Kangi abaganigwa bâbo abasita-bunyakyala ba mwîsyùgu lululu bisakubônanga abène, filafila i fimanyisyo fyâfipânga-fipâgûke ni findu ifi abène bîpinyilîlêko. Umwe ba kiPentekosti, ikyo kyo kindu kisakubônanga umwe, ikimanyisyo kyinu ni kipanga-kipâgûke. Umwe mukwîpinyîlîlêko kulakula kula ukukilania, ukwêga ubungw’âle kya kinyamana, kangi mutikumanya nu kumanya mma ikyène, ukukwâba ikyène palapala pamwanya pa mâso. Nalôli. Ikyène kyo busâmbûke. Ngimba ugwe kugela ukubomba fiki? “Ugwe gwîngîle *iki*, pamo ugwe ukîngilamo mma.” Muketile? Ugwe itolo gûlila, itolo kafikepo panini, itolo ukongelelapo panandi. Polelo, ugwe kuyoba, “Une ngwîsakusôka ukufuma mu kyène akabalilo kala.” Umma, ugwe utîsakubagîla. Ugwe utalile uli mu kyène. Ugwe utalile usîmbigwe. Ugwe ukoligwe ni kisîmbo pa ugwe.

<sup>345</sup> Kisita kupasya, Esau alinkulila nububabe fiyo, akabalilo kâko umwene âmènye kanunupo. Lôli umwene âkûtîle fiyo, ukugela ukubwaga ubuyo ubwakupinduka, kangi alinkutoligwa ukubwaga ubwène. Ugwe kwitugasyaga pala akabalilo kala. Lilino ko kabalilo akakubopa.

<sup>346</sup> Amosi âmènye ukuti abaganigwa bâbo abasita-bunyakyala ângàli lululu ukônanga umwène, kabuno abène, i kipânga, bâlindekile Umwène, Kyala ni Lisyu Lyâke, injila ya Bûmi. Abene basokilepo ukufuma pa njila ya Kyala iya Bumi, kangi bātêndîke iyâbo bène. O, i Lisyu lyâli libwe îlyâkwîtabaniamo ku bene.

<sup>347</sup> Kangi Ilyène lyo kîndu kilakila umwîsyùgu. I Lisyu lya Kyala lyo ibwe îlyakwîtabaniamo ku Bakristi abakôleligwe-lûlo. Mbula umwene isya losyo mu Ngamu ya Yeso Kristi. Mbula umwene isya Kyala mwikemo. Ikyo kisakupelaga. . .

Kangi, ena, abene bikuyoba, “Ena, uswe tulinagwe Mbepo Mwikemo.”

<sup>348</sup> Polelo nongwa ya fiki ugwe ukâli kufwâla inywili isyakusêngigwa? Nongwa ya fiki ugwe ukâli kôsya mu ngamu ya “Tâta, Mwanundumiana, Mbepo Mwikemo”? Nongwa ya fiki ugwe ukâli kwitika mu findu ifi fifyo ugwe kwitika, nu kubombela mumo ugwe kubombela? Kikubûka ukunângisya ikyène. Ifipaso fyako fikusisimikisya ikylene. Yeso âtile, “Ni seke syabo, umwe mukumanya abene.” Ena. Muketile? Ikyo itolo kikubuuka ukunaangisya, ugwe kuyoba isya kindukimo ugwe umenye nakimo ikya ikylene. Ena, nkulumba. Ena.

<sup>349</sup> Linga Amosi ali apa, umwene ângàli ikukûta ukulwana ni fundo syabo. Umwe mumenye ikyo?



350 Lilino une nguyaga pakubala ilinandi limo bo ngäli ukwigala, ilinandi lya 8 ilya ntu gwa 3. Kangi unko uswe tubäle.

*I ngalamu nalöli yibunile, ywäni atisakutila? u Ntwa . . . nalöli ayobile, ywäni abägili löli ukusololi?*

351 Pilikisya. Mu kwigala lilino, une ngulonda ukuyoba iki. Une nsulumenie ukubakyunga umwe, sinda gwa sala ukwülila. Löli, kēta. Une ngulōnda ukuyoba iki. Une ndi mfwīmi. Une ngufwīma. Une ndi nsangalufu Kyala ālimbéle une ikindukimo bo ikyo.

352 Ilisiku limo akabalilo kako indusu yālyākile, une ndinkubuka kulakula ukugomokela pasi, ukuketa linga une mbagile ukutusulila kangi. Une ndikulōnda ikyēne ukundetemesya une. Linga une nāli nu kutyēkigwa, panja pa nsebwe, une ngābagile ukuleka ukwēndésya iligali. Linga une ngwēnda ukukilania i kipālo nu kwigūndūla u löbe lwāngu pa lutēngati, kangi nābūkile ukukilania pa lidirisha, une āngali ndikuleka ukwēnda mma. Muketile? Umma, umma. Kyala ālimbéle une ilijāndo ilinunu. Yula āli Sētāno. Uyo akāli Kyala. Muketile? Yula āli Sētāno.

353 Lilino, une mmenye ikibombelo kyamwambepo ku kyene. Balipo batatu ba uswe nkyumba iki lululu lilino, aba bamēnye iki ikyēne kili. Kangi ikyene kikufyūsya inywili pa ntu gwāko, löli une ngabagila ukumbūla nayumo. Muketile? Itolo abāndu batatu aba, kuli u busisimikisyo. Lilino, ikyene kyo kyosa kinunu. Ikyene kyo kyosa . . . Kyala āmenye syosa isya ikyene, nukusokangānila ikyene, na filifyosa ifingi. Kangi uswe tumenye ikyene. Ikyene mukiyabo kyāli busobi bwangu, kangi une nāli nakyo ikindukimo.

354 Une—une nātūlileko kuli u nnyāmbāla yumo akabalilo kamo, akabalilo kāko une ngalōndigwāga ukutūla napanandi. Une nābagile itolo ukuti āngāli njugēnie ikinie pānja pa umwēne. Muketile? Mbuyo bwa kubōmba ikyēne, une nāfimbilisigwe ukuhōmba kuli ikyēne. Popāpo, polelo, popāpo uswe . . . Ikyo kyo kinunu mosa. Ikyene yo une, kangi ikyene kihobokeligwe lilino. Kangi uswe tukubukaga nkyeni. Muketile? Ena.

Amose, ilinandi lya 8, “Linga ingalamu yikubuna ywani atisakutila?”

355 Une mfwīmīle mmatēngēle ga Africa. Une njlēmō ukusyūngutīla kūko ingalamu syāli. Umwēne yo mwalafyāle gwa finyamana. Une ndambalēlēmō pānja mu matēngēle pa kabalilo ka pakilo nu kupilika ukukūta kangī ifīndīngo, ukuseka nu kukema, kangī—kangī i—kangī i finyamana ifikindanekindane. Kangī polelo fimo mwa fila ifīndīngo fyābagile ukutēndēka, itolo ukupalagania ililopa lyāko akabalilo kāko ifyēne fikuywēga. Kangī pala na mabōle, kangī ukulila, na filifyōsa ifingi, na bakabale, na basalila, na salila-unkulumba, na maelifu ukolobania maelifu, “ukukūta

nu nukulila.” Ukwēnda kulikōsa, ugwe ubagile ukupilika lōsa u luko lwa findu fikubōmbigwa. Lōli unko i ngalamu yibune, a bakabale bisa nukukiba kimyemye. Ukwēne ko kimyemye gwabufwe. Ifyēne fikukiba kimyemye. Fiki? U mwalafyāle gwābo ayobile. Amen.

<sup>356</sup> “Linga ingalamu yikubuna, ywani atisakutila? Akabalilo kākō Kyala ikuyoba, ywani ikukyungaga ukufuma kukusolola?” Akabalilo kako Kyala ikuyoba, unsololi ikukūta. Mmenye iki une ngusanusya? Unsololi ugwanaloli ikukūta. Binangu, Umwēne ayobīle. Polelo, unko ikipeligwa kilikyosa kya Kitangala kiyēge iki Umwēne āyobīle.

<sup>357</sup> Linga i ngalamu yibagile ukusyāgānia ukuti pala kilipo ikindikimo ikisobi, akabalilo kākō umwēne ikubuna, kilikyōsa kya kitāngalāla kyāke kikukiba. Ifyēne fikupilikila. Tōpe nu tunini utwa kabale, yōpe, umwēne ali nkitāngālala kya ngalamu yila. Kula ukukema kwakupāgulania-ililopa kwa kīndīngo, umwēne ikukiba. Yila isofu pala, iyi yibagile ukupīmba mmwanya i ngalamu, nu kunsyungutisya umwēne ukusyūngutila ni kyāke, “Wiiilu! Wiiilu!” Kangi unko i ngalamu yibune, umwēne isakwīgala nu kwīma kimyemye. Unko yila i mbobo ya ku kepi, yūyo abagile ukutūyanika, ukukēta ngati apūtīle u moto ukufuma mu mbulo yāke. Akabalilo kākō i ngalamu yikunyēla pa mwēne, akābagile nu kufulasya umwēne. Unko u kipembe, ni kilwīlo kyāke kya matāni mahano-namabili, ndasa umwēne, kangi i pīpa lyāke ilinywāmu. Unko i ngalamu yibune, umwēne ikwīma mu njila yāke. Ngimba kitamisye kyo fiki? Umwalafyale Gwake ayobile. Muketile? Umwene ikulonda ukupilika iki kukubombigwaga.

<sup>358</sup> Kangi akabalilo kākō Kyala ikuyoba, unsololi ikukūta. Kangi polelo unko i Kitangalala Kyāke kipilikilege ku iki Umwene ikuyoba. Kyala ayobīle. Unko ikipeligwa kilikyosa kya Kitangalala Kyake pilikisya ku iki Umwene ikuyoba.

Unko uswe twipute.


<sup>359</sup> O Ngalamu ya kikolo kya Yuda, fyuka mmwanya nu kubuna! Ugwe kukuta mu lisiku ilyabumalikisyo ili. Ifisige fyāko fikinyigwe. Ugwe kukētēla pāsī. Ugwe kukēta u butulwanongwa bwa iki unköleligwa-lūlo kikolo ni kisu Kyakristi. Ugwe ukukēta ubutulwanongwa bwa kīsu iki, akabalilo kākō ubwēne būlīgwe ni Lilopa ilipala. Ugwe kukēta mūmo ifipānga-fipāgūke fikubeka pamwanya pa Lisyu Lyāko. Uketile mūmo abasololi abasyōbi bikusyōba. Bwānalōli bwa Kyala abēne bikukāna.

<sup>360</sup> Būna, O Ngalamu ya Yuda! Unko abasololi Bāko bakūte panja. “Akabalilo kākō Kyala ikuyoba, ywani abagile ukukyunga ku kusolola?” Ilyene lyo Lisyu lya Kyala likusōka ukufuma mu i Bāngéli, ukubūka mmwanya ukwisila mwa nsololi. Ngimba umwene abagile bulebule ukwikola ulutēngāno lwāke? Linga umwene abagile, umwene abagile ukupufula ku

tuyabo. O Kyala, unko u nsololi Gwako abune, Ntwa. Buna pänja i Ndumi Yäko, Kyala, kangu unko kilikyösa ikipeligwa kya Kitängalàla Kyäke kiyege nu bupilikisyo.

<sup>361</sup> Bali imaga abēne. Bali imaga abakikūlu nu kwīyēnēsya bēne. Bali imaga abanyāmbàla nu kwīyēnēsya bēne. Aliyaga aligwēsa u ndumbilili uyu ikupilikisya ku tepi iyi, ali imaga nu kwīyēnēsya mwēne, kabuno i Ngalamu ya kikolo kya Yuda yikubuna. Kangi i Lisyu ilyabwanaloli likwisa ku basololi, bikukūta panja, “Pinduka kangu sanukila kunyuma bo ukwene kukīla fiyo.”

<sup>362</sup> Kyala, une ngubīka i Ndumi, pa tepi kangu mu kilūdīlo ikiboneke, kwa Ugwe ulubunju ulu, panongwa ya kusūbila Ugwe kwisakusisimikisya Iyēne. Nu kukōlela aligwesa u mwanundumiana nu mwanundindwana gwa Kyala, uyu ali pāsī. . . uyu ukupilika i tepi iyi, pamo pāsī pa kogo ka lisyu, abēne bisakugomokelāga ku lupīnduko bo ukwēne kukīla fiyo.

<sup>363</sup> Kangu une ngwitika, Ntwa, linga Ugwe kutumaga Amosi apa, umwene abagile ukukūta ikindu kilakila. Kabuno umwene alinkutoligwa ukukūta. . . Loli linga umwene yo nsololi gwa Ntwa, umwene yo ntuma-pänja gwa Lisyu. Umwene atumigwe panja ni Lisyu, ni Lisyu, kangu umwene yo Lisyu. Lilino, Ntwa, unko ikyene kibombigwe, mu Ngamu ya Yeso Kristi. Amen. 

62-0513M I Njila Ya U Nsololi Gwābwānalòli Gwa Kyala  
Kitembe Kya Branham  
Jeffersonville, Indiana U.S.A.

KYANGONDE

©2024 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)